



ИВЫВ КОДЗУВ

1

ЯНВАРЬ

1987



Д. Г. Размыслова — «Пыёлдинскöй» совхозса доярка, сийöс наградитöма куйм Трудöвöй Слава орденөн.

Снимайтис В. Ячменев.



Войвыв кодзув

ТАЙО НОМЕРЫН

Ю. А. СПИРИДОНОВ. ТПК-лөн выль рөмъяс	3
Александр МАЛЬЦЕВ. Ышөдана кад. Чойлы. Турөб. «Ветераньяс эновтöны мусö...», «Менам улич вы- лö...», «Ме муна...». Ошинь улын пельясь (кыв- бурьяс)	10
Александр ЛЫЮРОВ. Югид луньяс (повесть)	14
Василий ЛОДЫГИН. Помасьтöм зэр. Шуда кад. Баба гожöм (кывбурьяс)	36
Вячеслав БАБИН. Визув паныд. Ытшкöм. Кыйсьöм (кывбурьяс)	37

Медводдза гижöдьяс

Владимир ЛЫТКИН. Кык висът	38
Николай ТАРАБУКИН. Мый мен колö (кывбур)	41

Челядлы

Алексей МИШАРИН. Дона гоб (висът)	42
Александр ЮЗЫКАЙН. Кум чой (кывбура мойд)	44

Сиктса юöрьяс

Герцен ФИЛИППОВ. Көр видзан овмöсын	47
-------------------------------------	----

Миян календарь

Иван ИЗЪЮРОВ. Бур сьөлöма, ыджид вежöра	49
---	----

Серамбана гижöдьяс

Евгений АФАНАСЬЕВ. Висьтасьö Мөдей Паш (висът)	54
--	----

БЫД ТÖЛЫССЯ
ЛИТЕРАТУРНО-
ХУДОЖЕСТВЕННОЙ
ДА ОБЩЕСТВЕННО-
ПОЛИТИЧЕСКОЙ
ЖУРНАЛ

ЛЭДЗÖ КОМИ АССР-са
ПИСАТЕЛЬСЛÖН СОЮЗ

ПЕТÖ 1926 ВОСЯНЬ

1

ЯНВАРЬ

1987

СЫКТЫВКАР

СЕВЕРНАЯ ЗВЕЗДА

◆
ЕЖЕМЕСЯЧНЫЙ
ЛИТЕРАТУРНО-ХУДОЖЕСТВЕННЫЙ
И
ОБЩЕСТВЕННО-ПОЛИТИЧЕСКИЙ
ЖУРНАЛ

◆
ОРГАН
СОЮЗА ПИСАТЕЛЕЙ
КОМИ АССР

Главный редактор *П. Шахов*

РЕДАКЦИОННАЯ КОЛЛЕГИЯ:

*А. Ванеев, Ю. Васютов, М. Игнатов, Н. Куратова,
А. Одинцов (ответственный секретарь), В. Попов,
И. Торопов (зам. главного редактора)*



Час сиктса тракторной бригадыс механизаторьяс (шуйгавыв-
сянь): Иван Цывунин, Юрий Потолицын да Анатолий Доронин.

Снимокыс С. Сухоруковлөн.



Ю. А. СПИРИДОНОВ,
КПСС Коми обкомса мӧд секретарь

ТПК-лӧн выль рӧмъяс

Ломтас да минерально-сырьевӧй озырлунъяс историялӧн став кад чӧжыс кыскисны йӧзӧс Европейскӧй войвылӧ. План серти, паськыда мунис корсьяс-сь-ӧмыс Сӧветскӧй властӧн медводдза воясьяныс сійӧ му вылысь, кӧнӧ тшӧтш миян республика. Войнаводзвывса пятилеткаясӧ Коми АССР-ысь аддзисны из шом, нефть, природнӧй газ, стрӧитчан материалъяс, рудаяс. Тайӧ кадас нин заводитчис кыптыны Европейскӧй войвылын топливно-энергетическӧй база, мӧдисны воясьяны вӧр лӧдзан да переработайтан гырьсь предприятияс.

Миян республикаын народнохозяйственнӧй овмӧс сӧвмӧдӧмыс ӧна ӧддзис 1941 воясьянь, кор Воркутаӧдз нӧжӧдисны Северо-Печорскӧй кӧрт туй. Сьӧкыд военнӧй воясӧ страналы сэтӧ петкӧдисны из шом, вӧр, нефть. Война бӧрын да торйӧн нин IX, X, XI пятилеткаясӧ бурмӧдӧм туйяс сетисны позянлун ӧдйӧджык кыптыны промышленностьлы, а сӧсся Коми АССР-ын да Ненецкӧй автономнӧй округын вӧлӧ босьтчӧма лӧсьӧдны Тимано-Печорскӧй территориально-производственнӧй комплекс. Сэтӧ аддзӧма производственнӧй тӧдчанлуна минерально-сырьевӧй озырлунъяс. Европейскӧй юкӧн ставнас босьтӧмӧн, сӧмын Войвывса муын куйлӧ ломтаслӧн, рудалӧн да стрӧитчан материалъяслӧн ыджыд запас, 25 процент пӧрдны позяна вӧр. Войвывса экономическӧй районын ыджыд пайыс и миян республикалӧн, кодӧ сетӧ сэтчӧс валӧвӧй продукциялысь 20 процентсӧ, 100 процент — из шом, нефть да газ, 30 процент — вӧр, 33 процент — фанера, 12 процент — бумага.

Тимано-Печорскӧй районын ыджыд комплекслӧн тӧдчанлуныс сыын, мый странаын ӧдйӧ кыптӧ став пӧлӧс природнӧй ресурсъяс вылын общественнӧй производство. Войвыв муысь озырлунъясӧ ӧдйӧджык колӧ босьтны нӧшта и сы вӧсна, мый страна рывывылысь да Уралысь став запасьясӧ нин тӧдмалӧма да перйӧны, но сырьӧ да ломтас оз тырмы. Та вӧсна сэтшӧм ыджыд надея кутӧны Тимано-Печорскӧй ТПК вылӧ союзнӧй министерствояс да ведомствояс, пятилеткаысь пятилеткаӧ виччысьӧны пыр унджык и унджык сырьӧ да материалъяс.

Регионлӧн мӧд пӧлӧс тӧдчанлуныс сыын, мый миян му вылысь бура нин тӧдмалӧма из шомлысь, нефтьлысь, каменнӧй да калийнӧй совьяслысь, титанлысь да бокситъяслысь, известняклысь да мукӧд минералъяслысь сэтшӧм запасъяс, кодъяслӧн эм союзнӧй тӧдчанлун и куйлӧны найӧ чукӧрӧн, миян Войвывлӧн неыджыд территория вылын.

Тайӧ сетӧ позянлун стрӧитны гырьсь, шыбласьястӧг уджалысь горно-металлургическӧй, химическӧй да энергетическӧй комплексъяс.

Войвыв районлысь колӧ пасйыны ещӧ кык лӧсяланатор. Сійӧ матын промышленнӧй центръясьянь, кытчӧ оз нин тырмы сырьӧ да ломтас; миян эмӧсь нин туйяс, кытӧ ӧдйӧ позьӧ вайны сырьӧсӧ заводъясӧ. Тайӧ — Воркута — Кот-

лас көрт туй, «Вой кыа» газопровод. Ухта — Ярославль нефтепровод, Сыктывкар — Киров автомобильной туй.

Таысь кындзи стрөитөма нин да водзө быдмөны Сыктывкарса, Ухтаса, Воркутаса промышленной предприятияс, мичаммөны да паськалөны карьяс, быдмөны выль посёлокьяс, өдйө содоны производительной выньяс да сідзкө эм позянлун өдйөджык босьтны Войвыв муын куйлысь озырлуньяс.

Тимано-Печорской производственной комплекс сөвмөдөмө пайсө пунктөны республикаса став уджалысьяс — нефтяникьяс, из шом перйысьяс, газөвикьяс, вөр пөрөдысьяс, геологьяс, стрөительяс. Ошкыны тані колө и меставывса партийной организациясөс, партийной комитетьясөс, народной депутатьяслысь Советьясөс, учёнойясөс, народной овмөсса специалистьясөс, трудовөй коллективьясөс. На отсөгөн наукалысь шедөдөмторьясөс өдйө мөдİM пөртны олөмө.

Вөчөма уна нин. Основной фондьясыс лыддысьсөны 16,5 миллиард шайт. Сы лыдын производственнойяс — 12 миллиард шайт. Бөрья дас вои валөвой продукция лэдөмыс содис 40 процент вылө да воис вонас 3,6 миллиард шайт-өдз. Ыджыд өдөн сөвмисны промышленностьлөн базөвой отрасльяс. Нефть перйөм содис 2,5, вөр лэдөм, вөр обработайтан да целлюлозно-бумажной — 3,3, из шом перйөм — 22 процент вылө, электроэнергия вөчөны 2,4 пөв унджык.

Бурланыө вежсьө промышленность, содоны сырьё переработайтысь отрасльяс. Сідз, 1975—1985 воясө вөр обработайтөмыс содис 1,5, машина стрөитөм — 2 пөв. Производство научно-технической прогресс пыртөм, сийөс механизируйтөм да автоматизируйтөм, а сідз жө электроэнергетика ыджыд өдөн сөвмөдөм содтисны фондовооруженность да энерговооруженность, кокньөдөма уджсө общесоюзной выйөдз. Производственной электрической машинасын уджалөмыс содис 1,7 пөв. Промышленностьын удж производительность кыптис 23 процент вылө, видз-му овмөсын — 34 процент вылө, строительствоын — 24 процент вылө.

Республикаса торья районьяслысь специализация артыштөмөн пыр бурмөдсьөны энергосистемаяс, транспорт да связь. Талун кежлө көрт туйяслөн кузьятыс воис 1726 километрөдз, нуюдөдөма 5665 километр асфальта да бетона автомобильной туйяс, ва туйяслөн кузьятыс 4727 километр. Ми эськө шум, мый өни республикаын лөсьөдөма стрөитчөм кузя ыджыд индустрия. Ведомственной торьялөм да мукөдтор вылө видзөдтөг быд во позьө осваивайтны миллиардөн-джынойн шайт капиталовложениеяс. Стрөительной организацияслөн вынйөрыс өни нин артавсьө вонас 600 миллион шайтысь унджык.

Территориально-производственной комплексын медся төдчана индустрияөн лоис өни геологоразведка. Налөн куйм объединение колян пятилеткаө освоитис му пытшкөсса озырлуньяс корсигөн матө 3,5 миллиард шайт. Смела позьө висьтавны, мый налөн уджыс эз вош весьшөрө. Печорской бассейнса из шом перйысьяс лоисны запасаөс сө вояс кежлө. Стөчмөдөма Европейской войвылын и мукөд нефтяной да газөвой месторожденияслысь вынйөрсө, сы лыдын и Харьягаысь, Хыльчуоуысь да мукөдлаысь. Найө абу ылынөс өния нефть перьян промыслысьяс.

Коми АССР-өс экономическөя сөвмөдөмысь эз коль бокө и йөзлысь олөм условиясөс бурмөдөм, 1975—1985 воясө быд морт вылө артыштөмөн доходьяс содисны 1,5 пөв. Но эз ичөтджык вермөмьясөн республикаса уджалысь йөзлөн да областной организацияслөн ло сийө, мый делө вылын удайтчис петкөдлыны комплекс сөвмөдөмлысь паськыдджык позянлуньяс. Бөрья воясө востьтөма мупытшкөсса мукөд озырлуньяс: кокни металльяслысь — бокситьяслысь промышленной запасыяс. Шөр Тиманын геологьяс аддзисны бокситьяслысь озыр места. Рудалөн пластыс муно Баренцево море бережьясөдз, и глинозёмлөн тайө ыджыд запасыс абу көнкө куйм му сайын, а куйлө мян Европейской войвылын, гырысь промышленной центрьаскөд орччөн.

Мөд ыджыд востьтөм — ярегаса нефть да бокситьяс. Тайө местаяссыс матын сулалөны уна йөза посёлокьяс, кытчө нуюдөдөма нин туйяс, а орччөн

мунё Москвасянь Воркутаёдз көрг туй. Аслас озырлунъяснас Ярега корё, мед эськё сэтчö стрöйтны отраслькостса зэв ыджыд объединение, көнi кутас позьны сывдны рудаыс титанлыс пигментнöй двуокись, кодi ёна колö краска вöчöм вылö, лöб металлическöй титанлы сырьёөн, туйö стрöйтчан материал да керамика вöчöм вылö. Ярегаын комплекснöй стройкаяс сетасны поэянлун унджык перйыны сьöкыд нефть.

Тиман да Урал костыс аддзöма полиметаллъяслыс, ыргöнлыс, баритлыс, фосфоритъяслыс да мукöд минералъяслыс запасяс. Ставыс тайö тшöктiс вель ног видзöдлыны сувтöдöм могъяс вылö. XXVII съездлөн Основнöй туйвизьясын гижöма: «Водзö сöвмöдны Тимано-Печорскöй территориально-производственнöй комплекс, öддзöдны из шом перьян шахтаяс стрöитан удж, восытны нефтьлыс вель месторождениея, дасытысны бокситъяс да титанöвöй рудаяс перйöм кузя уджьяс кежлö».

Тайö могъяссö олöмö пöртöмыс кутас тöдчыны сы серти, кызди мöдас сьвмыны республика, кодлөн пай вылö усьö комплекслөн производственнöй потенциалыс 90 процентыс унджык.

Тимано-Печорскöй производственнöй комплексö Коми АССР пуктö ыджыд пай: могмöдö страналыс европейскöй юкöнсö ломтасөн, энергетическöй да вөр сырьёөн, нефтьыс да газыс вöчöм продуктясөн, вөр обрабатывайтан промышленностьлөн материалъясөн.

Уна кутас мöдöдсыны республика пыр странаса шөр районъясö Рытывыв Сибириыс мупытша газ.

Наука подув вылын пöртны олöмö геологиялыс материально-техническöй базасö, овмöдны приполярнöй войыв, тырвийöджык эксплуатируйтны Большеземельскöй тундралыс, полярнöй кытшдорса да полярнöй кытшö пырыс Ураллыс, Ямаллыс да мукöд местаясыс запасьяссö.

Такöд тшöтш республикалөн социально-экономическöй сöвмöмыс ёна на кольчö индöм туйвизыыс. Унатор эснi лöсвятöмыс, ладмытöмыс.

Хозяйственнöй строителствоын кольчö на научно-техническöй босьтчöмыс.

Мупытша озырлунъяслөн востöм нин местаясын абу на тöдмалöма, кызди сийс кокныыдджыка да донтöгджык позьö перйынысö.

Энергетическöй установкаяс оз вермыны сетны промышленностьлы колана мында электрическöй ток.

Этша на сэтшöм промышленнöй предприятиеяс, кодъяс лэдзöны стрöитчан материалъяс.

Ньöжйö сöвмö видз-му овмöс производство да оз вермы могмöдны ньöбасысысöс.

Кольчöны йöзöс обслуживайтыс предприятиеяс. Эм на и мукöд тырмытöмторъяс. Став тайö нелючкияс вöснаыс ньöжмалiс промышленнöй производстволөн сöвмöмыс. IX пятилеткаö кө быд во промышленнöй производство шöркöдя содгiс öдьясö 7,7 процент вылö, то X пятилеткаö — 3,9, XI пятилеткаö — сöмын 2,9 процент. Удж производительность вонас шöркöдя содiс тайö кадас 7,2; 2,4; 1,4 процентъяс вылö, шöркöдя босьтöмөн странаса лыдпасыс улынджык.

Öнi кежлö миян водзö сувтöдöма кыв кутана мог: бырöдны кольччöмсö, вуджöдны экономикаöс öдийöджык сöвман туй вылö.

Партиялөн областнöй комитет, Коми АССР-са Министръяслөн Сöвет, СССР-са наукаяс академиялөн Коми филиалыс учёнöйяс республикаса мукöд научнöй да производственнöй организацияскöд лöсьöдiсны локтан 10 во кежлö уджьяслыс вель программа.

Водзö вылö Коми АССР-ын производственнöй вынъяс кутасны содны промышленнöй производстволыс вынйöрсö ёнмöдöм да паськöдöм тшöт весьтö, вель отрасляс да производствояс, отрасляскостса гырыс комплексъяс лөсьöдöм тшöт весьтö. Вылöджык кыптас экономико-географическöй тöдчан-

луныс Европаса да Рытыв-Войвыв районъяс серти да лоӧ ӧткодь Архангельскӧй да Тюменскӧй областъяскод, Волго-Вятскӧй да Уральскӧй экономическӧй районъяскод. Коми АССР-лысь производительнӧй вынъяссӧ водзӧ кежлӧ сӧмӧдӧмыс кутас мунны производство паськӧдмӧкд, сылысь вынйӧрсӧ содтӧмкӧд, выль отрасляс да производствояс восьталӧмкӧд, отрасляскостса комплексъяс восьталӧмкӧд ӧттшӧтш. Тӧд вылӧ лоӧ босьтӧма и Войвывса уджалан условияс.

Вӧчтӧмыс миян уна на. Медся водз колӧ ӧдйӧджык паськӧдны ломтас да энергетическӧй комплекс. Унджык стрӧйтчыны, бурмӧдны транспорт, йӧзӧс обслуживайтӧм. А тайӧ позянлуныяс миян республикаын эмӧсь, кызди страна европейскӧй юкӧнын ломтас да энергетика базалӧн.

Печорскӧй бассейнлӧн геологическӧй запасъяссыс льдыддыссьӧны уна миллиард тонна, сэтӧсь 44,3 миллиард тоннаыс — коксуйтчӧсь из шом. Став из шомысь пӧшти джынйыс куйлӧ 600 метр пыднаысь матынджык. Бур горно-геологическӧй условиясыс да производствӧ выль техника да технология пыртӧмыс сетӧ позянлун перйыны унджык мупытшса озырлун. Дыр кад чӧжнин Печораса из шом бассейнысь горнякъяслӧн удж производительностьыс 1,8 пӧв выльнджык тайӧ отрасль кузяыс шӧркодя босьтӧмӧн: 1,3 пӧв выльнджык Кузбасса шахтаясыс да 2 пӧв — Донбассаын дорысь. Сы вылӧ видзӧдтӧг, мый Войвывса му улын куйлысь озырлуныяссӧ босьтны сьӧкыджык да сӧдзкӧ, колӧ лоны, сувтӧ донаджык, но мӧдарӧ — из шомсӧ миян горнякъяс мӧдӧдӧны донтӧджык страна мукӧд бассейнъясн серти.

Тимано-Печорскӧй комплекс сӧмӧдӧмын зэв тӧдчанаторйӧн лоӧ Печорскӧй бассейнысь содтӧд из шом перйӧм. Та вӧсна колӧ ӧдйӧджык стрӧитны Воркутаын 33 номера шахта, из шом весалан Центральнӧй обогатительнӧй фабрика, Интаын да Воркутаын уджалысь шахтаясын восьтны из шомлысь выль горизонтъяс, ӧдйӧджык проектируйтны выль шахтаяс, стрӧитны найӧс да лэдзны уджӧ.

Бӧръя кадӧ ыджыд сьӧкыдлуныяс паныдасисны нефтянӧй да газӧвӧй промышленностьын. Фонтанӧн нефть перйӧм чинис 7,6 пӧв.

Медым эз чин нефть да газ перйӧмыс Тимано-Печорскӧй провинцияын XII пятилеткаӧ да водзӧ вылӧ, а пыр содӧс, колӧ восьтавны войвылын нефть-ӧн да газӧн озыр выль районъяс.

Нефтьлысь запасъяссӧ медся бура тӧдмалӧма Колваысь, газлысь — Денисовскӧй да Вылыс Печораса увтасинъяссыс. Дзик на абу тӧдмалӧма кизьӧр ломтаслысь запасъяссӧ Ижмо-Печорскӧй увтасинлӧн войвыв юкӧнысь, газлысь — ыджыд Сыня бердса да Коротайхинскӧй увтасинъяссыс. Геологъяс эз на тӧдмавны мупытшкӧсса озырлуныяс Коми АССР-са луныв районъяссыс, но паськыд исследованиес сӧни кутасны нубдны 1987 воыннин.

Кӧть мупытшкӧсса озырлуныяслӧн промышленнӧй запасъяс куйлӧны сибалана местаын, но бурджык сорта сьӧкыд нефть (49,1 процент мында) ачыс оз кай, сйӧс перйӧм вылӧ колӧ выльмӧдны технология, пыртны производствӧ став бурсӧ, мый эм отечественнӧй да рубежсайса технологияын.

Ыджыд мог сувтӧдсӧ и сы вылӧ, медым комплекснӧ пӧльзуйтчыны мупытшса углеводороднӧй сорасъясӧн. А тайӧ — содтӧд ломтас, химическӧй промышленностьлы бур сырьӧ. Сӧни эм этанлӧн, пропанлӧн, бутанлӧн, сероводородлӧн, гелийлӧн да мукӧд сотчӧсь газъяслӧн ыджыд юкӧн. Артыштӧма, мый сӧмын этан да пропан-бутан делӧ вылӧ чукӧртӧмысь 1 миллиард Вуктылса газ сетас 4 миллион шайт прибыль. Та вӧсна ӧни ӧдйӧ выльмӧдсӧ Ухтаса нефть переработайтан завод, кодлысь первой ӧчередсӧ шуӧма лэдзны тайӧ пятилеткаыннин. Сэтшӧм жӧ уджъяс 1990 воӧдз колӧ вӧчны и Сосногорска газ переработайтан заводын; мый сетас позянлун вит пӧв унджык переработайтны Вуктылса газ. Миян республика кутас мӧдӧдны унджык газ страна шӧр да рытывыв районъясӧ сӧк, кор лоӧ эштӧдӧма Ямал-Центр газопровод.

Ямалысь газ перйӧгӧн ковмас содтыны Коми АССР-лысь энергетическӧй вынйӧрсӧ. Ӧд электроэнергиясыс, кодӧс кутасны сетны миян республикаса сдтӧд установкаяс, кутас мунны тшӧтш и Ямалса предприятиясӧ.

Ломтас сырьё поэны кутас унджык перыны сэк, кор лоо паськёдма геологоразведочной уджыс и медводз нефть да газ корсьом.

Республикаса промышленностьлон зэв тёдчана юкёнон лоо вёр лэдзан, вёр обрабатан да целлюлозно-бумажной промышленность. Тайо предприятиеясы сетёны став продукциялысь 28 процентсо, промышленно-производственной фондьясы артавсьоны 22 процент, сэни уджаласьяслон лыдыс 40 процент. Коми муын лэдзёны да петкёдоны вёрсо 181 предприятие.

Бөръя воясо удайтчис кыпёдны вёрон пользуйтёмын комплексной козяйской видзёдлас. 1975—1985 воясо вёр индустриалон продукциясы содис пошти 1,3 пёв, сы лыдын чайгысь вёчём плитаяс — 5,5 пёв, мебель — 3 пёв, бумага — 2,1 пёв, древесноволокнистой плитаяс — 3,8 пёв. Вёрысь вель пёлос материальяс вёчёмьсы сетис поэянлун делё выло лэдзны пес вёр, корья да улын сорта лыска пуяс, налысь йывьяссё. Сэтысь вёчёны технологической чаг — целлюлозно-бумажной промышленностьлы сырьё.

Республикаса вёр комплексын бөръя куим пятилетка воясо вёли стрёитёма сэтшём гырысь предприятиеяс, кызд Сыктывкарса лесопромышленной комплекс, древесноволокнистой плитаяс вёчан Княжпогостса завод, восьтёма некымын леспромхоз, кодьяс вонас пёрёдоны да петкёдоны 1 миллион кубометр вёр, вёчёны уна технологической чаг. Тывыйёджык кутис мунны делё выло вёр сырьё да бөръя дас воён ёти кубометр вёрысь валёвой продукциясо кутисны лэдзны 27,6 процент выло уджык. Но такёд тшётш колё пасыны, мый дыр кад нин нёжйё содо вёр обрабатан промышленностьлон вынйёрыс, заптём вёрысь джынсо нуёны республикаысь керьясон. Торйён нин этша босьтоны делё выло корья вёр, уна на воштёмыс колясьясын и лыска вёрысь. Та вёсна вёр промышленностьо веськёдом капитальной вложениясысь ыджыдджык юкёнон лоо видзёма вёр обрабатан производство вельмёдом выло.

Коми АССР-ысь вёр комплекс совмёдан делё бура артыштёмыс петкёдло, мый став производственной ресурсьясон бурджыка поэяс пользуйтчыны сомын сэк, кор лоо веськёдма тайо отрасляс вель вынйёрьяс да ёдзёдомон кутасны пыртны сэтчо бур механизмяс.

Тайо туй визыс тшөктё вельмёдны производстволысь отраслевой да территориальной структурасо, вёрсо переработайтны дась выйёдз места вылын; медвойдор, тывыйё могмёдны целлюлозно-бумажной да пуысь плитаяс вёчан производство.

Ёния условиясын колё вель ногён пыртны вёр комплексо научно-технической прогресслысь шедёдомторьяссё, могмёдны предприятиеясо вылын производительность бур техникаон. Ковмас ёна бурмёдны вёр петкёдан транспорт да туйяс.

Тыр идёрлун да төлкөнджык ковмас пользуйтчыны вёр запасьясон, содтыны сийёс вель кёдзаяс тшөт весьтё. Татог оз вермы бура да дыр кад чөж уджавны вёр промышленность комплекс. А ми бёрын олысь поколение кутас доньявны идёрлуннымс сы серти, мый ми налы колям, а оз сы серти, кызди чуксалим дёзьёритны тайо озырлунсо.

Со мый вёсна пыр колё кутны тёд вылын, медым некор эз быр вёр, корсьысны бур местаяс да восьтавны сэтчо заповедной зонаяс, национальной паркьяс.

Вось воё пыр уджык стрёитам машинаяс. Шубома, водзё паськёдны да вельмёдны Ухтаын, Сыктывкарын машина стрёитан заводьяс, восьтны металл обрабатывайтан вель предприятиеяс.

Республикалон овмёсо ыджыд пай пунктёны местной да лёгкой промышленностьлон предприятиеяс. Найо кутасны стрёитсыны, паськавны да уджавны производственной колясьяс вылын, лишалысь трудоной ресурсьясон.

Республикалысь производственной вынъяс совмёдан комплексын зэв тёдчанаб лоо сийё, медым уджык вёчны видз-му овмёс продуктаяс. Места вылын быдтём сёянторсё 1985 воын республикаса уджалысь йёзлы вузалёма картофелылысь 71 процент, град выв пуктасьяслысь — 21, яй — 41, йёв да сыысь вёчём сёян — 45, чипан кольк — 81 процент.

Асланым республикаын вѳдитѳм-быдѳм прѳдуктаясѳн йѳзѳс тырвйѳджык могмѳдѳмын агрокомплекс сѳвмѳдан туйяссѳ позьѳ индыны: муывьса быдтасъяс кузя — тырмымѳн вѳдитны картофель да мукѳд град выв пуктасъяс; скѳт видзѳмын — колана мында, быдлаѳ мѳдѳдны олысьяслы йѳв, чипан кольк, кызд позьѳ унджык вузавны йѳлысь вѳчѳм сѳянторъяс да яй. XII пятилеткаын видз-му овмѳс прѳдуктаяссѳ совхозъяс вузаласны 17—20 процент вылѳ унджык, кыпѳдасны удж производительностьсѳ 20—22 процент вылѳ. Лѳѳ лѳсьѳдѳма агропромышленнѳй комплекслы зумьд производственнѳй база, сиктъясѳс социальнѳя сѳвмѳдан ьджыд программа. Тайѳ могъяссѳ олѳмѳ пѳртѳм вылѳ лѳѳ веськѳдѳма 455 миллион шайт капиталнѳй вложенияс.

Республикаѳс 1986—2000 воясѳ экономическѳя сѳвмѳдѳмыс йитчѳма абу сѳмын ськѳд, кызди мѳдасны кыптыны мупышкѳсса да вѳр озырлунъяс перьян да переработайтан отрасльяс, но тшѳтш и выль промышленнѳй предприятияс лѳсьѳдѳм тшѳт весьѳ.

Химико-металлургическѳй комплекс кыптас Ухтаын, кѳнѳ мѳдас сѳвмыны алюминивѳй да титанѳвѳй промышленность. Айкинаын стрѳитасны заводъяс, кѳнѳ мѳдасны вѳчны белково-витаминнѳй концентратъяс, вердчан рокѳс, адипинѳвѳй кислота да мукѳдтор. Сереговса да Выльс Печораса сов запастъяс, Хойлинын да Пальникын баритлѳн озырлунъяс, Войвыв да Полярнѳй Уралын — флюорит да кварц сетасны позянлун востны сѳнѳ выль предприятияс.

Ыджыд программа олѳмѳ пѳртѳгѳн, ковмас бурмѳдны делѳсѳ и капиталнѳй строительствѳын. XII пятилеткаѳ капиталнѳй вложенияс содасны 1,5 пѳв да 1990 во кезлѳ кутас артавсьыны 1,7—1,8 миллиард шайт. Тайѳ могъяссѳ позяс пѳртны олѳмѳ сѳк, кор лѳѳ содѳма стрѳитчысь организацияслысь вынйѳрсѳ. Стрѳительнѳй организацияяс ковмас ѳтутны зѳв ьджыд территориальнѳй организацияѳ — Главкомстройѳ, кодѳн кутас веськѳдлыны СССР-са войвылын да рытыввылын стрѳитчысь общесоюзнѳй министерство.

Выль стройкаяс вылѳ коланаысь сѳмын джын мында вайѳны места выльсь кирпич да поснѳдлѳм из, кѳтъ позянлунъяссыс та вылѳ эм унджык. Колѳ ѳддзѳдны Ухтаын кирпич завод стрѳитан уджъяс, кодѳ вонас кутас мѳдѳдны 150 миллион кирпич, татшѳм жѳ завод востны Воркутаын, Интаын, ьджѳдѳдны Кожваса из поснѳдлан завод, паськѳдны Чинья-Ворыкысь карьер, пятилетка помѳдз востны татшѳм карьеръяссѳ да заводъяссѳ Кожмын, Интинскѳй районын да мѳд ѳчереть — Воркутаын. Тайѳ сетас позянлун вайны стройкаяс вылѳ 2 пѳв унджык поснѳдлѳм из. Матысса воясѳ мѳдасны стрѳитны Ухтаын цементнѳй завод.

Выльмѳдны колѳ и стрѳитчан индустриялысь базасѳ, медым позис сѳнѳ вѳчны стрѳитчан материалъясслысь выль, кокныьдджык конструкцияс, бурмѳдны производствѳлысь технологиясѳ.

Он вермы ѳдйѳ да тыр-бура сѳвмѳдны Тимано-Печорскѳй территориально-производственнѳй комплекс бур туйястѳг да транспорттѳг. Медся тѳдчана могъяснас танѳ лѳѳны: кѳрт туй вылын — лѳсьѳдны вынйѳра локомотивъяс, ьджѳдѳдны локомотивъяс да вагонъяс дзоньталан депояс Чум — Лабытнанги учасокын, паськѳдны кѳрт туй станцияс; автомобильнѳй транспортын — лѳсьѳдны выль туйяс да лѳдзны сѳтчѳ автобусъяс, вуджѳдны машинаяссѳ газ ломтас вылѳ. Лѳсьѳдны Сыктывкар — Ухта — Крутая — Усть-Кулом — Сыктывкар кольчаа туй, нѳжѳдны чорыд туйяс мукѳд местаясѳдз да медводз — промышленнѳй районъясѳдз. Медым бурмѳдны ва вывтѳ ветлысь транспорт, Сыктывкарын колѳ эштѳдны выль пристань, сѳвмѳдны суднояс стрѳитан база, Печора да Эжва вылын — причалъяс. Сынѳдса транспорт бурмѳдѳм вылѳ колѳ паськѳдны аэропортъяс Усинскын, Печораын, Троицко-Печорскын, петкѳдны аэропорт кар сайѳ Воркутаысь, Сыктывкарса аэропортлысь помавны мѳд ѳчереть.

Миян республикаын нѳжйѳ на вежсьѳ уджалысь йѳзлѳн социальнѳй олѳмыс. Оз на тырмыны бур оланѳнъяс, а тайѳ падмѳдѳ экономикаѳс. Та вѳсна XII пятилетка помын нин шуѳма кык пѳв содтыны олан керкаяс стрѳитан уджъяс. Лѳѳ кыпѳдѳма керкаяс стрѳитан выль комбинатъяс Воркутаын, Усин-

скын, Сыктывкарын. Уна на тырмытӧмторйыс и бытӧвӧй обслуживаннеын, вузасӧмын, медицинаын, народнӧй образованиеын. Виль быт керкаяс, магазинъяс, больничаяс, школаяс шуӧма кыпӧдны матысса воясӧ нин.

Партиялӧн ылӧ водзӧ видзӧдан туйвизыыс — ӧддзӧдны социально-экономическӧя сӧвмӧм — научно-техническӧй прогресс. Сӧмын тайӧ подув вылас позьӧ вуж выйӧныс бурмӧдны удж производительность.

Республикаын лӧсьӧдӧма Коми АССР-ӧс 1986—1990 вояс кезлӧ «Интенсификация-90» комплекснӧй программа. Сэни индӧма пӧртны олӧмӧ виль техника да технология овмӧсьясӧ пыртӧм кузя матӧ вит тысяча мог. Кутас уджавны автоматизируйтӧм да комплекснӧя механизируйтӧм 400 цех, участок да производство, 380 поточнӧй линия, 4 тысяча виль оборудование. Шуӧма пыртны 800 научно-исследовательскӧй да опытно-конструкторскӧй мӧвп. Пятилетка помӧдз высшӧй категорияя продукция лӧдзӧмыс содас 2 пӧв, качество знакӧн кутасны лӧдзны 130 пӧлӧс тӧвар.

Коми АССР-лысь производительнӧй вынъяс научно-техническӧй подув вылын ӧддзӧдӧмӧн сӧвмӧдан туйяссӧ кызвыннас тшӧктӧма корсьны СССР-са наукаяс академиялӧн Коми филиаллы, отрасльясса да вузъясса научно-исследовательскӧй институтъясын уджалысьяслы, сы вӧсна, мый унджык проблемаясыс шымыртӧны миянлысь Войвывнымӧс ставнас. Олӧмыс ачыс тшӧктӧ учёнойяслы пуктыны тайӧ могъясас ыджыд пай. Колӧ ёнмӧдны наука да производство костын йитӧдъяссӧ.

Страналысь экономикасӧ ӧддзӧдӧмӧн сӧвмӧдӧмӧ ыджыд пай пуктас Тимано-Печорскӧй территориально-производственной комплекс. Ӑти-кӧ, сийӧ кутас сетны донтӧм, бур сырьӧ странаसा народнӧй овмӧслӧн уна юкӧнӧ. Мӧд-кӧ, тайӧ му вылас позьӧ повтӧг восьтавны уна предприятие. Места вылын некытчӧ нутӧг комплекснӧя перерабатывайтны сырьӧ, кодӧс уна аддзӧма миян крайысь. Тайӧ сетас страналы ыджыд пӧльза. Ӑд колӧ артыштны и сийӧс, мый тайӧ Войвывса му вылас паськӧдӧма нин зӧв гырысь стрӧитчан уджъяс. Ӑг куш местаӧ чуксалӧй ми отрасльяссӧ. Партиялӧн XXVII съезд вылын выступайтигӧн М. С. Горбачев висьталӧс сы йылысь, мый народнӧй овмӧсын бурлань ыджыд вежсьӧмъяссыс кыв шутӧг отсаласны ӧддзӧдны экономикалысь сӧвмӧм-сӧ. «Тайӧ босьтас уна кад,— пасийс сийӧ,— но шедӧдны кыпӧдчан ӧдъяссӧ миян колӧ нюжмасьтӧг, талун нин».

Сидзкӧ, быть талун, энотчытӧг колӧ кутчысьны и миянлы ставнымлы да сетны Войвыв крайӧс сӧвмӧдан тайӧ бур делӧас асьыным став кужӧмлун да сям.

Ышӧдана кад

Нэмсӧ тулыс — ышӧдана кад,
Сымда вайӧ майшасьӧмсӧ мортлы!
Сьӧлӧм дӱпкӧ! — тайкӧ чегас ордлы,
Мелі видзӧдласлы садьтӧг рад.

Тувсов дукуыс коддзӧдӧ том вир,
Пырӧ сьӧлӧм пыткад ыштысь шыӧн,
И сэн сійӧ муслун прӧшви кыӧ,
Дорас вурышталіг шонді дзирд.

Вежӧрад мый вӧчсьӧ он и тӧд,
Ышлолалан гӧгӧрвоны кужтӧг,
Быд шы и быд серпас лолад чужтӧ
Олӧм вӧсна оръясьлытӧм тӧжд.

Киыд вӧчӧ нэмӧвӧйся удж,
Мича думӧн рытыс паныд петӧ,
Сӧстӧм муслун ыджыдалӧ светас
И тэ сыысь дзэбсьыныс он куж.

Рытнас зэв дыр ышлолалӧ сад.
Пукавсяс мӧй татшӧм рытнас гортад?
Сьӧлӧм дӱпкӧ! — тайкӧ чегас ордлы!
Гӧгӧр тулыс — ышӧдана кад.

Чойлы

Сывны пондан, а дум вылӧ усьӧ
Бать-мам керка да тӧвшӧрса рыт:
Кывза нывъяслысь сьылӧмсӧ гусьӧн,
А нор сьылӧмыс шогӧ оз пырт.

Вӧлі кажитчӧ лайкӧдысь шыыс,
Быттӧ мыйыськӧ сетӧ мем мезд...
Мыла шыыс сэн нэм кежӧ кыис
Том на сьӧлӧмӧй муслунлысь вез.

Кымын сыланкыв сӧксянныс сывлі,
Кодыр ӧтнамӧн, йӧзыскӧд кор! —
Сыысь, тыдалӧ, муса мем ывла,
Сыысь, тыдалӧ, муса мем морт.

Туроб

Вильыш туробыс тыртõма туйсõ,
Шуõ-шутьялõ: «Мунныд он письт!»
Синмõ койõ и питшõгõ суйсьõ...
Но мем туробыс — важыся висьт!
Қымын туроб нин ковмылис венны,
Онi казътывныс весиг ог куж!
Эз вõв на вылõ завидьлун менам,
Кодлõн туй отыс век вõли юж.
Водзõ чуксалõ дзирдалысь кодзув,
Олõ сьõлõмын войвывлõн би,—
Сийõ-й ыдъясьõм воывлõ шоча,
Муслун лачаõс нинõм оз ви.
Медъя тõв нырыс чилзõ да ымзõ!
Расас видзõдлi... чайтсис друг мен,
Мый оз туробыс путкыляв лымсõ,
Еджыд кõчильяс йõктõны сән.

Дона войвылõй, чужанiн менам!
Мамсõ вунõдны вермас-õ пи?
Мыйяс вермасны миянõс венны,
Кодыр сьõлõмам ышõдысь би?
Меным любõ, мый енэжсьыс усьõ
Қадõн небыдик лым, қадõн зэр,—
Тайõ сiдзи жõ олõмõн шусьõ,
И мед некодыр сийõ оз берд!
Медъя тõв нырыс чилзõ да ымзõ!
Расас, эрд вылас, каститчõ мен,
Мый оз туробыс путкыляв лымсõ,
Еджыд кõчильяс йõктõны сән.

* * *

Ветеранъяс эновтõны мусõ,
Нуõ найõс арлыд и важ дой.
Гашкõ-й меным, олõмыс кõtь муса,
Виччысьны нин колõ помтõм вой.

И кор кыла шогсян шы оркестрлысь,
Мыйкõ кõдзыд чутõдõ мем юр,—
Тайõ, гашкõ, смертыс пиньсõ кеслõ,
Но ме сылы регыдõн ог сюр!

Радейта на лысвасõ ме кõвтны,
Қор быд войтын ворсõ шондi дзирд;
Лэчыд косаõн кор ытшка-õвта,
Важ моз век на ворсõ менам вир.

А кор локта кызъяс котыр дорõ,
Сьõлõм сьылõ — висътавныс он куж!
Қызди лоны татшõм мичас норõн,
Кõtь и сõлис юрси вылад пуж?

Ветеранъяс энвотӧны мусӧ,—
Нуӧ найӧс арлыд и важ дой.
Меным век на муыс-ваыс муса,
И мем веськодъ, локтӧ оз съӧд вой.

* * *

Менам улич вылӧ лӧньлун локтис
Пемыд войкӧд ӧттшӧтш, кызди-й век,
Некод нин оз ветлы керка боктӧ,
Топольяслӧн ньӧти кор оз лег.
Ӑтка кодзув съӧдлӧз йиркас югзьӧ.
Мыйсӧ аддзӧ муным вылысь, тась?
Али мекӧд долыдлуннас юксьӧ,
Али локны отсӧг вылӧ дась?
Восьтӧ ӧшинь. «Қолӧ кӧ лок пырав,
Ӑтка кодзув,— кора, ӧтка морт,—
Мийӧ тӧкӧд коркӧ, дерт нин, бырам,
Водзджык ме, а тӧсӧ ог тӧд кор.
Миян костын муртавлӧтӧм ордым,
Менам улич дженьыд сымда пӧв,
Қызди менам нӧмӧй Мувыв гортын
Тӧнад нӧмкӧд,— сыысь ме ог лӧвт!
Но, со, кыськӧ кышакылӧм кылис!
Платтӧ шӧвк-ӧ? Қазытывлӧм-ӧ сэн?
— Чолӧм тӧныд, кодзув дзирда ылыс!
Му выв юӧр бара вичмӧ мен.

* * *

Ме муна карса зыкъяс пырыс,
Дзик быттӧ вӧртӧ, кӧнӧ тӧв
Быд туган пытшкӧ шумӧн пырӧ,
Мед сӧнӧ лӧньлуныс эз вӧв.
Ме муна... Вежӧр быттӧ узьӧ,
И вунӧдсьӧ, мый кӧнкӧ эм
И мелӧ кыв, и тешкодъ шусьӧг,
И вывтӧ ӧда ӧнъя нӧм.
А мирыс ставнас — ӧти ӧкмыль,
Кӧн гартчӧмаӧсь шог и мог,
Но мортыс съӧлӧмнас оз лӧкмы,
Қор мортыс мортлы друг и вок.
Мед вильшасьӧ кӧ ышмӧм турӧб,
Мед гартас гезйӧ лым и тшын:
Тшын чужан мулӧн абу курыд,
Лым миян му вылын во джын!
Ме муна карса зыкъяс пырыс,
Ас чужан мулӧн тӧжда пи,
И эска: гудырлуныс бырас,
Эм водзын Сӧстӧмлунлӧн би!

Öшинь улын пелысь

Öшинювса пелысь
Ошйысьö гөрд рознас,
Гусьöн петысь тöлысь
Сайöдчöма кознас.

Көнкө ворсö гудöк,
Көнкө юргö сьылöм,—
Мелі кинас кутö
Менсьым нормöм сьөлöм.

Синьяс водзö петö
Аслам тувсов здукöй,
Бытьтö муслун сэтöн
Менö век на кутö.

Гудöк абу кыин,
Сыланкывйöй важмис...
Бытьтö алöй биын
Олö томлун гажыс.

Мукöд сьылöм горөн
Гажöдчылö лолöй,
Но век синмöй корö,
Мыйысь сьөлöм полö.

Пелысь вылысь кайяс
Кокалöны розсö.
Аслам олöм пайысь
Радлö лов и горзö.

Öшинювса пелысь
Койö мичмöм корсö.
Петіс наян тöлысь,
Нормöм лолөн ворсö.

Ю Г Ы Д Л У Н Ъ Я С

П О В Е С Т Ъ

Каникулъяс, каникулъяс

Вөрладорё нюжодчём муяс да картофель гуяс сайын вежодіс Гажа яг. Ляпкыдик, но кыз да пашкыр пожомъяс заводитчылісны пыр жё, потшёс сайын, сулалісны стенён. Вожъясыс шевкнитчёмаёсь паськыда, кызёсь, ёнёсь, на вылын лыдтём чальяс, кодъяс эжсьёмаёсь чёскыд сир кёра кузь веж лыс емъясён. Тулысын гёрд коляозійыс мыйта! Гырысьёсь, юмов кёраёсь, челядь чёсмасьлёны горшнысё сирёдтёдз. Тайё мичё — веж Гажа ягё — видзисны-дөзьёритісны том и пёрысь. Сійё вель ыджыд, паськөдчёма Серё шорёдз. Қорт кодь ён, кыз да джуджыд вужъяс вывтис, кодъяс кыптёмаёсь пөим рёма му, кос нитш да еджыд яла весьтё, эз прөйдитлы телегаа ни өти вёла, эз вөвны тані и ордымъяс. Му бердсянныс сьөдөдөм джуджыд потасъяса кыз кырсьё абу дойдалөм чер ни пурт. Тані некод эз лиасьлы, көть эськө сійё кыз бурня кодь пожомъясад лиыс ок юмов да кыз. Кымын ылөджык сиктсаян, кымын матөджык Серё шорлань, коді босьтё васө ылыс Ыджыд нюрысь, сымын пожомъясыс лөоны статьясьджык, веськыдөсьджык, пыр ёнджыка нюжөдчөны вывлань, быттё ыргөн сисьяс. Татысь коляозтө сөйсёма: веж шапка кодь туган йылыскөд зэра лунъясө өтвесьтөд төвзёны кымөръяс. Но сэтысь поэё нин вотны сьөдгөрд шапкаа кыз кока дона гобъяс.

Яг дорышас эмөсь гажа кушинъяс, кодъясёс быттё венөкъясөн гөртөдөма чуткасысь лыска ляпкыдик тусяпуясөн, алөйгөрд рөмагырысь дзоридзьяса лежнөг кустьясөн.

Шойччан лунъясысь өтиө татшөм кушинө чукөртчисны нывъяс да зонъяс. Найө пукалісны лы кодь ён кырсьөм керъяс вылын. Том йөзёс гажөдіс гудөк. Гудөк шыкөд сорласисны ҚИМ значока комсомолцаёслөн гөлөсьяс:

На деревне без затей
Дуня учит всех детей...

А сэсся ставөн өти ловшыён грымөбтасны, вевтясны весиг гудөкльсь горсө:

Э-э, Дуня, Дуня-а,
Комсомолочка моя.

Гажыс быттё яра ломзьясьс бипур. Со нин заводитісны йөктыны, пукталісны чукөрө пила-черсө да. Сэки тыдовтчисны менам чой Граня да Назар Паш Ольёксаң, кодъяс веськөдлөны комсомоллөн ячейкаөн. Гранялөн гөрд көсынка увесье муртса тыдыштө дженьыда шырөм каштанөвөй юрсныс, сөстөм чужөмыс гождьялөма, сьөдов синлысьясыс весиг еждөдыштөмаёсь. Неыджыд, пельк туша вылас мичаа пукалісны паськыд тасмаён зэлөдөм гимнастерка, морөс вылас өмидз тусь мөз гөрдөдіс значок. Неуна кызкодь кокчөръяссө зөвтөмаёсь лөста-

лысь сапөг гөленьяс. Кысь сөмын судзөдөма татшөм мича паськөмсө?
Сыкөд орччөн сулалысь Назар Паш Өльөксанлөн синьясыс, батысө
виөм бөрсяныс на, быттьө койисны би, вөліны сувтсаөсь. Чужөмыс век
на нюрсунөма, бан бокъясас артмөмаөсь гуранъяс. Дженъыда шырөм
руд юрсиыс сулаліс тшөтка моз, оз ков, майбыр, сынан ни зу, кызди
меным. Өльөксан лөсьөдыштис-кыскыштис гырлдзаяснас вывлань тас-
матөм треко гачсө, пелька чивкнитис-чеччыштис съөд камашияса кокъя-
яснас нейджыд кер бунт вылө.

— Ми Гилева ёрткөд,— шуис сійө неуна пөдыштөм гөлөснас,—
ячейкаса секретаркөд, сөмын на Пономарев ордьянь. Ошкис миянөс.
И зэв бур — ставөн нин чукөртчөмыдөсь да. Пуджөй сосьястө и делөө
босьтчөй, больгөмнад рокид оз пусьы...

Видзөдліс Граня вылө, коді сійө здукас кыпөдіс юр весьтас ичөтик
кабыра кисө.

— Аддза татысь не сөмын комсомолецъясөс. Молодечьяс жө ті:
локтінныд отсасыны шойччан лунө. Асьныд жө кутанныд гажъявны,
ичөтджык чөй-вокныд да. Вөчам, ёртъяс, ставсө кызди колө, медым
дыр кежлө коляс миян киподтуйны!

Сьөлөм вылын лоис шоныд. «Со кутшөм, зонмө, менам чөйөй,—
гордөя көсөйтчылі Мишельлань. Не век тэныд ошйысьны Вадим дядь-
над». Мишель да Шурик веськыда сөйисны синьяснас Граняөс, кодөс
ещө на мичаджыкөн да шаньөн вөчис выль юнштурмовкаыс.

— Даёшь!— юрөбтисны яг весьтын ён гөлөсьяс. И заводитчис.
Найөс уджавныыд оз ков велөдны. Тулыснас, гожөмнас да арнас том
коммунаръяс-колхозникъяс кийсь эз усылы гөр вороп, коса, куран, лэ-
бын пу, чап... А арнас, зэр да слөт дырйи, төвнас, морөсөдзыс лымйөн
найө муркөдісны-лөдзисны сортвка. Зонъяслөн кырымъясыс эз весь-
кавлыны чер пу да пила вороп кутөмысь, а нывъяслөн эз сывлыны
гын сапөгъясыс дялянкаысь ылыс катище вылө вөвъясөн керъяс кыс-
калөмысь. А сөяныд — чорыд съөд нянь, вежсьывтөм сола треска юк-
ва да проса рок. И гадзикөн кузь ар да төвбыд, кытчөдз оз орны куш
муөд нин кыскасигөн додь сювъяс. А тайө шойччан лунся уджыд на-
лы ворсөм кодь. Зэвтөм струна моз вөсна жвуньгисны пилаяс, вор-
сисны черъяс, котшкөдчисны-йөктисны стамескаяс, нярескисны-сьылісны
стружьяс. Сынөдыс тыри өтувъя зильөмлөм кыпид горөн. Сюрис удж
и миянлы.

— Ноко, куйм мушкетёр,— кыліс Гранялөн гөлөс,— локтөй татчө!
Дерт, мөдысь корөм эг виччысьөй.

— Аскиа комсомолецъяс...

— Менө оз примитны сэтчө,— өдва кывмөн нускыштис Мишель,—
папөй өд лишенец...*

— Век али мый чайтан сідз лоө?— стрөга видзөдліс миян вылө
гырысь карөй синьяснас Граня.— Ёртъясыд примитасны, тэ зонкаыс —
кутшөм и колө миянлы. Кымынлы сетлін мам-бать библиотекасыд
книгаястө! Ме өд Дюматө тиянлысь жө лыдди. Тэ ваян Мишкалы, а
войнас — книгаыд ме ордын...

Мишель быдсөн долыдмис, зэв окотапырысь босьтчис уджө. Но
Шуриклы, көзяйственнөй мужиклы, лоис жаль ыджыд чугуныс, көть
и сійө вөлі потөма. Юаліс, мыйла пө колө жугылыны добрасө, вермас
на пө сгөдитчыны.

— Кузнец пи кодь и эм,— серөктис чөй.— Батыдылысь кок туйсө
таялан. Но, Шурик, өні боевөй задача — чирсны сійөс, торпыригъяссө
тувъялам качай сюръя подулас...

— Мыйла?— паськөдіс вомсө Шурик.

* Лишенец — гражданство правоысь лишитөм морт, кодлы оз вөлі позь
бөрийсьны, гөлөсуйтны скөдьяс, собранияс вылын да с. в.

— Медым эз мөрччы пиньыс ни гыжйыс классёвой враглөн! — во-
чавидзис Мишель. — Пила да чер, нальсьоны чугун да көрт торъясё,
со и тувъялөны найёс качай сюръя подулас, медым некутшөм лёк
морт эз вермы пөрөдны.

— Вернө өд и эм... — сөмын и кужис шуны Шурик. — Локтасны,
шуам, войнас врагъяс пила-черөн качай пөрөдны, а сөмын пиласё да
черсё и тшыкөдасны.

Пажынөдз качай сюръяяс, пыкөдъяс, перекаладина да мукөдтор
лоины дасёсь. Көдйөма и гуяс. Сувтөднысё шуисны нуръясьыштөм
бөрын. Гажаа трачкөдчысь бипур вылын жваркйис-пуис картофель,
сэни жө мөтыр йылын руалис ыджыд чайник. Бипур дорын пусис чой-
лөн пөдругаыс — Ивө Аннуш, кодөс коммунаө пырөм бөрын вөтлісны
жө гортсыыс. Комсомолецъяс пөвстын татшөмъясыс эз вөвны этшаөн.
Өні эскө бать-мамыс радөсь бөр босьтны чадбясё асланыс борд улө,
но том йөз велалисны овны ас кежысь дякөнлөн вөвлөм ыджыд керка-
ын да эз окотитны воштыны вөлясө.

Но и чөскыд жө ывлаын пуөм да неуна вардыштөм картофельды!
Торйөн нин солө тшукөдлөм бөрын, вичмис миянлы, куйм мушкетёр-
лы и нянь. Граня да Ивө Аннуш мыччисны некымын рудзөг шөрөм.
Сэсся рушку польдчытөдз юим чайникиыс идйысь пуөм копей. Майбы-
рөй, олөмөй! Рушку тырис да миянөс босьтис оньыш, мөдис вугрөдлы-
ны. А Шурик мыйөн нюжөдчис радөн пукталөм кер помъяс вылө, пыр
и унмовсис. Мудзис, дерт. Чугунтө жуглөмыд да понөляяс бертөм-
перъялөмыд өд абу бать кузнечаас пушкан качайтөмыд.

А нывъяс да зонъяс пусигкості сьылісны да кадриясисны. Уси
дум вылө асланым крепостьным, коді тасянь эз и ылын вөв. Висьталі
та йылысь Мишельды да Шуриклы. Сёрнитыштім да шум йөз шойч-
чигкостаыс ветлыны да видзөдлыны крепостьнымөс. Өд сы дыра нин
сэтчө эг волөй.

Ягөд мунім сьөрсьөн-бөрсьөн, өта-мөдлөн кок туйө тувччалөмөн.
Водзын муніс менам тьзө, Оверин. Сійө лыддьөма Фенимор Купер-
лысь уна книга да вөрөд ветлөдлігөн шуис асьсө индеецъяслөн вож-
дьөн, а миянөс индеецъясөн. Кепкаяс да фуражкаяс улө, вөнъяс костө
сюялім кызд росъяс, эжөр турун, Шурик кыин летъяліс рогатка, Ми-
шель восьлаліс складника. Өтарас — лэчыд пурт, мөдарас — ёсь йыла
шыла. Меным сюри шмака пома ён кызд палич. Мишель дөвөल्पы-
рысь видзөдліс миян вылө:

— Индеецъяс дай сөмын и эм.

Кымын пыдөджык пырим, сымын сукмис да гырсяліс вөр. Көк
улын муткырасис кыз яла, юр весьтын сулалісны бронза кырся стая
джуджыд пожөмъяс. Ягсө бытьө весалөма кодкө, понөль ни лөп, сө-
мын корсюрө паныдасьлөны гырысьысь-гырысь кодзувкоткаръяс да
косьмөм бөрас кондаө пөрөм пуяс. Яг шыаліс кыпыда. Олөмыс сэни
муніс-пуис некымын судтаөн: му вылын асланыс ордымъясөд жуисны
кузь уска мудз төдтөм кодзувкотъяс, вывгас местаясын да мыръяс
вылын шонтысисны визув дзодзувъяс, нитш, яла вужъяс да кырсяс
вылын жуис-жөдзис быдсяма гагйыс, пуяскостса сибдөг вез пельөсь-
ясын виччысисны-кыйөдчисны асьыныс жертваясө чераньяс, пуяслөн
вожъяс да чальяс вылын чеччалисны би кодь гөрд пася уръяс, көнсюрө
торкөдчисны-дорччисны ён ныра сизьяс, корсюрө визьөбмунлісны виза-
ордаяс; а медся вылын — кымөръяс улын дзользисны колипкаяс.
А ми некоды мешайттөг вуджөръяс моз восьлалім на вывтi и миянлы
вөлі нимкодь, мый ягса став ловъя лолыслөн олөмыс вөлі син водзын.

Со и крепость. «Видза-олаң, вөрса чомйөй! Сьөлөм вөрзөдысь
кымын здук кольөма тані, а кутшөм кыпыдлунөн ми ворслывлім татчө
волігъясө», — воис юрө мөвп. Век на важ кодь крепостьным, сөмын тай
косьмөмабсь-гөрдөдөмабсь стенсыыс лысьясыс. Қовмас вежны найёс.

А пыткас ставыс важ кодыс: ас местаас землянкаводзвывса пызан, потшъясыс жё вёчём векныдик лабичьяс, бипур места, таган весь-тын пёрт. И землянкаын, кёні коркё видзис ассыс мышсё батыс тас-маыс Мишель, нинём абу вежсёма, кос нитшкыс небыд вольпась, ичётик корт пач, пызантор, ошинь пыдди стеклёлём розь. Ми пукыш-тим вольпась вылын, босьтим пельбёсыс чер да мёдим кыр горулө, Серё шор бокө кералыштны чуткасыс тусяпу, медым вежны крепость стеныс гёрд лыска пуяссё, кодыас эрдёдисны миянлыс крепостны-мөс. Удж помасьём бёрын, кор став косьмём пуяссё лэччөдём шорө да вёчим наыс мөдар берегас вуджан пос, сьёкыд лоис торйөдны вёр-сыс крепостыс веж стенсё. Сийёс казялан сёмын сэки, кор зура-сян сутшкасыс поноль вожьясё да чальясё. Шурик ветлис шорө ва-ла, а Мишель босьтчис пестыны би. Ошөдём пёртсё өзтём бипур весьтө таган вылө.

— Ертъяс, кодкө тани вёлёма,— друг гораа шөпнитис сийө.— Ви-дзөдлөй, бипур местаас котасьлытём пөим, виль гөлөвня торъяс...

Лоис шуштём, кажитчис, быттё пуяс сайсянь ми бёрся кыйөд-чисны.

Бипур эг и өзтлөй. Öдйө босьталём ассыным кёлуй да гырыс вьосколөн мөдём Мишель бёрся гортлань.

Кор воим том йөзлөн стрөйтчанинө, сэни став уджыс вөли нин эш-тома. Виль дзуртыс гезьяса качай тыр йөзөн, сы бөрө вөчём турник вылын петкөдлсны ассыныс сямныс физкультура радейтысся, сэни жө вөчөмабсь кузя ног и джуджда ног чеччаланиньяс. Унаөн ворсисны лаптаөн, кучкасны сьод резина мачө да сийө сынөдас вошлө. Гөгөр серам, шмонь, гаж. Номъяс, дерт, мешайтчисны рытъявылыд. Но та вылө некод эз видзөд. Гажөдчанинө локтөма и Пономарев. Сийө сула-лис йөз кытшын да мыйкө висьтавлис. Вөлөмкө, комсомолецьяскөд төл-куйтө бөръя лөөмторъяс йылыс, партийной ячейкаса секретарь төд-чөдис, мый өни колө лоны сюсьөн, медым классөвой враглы сэся эз удайтчы вөчны некутшөм лөктор, мый тайө делөас колө босьтчыны öтув коммунистьяслы и комсомолецьяслы, активистьяслы и став том йөзлы. Бөрас нин шуис менам батылөн кывьясөн: «Синмыд мед вөли водзад и бөрад». Телепит мем лоис висьтавны, мый миян крепостьö кодкө волёма. А сийө öд сиктсянь матын, вөчасны лөктор да бөр пышъя-сны. Но вьосыны гусятор эз позь: ми сэни, крепостын, сетём öта-мөдлы кыв.

Пономарев мунём бёрын чукөртчим грездса зонпосни, сёрнитыш-тим да төдмалём, мый лым сылём бёрын крепостьö на пөвстыс некод на абу волёма. Сидзкө, миян таган вылын чайсө пузьөдөмабсь бокө-вөйяс, гашкө и шышъяс.

— Ми кутам найөс,— стрөга шуис Мишель гортө мунигөн.

— Рогаткаөн али мый?— серөктис Шурик.

— Миян эм централка,— серам вылө зэв збылыс вочавидзис тьзө.

— Этша тэнад мыштгид батыдлөн тасмаыс гуляйтис,— бара шмо-нитыштит Шурик.

— Мунас Гөгрөс тыө чери кыйны лун-мөд кежлө да оз и төдлы,— кывкөрталис Мишель.

Миян эськө вөли жө нель зарада берданка, но ме чөв олі.

Луньяс сулалисны мичаөсь. Сикт лөсьөдчис турун пуктан страда кежлө. Батькөд миритчөм бёрын мам пырис жө колхозө. Гортын зык ни шум, гөгөр лад. Гозья кыкнанныс быттё томмыштисны быдсөн, батылөн чужөмыс лоис водзда кодь югид, синъясас öзйис нюм. Мен гагаджыкөн жө кутис кажитчыны вольной светыс, сөстөмджыкөн быт-тё лоис лөз енэжыс.

Они мян, зонпоснилон, кадус вѳли. Тувсов кодза помасис, а видз вылѳ петны водз на. Лудѳ лѳдзѳм вѳвѳяс овмѳсын эз ковны. Найѳ йирсисны вѳля вылын. Мужичѳйяс стрѳитисны ѳтувѳя мѳс карта, картупель да капуста видзанин, кодйисны силос гу, дзоньталисны ытшкан машинаяс, телегаяс, ѳдноколкаяс, пуалисны коса-гѳрбушѳяс, лѳбыньяс, вѳчалисны куранѳяс, дѳмлисны да сиралисны пыжѳяс — вѳчисны страда кежлѳ ставсѳ, мый колѳ.

Тырмис уджыс и нывбабаяслы. Найѳ сылигтырйи артельѳн мудйисны-косялисны муяс торйѳдыс нѳмѳвѳйя борѳяс. Налѳн турунвиж чышѳяна юрѳясыс чаввидзисны Эжвалань бана керѳс пасѳта. Мѳд во сѳни лѳѳ ѳтпомя, коллективнѳй му.

ѳти асылѳ ме дорѳ локтисны Мишель да Шурик. Мишельѳн пельпом вылас — централка. Сидзкѳ, сылѳн батыс мунѳма Гѳгрѳс тыѳ кыйны чери. Патронташаси и ме да бѳсть матичаѳ ѳшѳдѳм берданка да кык иднянь. Картаяс сайтѳ ми сѳсяя веськѳдчим Гажа яглань.

Качай сулалис местаас, сюрѳяяссѳ надѳжнѳя видзисны мян киясѳн чирсѳм чугун торѳяс. Кѳсийм эськѳ качайтчыштны, да гезсѳ лѳччѳдѳмабѳс комсомолецѳяс сѳбрсыс, медым сйѳс эз орлѳдлыны.

Крепостѳ некод абу волѳма, дзирѳяѳ вѳчѳм гуся пассѳ некод абу вѳрзѳѳдлѳма. Неуна ыркѳдчыштѳм бѳрын лѳччим Серѳ шор дорѳ, кодѳ писькѳдчис джуджыд вѳрувса посныд козѳяс да кустьяс пѳвстѳт. Чѳскыд да кѳдзыд ваыс мысьѳѳдис и пѳттѳдз юктѳдис. Шорыс абу ѳна паськыд, мукѳдлатыс пѳшти вошлѳ кустьяс пѳвстѳ, но сѳни эмѳс гѳгрѳс джуджыд джумѳяс, кѳни ворсѳмыс ныылѳдѳм бѳрын ми ыркѳдчылим-купайтчylim.

Воим шор дорѳ да Шуриклы пыр и усис дум вылас ѳмутыд, мѳдис нуѳдчыны купайтчыштны.

— А кодѳ кутас кыйѳдчыны? — скѳрмис Мишель.

— Лун шѳра лунѳ кодкѳ локтас, а ми — йѳйяс вом паськѳдѳмѳн пукала...

— Мун, купайтчы ѳтнад! — дзикѳдз пузис Мишель. — Мыйлакѳ тай бѳстьчис жѳ тѳнѳ...

Неылын мянсянь гора китшнитис катша, сѳсяя лѳбзис мѳд козий да бара мѳдис китшкыны. Вензѳысыс ланьтисны, кутисны кывзысыны. А менам юрын кыптис сѳтшѳм мѳвп, бытѳѳ кодлѳнкѳ лѳгѳн ѳзйыс кѳдзыд да лѳк синѳясыс кыйѳдчисны мян бѳрся. Чорыдджыка шамыртѳ вутш вылын куйлыс берданкаѳс. Сѳки пельясѳс чунѳдис шковгѳм-лыйѳм. Берданка дѳтшмунѳ-чеччыштис бѳрвыс да мынѳ киясы. Неылын шорбокса коз пуяса да кустьяс пѳвстын кодкѳ весьѳпѳрѳмѳн горѳдис. Кынмим места выланым, Шуриклѳн кельдѳдис чужѳмыс. Мишель пыр жѳ сувтис, кыпѳдис централка прикладсѳ пельпом весьтас да горѳдис:

— Кодѳ сѳни? Шыасы!..

Ме гольснитѳ жѳ затворѳн, стволѳ суйи выль патрон. Сьѳлѳм вылын эз вѳв лѳссыд: вунѳдчѳмѳн пезьдѳдсѳѳма октѳм берданкалыс курѳксѳ. Авѳстыс кокѳяс улын рутшка-ратшкакылисны увѳяс, шурѳдчисны-шарѳдчисны кустьяс. Кодкѳ бокѳ пышйѳм пыдди веськыда варкѳдис-локтис мянлань, сѳсяя шутѳвтис-котѳртис дзик орчѳн, но централкаыс мѳдыс лыйѳм бѳрын пластнитчис-уси коз понѳлѳ улѳ.

Матыстчим. Миян водзын синѳяссѳ куньѳмѳн куйлис Бѳбыль ѳньѳ, кодѳс грездын и сиктын нимтисны «сылѳн ѳкмысдас ѳкмыс». Сйѳѳ олѳс грезд помын, дзик вѳр дорас ичѳтик юрпѳла керкаын. Кага ни баля. Но мѳстѳ век видзис: зѳв нин ѳна радейтис рыс да нѳк. Ваяс турун додѳтѳ, сюяс веськыда сарай ыджда картаас, мѳскыд сы гѳгѳр ветлѳсѳйѳ мыйта колѳ: сѳдасыны, майбыр, оз ков. А юктавнысѳ быд лун лѳччѳдлѳ тайтѳсѳ Эжва вылѳдз, йѳрданѳдз, котѳ мед кѳдзыдыс тратшкакылѳ. Кывтѳм пемѳсыд пѳ мортыс сѳстѳм, сылы пѳ колѳ чистой ва.

Воас тулыс, сидз-тадз вердчигад кѳрымыд водз бырѳ. Вѳрас кѳ пу

гөгөръясысь лымайсысь сылө, Бөбыль Онь нуодө нин мөссө сэтчө, ачыл пө од бур турунсө сөйин, ачыл пө и мыжа: эн куж видзтыны сийөс веждөтдз да. Со кутшөм вөли тайö мужикыс. Гожомнас каяс керка вылас вевтсө лөсьодыштны либө трубасө весавны, пуксяс сигөр оклупень вылас, гаргыштас да ёзтас чигарка, а куш кокъяссө бовйөдлө сынөдас.

— Лэччы, Оньö, калечитчан!— горзө суседыс. А модыс вочавидзө:

— Ог кө калечитчы-а...

Мөдлапөлө страда дырйи вуджигөн либө сэтгысь локтигөн кыптас төв ныр либө бушков, полан Эжва вылас видзөдлыны. А Бөбыль Оньö пуксяс аслас дзибыр веткиö...

— Эн вудж, Ондрей, воян!— өлөдөны сийөс суседъясыс.

— Ог кө вöй-а...— шуас сөмын да модас зия сынны кык лопта пелысөн.

Шуоны, сийө вөзйысылөма жö колхозö, көсийөма видзны-дөзёоритны артельной мөсьясөс, велөдны сийөс таö оз ков, сикт кодыс быд гожом-ар медавлө пастукö: сөян-юан дась, дай сьомтор на чуктыштлө. Ми эг төдöй сөмын, колхозас босьтөмаөсь абу.

И со, төрытъя Бөбыль, а колкө талунъя колхозник куйлис гатшөн, енэжлань чурвидзис зыр пасьта сьод тошкыс, кодi быдмөма дзик синъясөдзыс да отлаасьөма көсичаас юрсиыскөд. Сук да кузь, кытсюрө неуна читкыльөсь тош пьсыс чурвидзис сөмын ыджыд гөрба нырыс. Ми ёна повзим. Мися, виим мортсө. Но со, Бөбыль Оньöлөн модисны ньöжйөнникөн воссыны синъясыс. Ас паскаллө вылас воём бөрын сийө кыпөдчис, пыркнитис кыз пыш дөра гачсө, лөсьодыштис сера дөрөмлысь зэвтчөм юрйывсө да шуис, быттьö грымөбтис:

— Тайкө виасны, зырым бедьяс, пуляыс пель дортi шутөвтис...

— Патронас дрөб, Онь дядь,— серөктис Мишель,— дай лыйи небесаас.

— Эн кө небесаас-а... Восьö пөртинныд: өдва ош висьөм эз кватит...

Юасим, мый сийө танi вөчө, но Бөбыль Онь долис ассыс:

— Восьөпөртинныд, восьö... Эн кө небесаас-а...

— Быттьö йöй, век асланьыс синö,— шуис Шурик.— Тэнсьыд юалöны, мый танi вөчан? Йөзыс муяс вылынөсь, а тэ шöйтан вөрын. Кодi ыстис?

— Эг кө уяв-а... Тэ, кузнеч пи, ачыл шышкалан, повзөдчан... Швырк бергөдчис да модис сэтчө, кысянь локтис. Здук мысти саялис сылөн пөсялөмысла сьөдөдөм дөрөма пач кодь паськыд мышкыс. Ми кыйөдчигмоз модим жö, кыйөдчам кустъяс сайсянь, сы бөрс видзөдчам. Бөбыль Онь гөгралыштис өти куст гөгөр, кыпөдис паськыд дора лэчыл черсө, кодөс, тыдалө, уськөдлөма кисыс немвиччысьтөм первой лыйөмсö орччөн кылөм бөрын.

— Тайкө вошта, мыйөн сэсся ньөрсө эськө керала. Потшсыны өд ковмас...

Ньөр кералысь мунөм бөрын локтим чер воштылөминө, гөгралим кустъясти. Öти лудысь адзим ыджыд кузов, а сы пытшкын куйлис тыртөм мешок. Дыр мөвпалим-вензим, коллөн найö. Бөбыль Ондрейлөн кө, мыйла эновтис, збыльысь өмöй сэтшөма повзис, мый вунөдис. Колө гөдмавны адзөмторйыслысь көзяинсö. Мыйла вайисны татчө кузовсö. Öни өд абу на тшак ни вотсө. Но водзө кыйөдчыны вөли весьшөрө. Шурикөс сэтчө жö ёна курччалисны номъяс да сийө кутис нуөдчыны гортö.

— Татшөм зык бөрад өдвакө кодкө волас татчө,— сувтi ме Шурик дор.— Дай пищальяснымөс колө бөр пуктыны важ местаас: чорыда вермас сюрны. Сюмөд дозмуксө нуам Бөбыль Оньлы, сылөн кө— босьтас.

Бөбыльыд абу на бөб

Рытнас, кор локтём Бөбыль Оньлөн юрпөла воймём керка дорё, кодё пөшти вошөма нин ляпкыдик вөр пөвстө, көзяиныс петіс паныд дзирья дорас. Могнымөс төдмалём бөрын Бөбыль Онь көмтём кокнас ниртыштис мөдсө, нырыштис сэтись польдчём номйөс, вель дыр гыжъя-ліс голяувса тошсө, да бронөбтис:

— Эг кө вунөд-а...

Сэсса дыр мөвпаліс, очсыштис да водзө нуөдіс:

— Вайд эськө и ньөр чукөрсө, падъян да кузовнад потшөс майөг-тө он ньөръяв. А ті сямөд дозмуксө, некодлы кө оз ков, кольйө: туяс пач ломзөдны, сартас пескөй абу жө-а...

— Чайтім, мый дядьбөс абу тыр сюсь, а Бөбыль Ондрейыд асла-ныс абу на ййө вөлөма: люки-буки сідзи и мунім бөр. Вөлі мыйыс жуглыны юрьяснымөс.

— Ёртъяс,— сетіс сьөлөм Мишель,— эн шогсьөй, көть мед мый, а гөрөдсө разям!

— А төданныд,— вель ылө мунөм бөрын друг сувтовкерис Шу-рик.— Бөбыль, Бөбыль, а кыськө кокнитөма, самөкур дукөн өвтө, дзик ныр улас сулалі.

— Кысь сылы аскурыс?— эз эскыссы меным.— Няныс абу, ту-рун ізө либө паренча да картофель вылын олө, а деньгатөгид аскуртө өдвакө кодкө сетас.

— Адзэсьмөма лышкыд морт, тыдалө,— вензис Шурик.— Сиктад өд оз быдөн жуг сора көвдум сөйны...

— Бара нөдкыв...— сөмын и шуис Мишель.— Збыль өд, дон мын-тытөг Бөбыльөс некод, тыдалө, оз гөститөд.

— Сө кристос!— пөся эскөдіс Шурик.— Менам нырысыс бур. Кыв-тыдпомын кө шаньга пөжалөны — кильчө вывсянь кыла нин. Юыштө-ма Бөбыль Оньбөс. Нинөм йылысь прамөя сёрниттөг и мунім ныв да зонпосни ворсан да гажөдчаніө. Төлка мөвп, мый вөчны водзө, некод-лы юрө эз во.

Грездшөрс а кушинын унаөн нин мачасисны. Ыркъялысь сьөлөмөн ылысянь на синъясөн корси төдса мыгөр, но, тыдалө, сійө грездсыс ныв-зон абу воөмаөсь. Видзөда да, вошис нимкодьлуныс и Мишель-лөн. Сөмын Шурик тшапа чатөртөм кепка лэбнас өдсө чингытөг котөр-тіс ворсаніө. Сылы дзик веськодь кодъяс да кытысь воөмаөсь татчө ворснысө.

— Ме, пөжалуй, ветла гортө,— дышпырысь шуис Мишель,— гаш-кө ёді пражитісны, пап Гөгрөс тыысь воис да.

А мян пызан вылын татшөм чөмсаянторйыд оз овлы. Дерт, сир-пи да ляпа чериняныд, жаритөм мыкыд да кельчыид, йөрш да ёкыш юкванд пызан вылө воывлөны жө. Вуграсьнытө сямма да тшөкыда тувсов да гожся войяссө коллявлам Эжваө усыысь Ыджыд шор вом дорын, но ылө ог ветльвлөй: пыж оз сетны, воштаннуд пө. А сикт ув-сыд ёдітө да сынтө он кый. Чөскыд черидлөн юрыс пыдын. А бать чери кыйөмтө лыддыліс весьшөрө кад воштөмөн, сійө пырджык нок-сыліс муяс да видзяс вылын, скөт дорын.

— Вуграсьөм помсыд семьялды рушкүтө ковмас тувйө өшөд-ны,— шульвліс сійө. Со и эз пукты пыдди шатинөн ва дорын кад кол-лялысьсястө, бурджык пө нин — вотчөй, век нин төв кежлө кутшөмкө да вом көр вежантор лөб.

Дурысь зонпосни дорө матыстчөм бөрын бара кылім шензөдана вельтор. Мөс вөтлан улича бокысь нывъяс аддзөмаөсь колхознөй ко-нюшняысь медся вына вөвлысь — Чуприклысь шойсө. Кодкө, тыдалө,

ёна повзёдома, ош ли, сан ли, вёркань ли. Қоиныд гождомад пинь-
тома-а. Но и чепёсысны вёвьясыд гортлань, уличасы векныд, дзес-
кыд, праслёясысы чурвидзоны кузь да ёсь потшыяс. Оти чукулыын
Чуприкыд морёснас зурасёма татшом пика вылас, косялома морёс
кусё сёлёмодзыс.

И тайо абу на ставыс. Лудё лэдзём табунысь вошёма мёд ён ме-
рин — Ермак. Лун-мёд мысти страдутны колё петны, ытшкан маши-
на кыскалыс медтён вёвьясыс бырысны. Корсьоны эськё Ермакёс
да, вёрыс паськыд. Рыжой Митрей пё абу на волёма гортас, шуёма:
ачыс пё Ермак табунысь эз торйодчы, тайо врагьяслён киподтуйыс,
дугдём пё пернапасавны скётто да.

— ...Да... Со и лэдз лудад вёвьястё,— кыв кёрталіс Шурик, со и
шойччод страда водзвылад. Кужомаось небось бёрынытё, медбур ма-
шинной вёвьястё аддзомаось. Вот и ытшкы сэсыя.

Зонпосни жугыльмисны, сёлём доймытёдзныс жаль вёвьясыс да.
Эз од отчыд найёс лэччодлыны юктавны, гоняйтлісны Чуприклён да
Ермаклён паччёр кодь паськыд да шоныд мыш вылын, чёсмодлывліс-
ны небыд няньён.

— Милиционер эськё корсьысё да,— сетіс кодкё надея, мый мыж
вёчысё кутасны.

— Жижев помсыд... Сыодз кё воан,— эштас олёмыд. Онёдз на
со корсьё Назар Павеллысь ловсё босьтысыасё,— эскытома овтыштіс
кинас Шурик да Мишель моз жё содтіс:— Аслыным колё разны го-
рёдсё!

— Сёрныс вёвьяс йылысь,— эз гёгөрво кодкё,— а тэ кутшомкё
гөрөд йылысь байтан?

— Юрид нёш кодь, а вежорыд — контусь ыджда,— серөктіс Шу-
рик,— ме од Ермакёс корсьны и чуксала.

Бур вёвьяс вошом-кулём йылысь юор кывлём бёрын сёлём вы-
лын эз ло лёсыд.

Жаль, Мишель абу тані, колё эськё советуйтчыны ськөд. Быд-
торйыс вермас лоны, Шурик чукөстём серти кё пыр жё босьтчыны
корсьны Ермакёс. Ми кыйөдчим-кыйөдчим да кутім Бёбыль Онёс,
коді некодыс некор эз вёчлы пакөстьсё. А артельной конюшняыс кык
вёв бёрома. Да, мян помысь лёк вёчысытё, тыдалё, кутсьёма,— мөв-
пала ме. А Шурик водзё нуөдіс ассыс висьталөмсё.

— Ёртгьяс, тайёс сідз оз позь кольны. Ми од пионергьяс, коркё
лоам комсомолецгьясён, сідзкё онісянь сувтам паныд лёкыслы. Котыр-
там отряд... Босьтам сэтчө сөмын найёс, кодгьяс оз повны бать-мам
тасмаысь да леторосысь. Босьтёй, кодлөн кутшом оружие эм, чукөрт-
чам пемдыштём бёрас...

— Оні од оз пемдыв. Сідзкё, виччысылам нин арсё,— шуис кодкё
Шуриклы паныд.

Но Шуриклы стрёка сюри да вывті нин окота лои нырщикавны,
петкөдлыны асьсё командирён.

— Кыа кусём бёрас татчө. Гёгөрвоанныд? И ме нуода тіянёс!

Эз вёв сёлём серти Шуриклён заводитөмторйыс: ёна нин мудзим
лунтырнад дай кынөмгьяс гурьялөны. Мишель көнкё чөскыда ужнай-
тём бёрын стынитё-узё ыркыд вонйын. Нывпосни разөдчөмаось жё
нин гортаныс, кусны кутіс и кыа.

— Луннас на өдва эн пышйы вёрсыс, а войнад тэнё номгьясыд
вильөдасын нин. Бара пышгьян да коді нё сэки кутас нырщикавны?—
көритышти Шурикёс.

— Не век тіянлы өксыавны,— скөрмис другөй.— Чайтан, тіянтөг
немтор оз артмы? Артмас. Кутам лёк вёчысё. Аддзылін, кызди зонг-
яс бэйисны?

Ме немтор эг вочавидз да чёла мөдөдчи гортө...

Аскинас воліс Макар Иван, кодї веськѳдліс колхозлѳн бригадаѳн да ставнымѳ ыстіс силосуйтчыны. Батьѳс ытшкыны Ватла борйѳ, кѳнї пѳ туруныс пидзѳсѳдзыд нин, мамѳс сы бѳрысь куртны, а менѳ кыскавы веж турунсѳ вѳлѳн выль силос гу дорѳ. Мыйся дивѳ тайѳ силосыс, кызди сйѳс вѳчѳны? Бать эськѳ висьтавліс, но окота адзвыны ставсѳ ас синмѳн.

Миян доддясиг да первой телега веж турун вайнгкоста выль срубья ыджыд да джуджыд гу дорѳ чукѳрмѳмаѳсь уна нывбаба да ныв. Ставыс вѳччѳмаѳсь — сѳстѳм еджыд чышгянаѳсь, мича ковтааѳсь, дзоридзьяса платгѳбаѳсь да гѳрда-еджыда сера шушунаѳсь. Страдатѳ век виччысьлісны празникѳс моз, дасьтылісны сѳк кежлѳ и паськѳм, и сѳян-юан. Нянсьѳ водзвыс пѳжавлісны вежон кежлѳ, медым сѳсся кѳзяка эз манитчыв поснитѳрьясна. Горш веськѳдны вѳчлісны чѳскыд ырѳш либѳ шоммѳдлісны паренча ва. Быд семьяын лѳсьѳдѳма нѳмѳвѳйся стрѳг лад да пѳрадок.

Мыйѳн ми, зонпосни, ректїм телегаясысь турунсѳ, сйѳс пыр жѳ лѳдзисны гуѳ, чѳскыд кѳра веж турунлѳн кыз слѳй вылѳ лѳччалісны талылысьяс, веж турунсѳ топѳдысь-трамбуитысьяс. Сиктса агроном турун вылас кыскаліс ведраясѳн шом йѳв. Со, вѳлѳмкѳ, кызди вѳчѳны выль кѳрымтѳ, кодѳс ми эг на адзылѳй. Гу дорѳ ѳтарѳ воалісны чукѳйѳн сѳвтѳм телегаяс, вежѳдыс дугдывтѳг кыссис сйѳс топѳдысьяс кок улѳ. Талылысьяс сѳйбордьясѳс ѳта-мѳдыслы кутчысьѳмѳн стенаѳн ветлѳдлісны водзѳ да бѳрѳ. Недыр мысти воис гудѳкасысь да мѳдїс няръявны-ворсны. А нывбабаяслы да нывьяслы тайѳ и колѳ, кокьясыс асьныс кыпавлѳны радейтана гудѳк шы улѳ. Кыпуд горыс ѳтарѳ содїс, гуса веж турун вылѳ чеччалісны посни челядь, отсасисны. Пѳдругаясыскѳд уджаліс гырысьяскѳд радын и Ира. Сйѳ разѳдїс талылысьяс кок улѳ турунсѳ. Вежѳдсѳ лѳдзались челядь вильшасисны-дурисны, зїлісны веськавын ѳкмыльнас гуын сулалысьяслы мышкас. Телепит лоис дурыштны и меным. Ме босьтї вила тыр ыджыд пласт да шыбитї Иралы мича платгѳба пельпомьяс вылас. Сйѳ тырліс туруннас, но эз дѳзмы, а паськыда нюмдїс да грѳзитыштїс меным чуьнас. Но тайѳ сѳмын водзѳ ышмѳдїс менѳ. Друг кодкѳ йѳткыштїс менѳ мышсянѳ да эг и тѳдлы, кызди турбыльтчи гуѳ. Вѳлѳмкѳ, тойыштѳма Шурик, кодї сулаліс ректытѳм на ѳднѳколка дорас да гораа гиргис-сераліс. ѳтарѳ кѳ скѳрми, мѳдарѳ кѳ и эг, Иракѳд орчча лои да эг скѳрмы. Гуын дурыштѳм бѳрын ныв кватитчис да шуис:

— Весась, мый шуасны йѳзыс!

Кыскасыгѳн кѳйин варовитыштны Шуриккѳд тѳрытгя делѳяс йывсьяс, но сйѳ сѳмын швачкас-кучкас вѳв мышкас вѳжжи помнас да телеганас гораа таркѳдчиг ылыстчас ме дїнысь. Сїдзи лунтыр эз и удайтчы варовитыштны.

А рытгядорыс мудзи да эз ло Шурикѳдз. Мудзан, дерт, кузь лунтыр уль сѳбкыд турунсѳ лѳптавын вилаѳн телега вылѳ. Ёнтыны мѳдїсны кокьяс и кыяс. А кырымьяс вила воропѳн кузя вѳдитчигѳн гадялісны, веськыда сотчѳны. Сѳмын и лолыштан вѳльнѳйджыка сѳки, кор пуксылан ѳднѳколкаѳ.

Буретш тыртѳм телегаѳн детинкаясѳс гургѳдїгѳн и тѳдмалї, мыйла оз сѳрнит аслас тѳрытгя делѳяс йывсьяс Шурик.

Вѳлѳмкѳ, зонпосни зїля разѳдчасны ѳружиела, а бѳрсѳ воасны кыкѳн, ѳтыслысь, тыдалѳ, ныр увсѳ мамыс на чышкалѳ. Кытчѳ мунан накѳд. Некытчѳ абу и ветлѳмаѳсь кыйѳдчыны-корсысьснысѳ. Ми узим, но миян пыдди водзѳ туясѳма-корсысьсѳма Оверингяслѳн понйыс. Та йылысь тѳдмалї конюшняѳ рытнас вѳлѳс нуѳм бѳрын, кор адзыси чери кыянінысь кайысь Мишелькѳд. Сылѳн ичѳтджык чойыс, Аляыс, луннас коляс ѳтнас да лѳдзас понсѳ чеп йывсьяс. Мѳдыс мездмас дом йывсьяс да угыштас вѳрѳ. Лун шѳр бѳрын кыскѳма

аслас чом дорас джынвийё йирём вөв кок. Мишель буретш лёсялёма гортас, мырддьома Газель вомысь вөв коксё.

Воим Мишельяс ордё. Ёртёй кыскис киссьём көзөд гуысь понйыслысь вайёмторсё. Да, тайё вөлі вөвлөн водз кок пөлыс. Пидзёс выяыс керыштёмабсь, гыж лек дорас кольёма на куыс да тшөткиа гоныс. Оверин сюся видзөдліс синъясё, быттьё көсийс юавны: «Төдін, кутшөм вөвлөн кокыс?»

— Ермаклөн!— юавтөг висьталі ме.

— Гашкё, ветлам поннас сэтчө, кытысь сійё вайис тайё коксё?— юаліс Оверин.

Ме гогниті юрөн. Мишель петкөдіс гортесыс нянь гөрбуш.

— Сөй,— шуис, а ачыс понйыслы сьыліас көрталіс кучик повод и ми веськөдчим ордым вылө, кыті локтёма сюрёмторнас Газель.

— Корсь, Газель, корсь,— шуышталіс Мишель.

Пон гөгөрвоана синъясөн видзөдльвліс көзяин вылас да өвтчис бөжнас.

— Корсь, Газель, корсь!

Мөдыс сөмын летыштас бөжсё да бара чургөдас бөдь моз.

Ызі-базі вуджим паськыдкодінті Серё шор.

— Корсь, Газель, корсь!

Пон мөдіс чукльөдлыны-мукльөдлыны шорпөлөнса понөльяс костті, Оверин мыччис меным централкасё да шуис:

— Резьөбтан кө бара. Смотри, менам!

— Эн пов, коркөя мозыд өні оз ло, видзчысьны кута.

Пыр водзлань, пыр пыдөджык пырам вөрө. Регыд воас мян больтыкасян өмутным. Син водзын воссис неюдждыд кушин, а сэсся и ачыс өмутыс.

Пон исасыштіс да злөдіс дом поводсё, неылө котөртиштөм бөрын мөдіс никсыны джудждыкодь сук сус пу куст дорын, а сэсся терпитны вермытөмысла увтыштіс. Ме чорыдджыка шамырті ружьебс, а Мишель заводитіс гурийсьны куст пиас. И кыскис мөд вөв кок, бөрьясё, кучика и быдсөн. Недыр гөгралыштөм бөрын аддзим мөд кустыс и дом гез, мыйөн, тыдалө, вайөдөмаөсь татчө вөвсө.

Ставыс лоис гөгөрвоана, Ермак эз вош, а сійёс начкөмаөсь. Тайё жө шуис Опонь дядь, кор ми вайим вөв коксё гортё.

— Подковыс и көрт тувйыс менам,— ышловзис сійё сьөкыд көртөн вөдитчөмла быттьё нюжалыштөм сойяса гырысь кияснас вөв коксё видлалыштөм бөрын.— Пуктывлі сійёс купеч Сила Ольöksанлөн Ермаклы. Абу на и вөрзылёма, а во-мөд нин сэксянь колис. Пропадитіс... жаль, сэтшөм ён вөлі вөлыс, да мый сэсся керан. Ок-ок-ок! Шурик,— друг бергөдчис сійё пиыслань,— тэнад нырысыд бур, төдмав, кодлөн өшинь улас яй көр кылө, сэні и пурскөны-сөйөны свежинасө, өні өд, гожөмнад, прамөй көзяин ассьыс быдтөм скөттө оз начкы, гашкө, сөмын страда дырйи. А ті, шуис сійё кильчө помссыс кыпөдчигмоз,— понтө вөрө сэсся эн лэдзөй, өні сэні став ловьяыс рөдмө, понйыд вермас пакөсть вөчны, вөр-васө кутас рөзөритны, өні прамөй көзяинлөн понйыд иган сайын либө дом йылын.

— Опонь дядь, Газель пукалө чеп йылын. Сөмын талун чойлөн лэдзлёма.

— Но, ті кольччылөй, а ме ветла бригадир ордё. Қазяланныд кө мыйкө, котөртөй ме ордё.

Дерт, ми, торйөн нин Мишель, асьнымөс кутім кывны верстыөдджыкөн, кор аддзим Ермаклысь да Чуприклысь туй помсө. Ёні вөвьясөс выисьяслы не мынны. Юрьясынымөс вылын кутігтыр восьлалім грезд кузя, а водзын торөдө-котөртө бөдь кодь вөсни бөжсө бөрлань чургөдөм Газель, код вылө дөвөльпырысь видзөдльвліс Мишель. Понйыс өд катөдіс вөрас, и эз кытшлөдлы, а вайөдіс стөч коланаинө. Туй

бокын сулалысь өти жытник сайсянь мянӧс яра атакуйтисны ура горзысь да кианыс ньӧръяс-сабляяс мяняньс посниджык зонпосни. На водзын тӧвзис верстыӧджык зонка, баръёв кока командиряс — батыслӧн тӧвса шапка вылас бумагаысь вӧчӧм ыджыд гӧрд звезда, сьылиас бурка пыдди бабыслӧн важ шаль, киас — кузь пу шашка. Газель первой тшӧтясліс, но кор казяліс, мый челядь ворсӧны, меліа летыштис бӧжнас.

— Сы кодӧн кӧсйин лоны? — крукаси Шурик дінӧ Мишель да индіс шаль буркаа командир вылӧ. — Вунӧдчин, вокӧ, мый тэ сӧмын мян сюс войн, а абу командир. Вот и кисси войскоыд, эз мун тэ бӧрся: кутшӧм нӧ тэ командир!

Сералігтыр ӧдва мынтӧдчим мянӧс пленӧ босьтны зілысь «чапаевецъясысь». Колӧ шуны — зонпосни «висьмисны» «Чапаев» йылысь висьталӧмъяс кывлӧм бӧрын. Асьнысӧ нимтӧны «чапаевецъясӧн», нывпосни отрядъясин лоисны Анка-пулемётчицаясӧн. Быдӧн кӧсйисны лоны Чапаевӧн либӧ Петькаӧн.

Тайӧ жӧ рытас кузнечкӧд сёрнитчӧм бӧрын Макар Иван мунас наредитны ассыс бригадиръяссӧ аски кежлӧ. Пыралас тшӧтш и Бӧбыль Ӑнь ордӧ: сійӧ аскиа колхозник, шыӧдчӧм сетӧма правлениеас.

Макар Иван дыр корсыяс Бӧбыль Ӑньӧс да аддас кӧзяинсӧ керкадорса куст сайысь, вӧлӧмкӧ, ошвисьӧм сійӧс босьтӧма, чукрасьӧ-мучитчӧ. Ӑньыд прӧступитчӧма, свежӧй яйтӧ мератӧг сейгад. Ме пӧ кӧйн моз уськӧдчи свежина вылас, со пӧ и страдайта.

— Мӧстӧ начкин? — чуймис Макар Иван. — Кӧзӧдыд абу да тшыкас.

— Оз кӧ-а, — ружтыштис Ӑнь. — Солышти ӧд...

— Мӧстӧ али мый мися начкин? Сэсся ӧд тэнад некутшӧм живӧтина каньсьыд ӧприч.

Сэсся и казяліс Ӑньыд, мый кывйис вожаліс, дыр кежлӧ ланьтіс. Ружтіс, ружтіс дай содтіс:

— Гӧрданыс йӧрын. А тэ, Иван, мый сюрӧсӧ эн лӧсьӧдлы. Прамӧй кӧзяин ӧмӧй ӧні начкыяс? Оз кӧ пӧди-а... А ме ӧмӧй абу кӧзяин? Керка и, мӧс и, кань и...

Пырасны гортас, залавкасыс Ӑнь кыскас ыджыд пу тасьті пыдсӧ кольыштӧм яйсӧ.

— Видлы свежинасӧ. Кывтӧ ньылыштан. Войбыд кыскалі Серӧ шор дорысь. Йӧра яй...

— Ӑндреюшко, йӧраыд ӧд сикт дінад матӧ оз лок.

— Енмыс сетіс, енмыс. Тӧдӧ, лов сайын грек абу, кумӧй тыртӧм, шыръяс весиг пышйисны...

— А яйыс, Ӑндреюшко, рӧмнас дзик вӧвлӧн кодъ...

— Абу кӧ-а. Тэ, партизан, велалӧмыд сӧрны да. Қывзы, бур мортӧ... Муні Серӧ шор сёртасӧ — сэні ӧд и коз понӧлыд тырмӧ — потшсян ньӧръяс дасьтыны. Сапка керася, а кодкӧ быттьӧ и тойыштис васӧдінас кодйӧм гу дінӧ. Вевттьӧма нитшкӧн, лыскӧн. Вешталышти сайӧдсӧ да аддзи туша джын яй. Бӧрладорсӧ нуӧмаӧсь нин. Но меным, мися, шогмас и водзладорыс, кульӧмаӧсь и быдтор: кок ни юр. Яйыс гosityла рысь кодъ еджыд. Вердаса вӧлӧма йӧраыс! Кӧтӧрӧн ветлі чуманла, кузовла да дзугисны эсійӧ вӧрсясыс.

Ӑнь сэсся казтыштӧма мянкӧд паньдасыӧмнымӧс, сӧмын кыв ни джын абу висьталӧма мян лыйсьӧм йылысь. Кӧть и шуӧны, мый сылӧн юрас абу став винтыс, но асланьыс сынӧ, оз ков, майбыр, велӧдны.

— Кыскалі сэсся войбыд, — висьталас Ӑньӧ. — Колӧкӧ нуышт.

— Коношняысь воштӧм гыжъя свежинаыд меным оз ков. Тэ нин чӧсмасть, Ӑндреюшко, сӧмын вывті ёнасӧ эн жӧ горшась, бара висьман, аски ытшкыны пет.

— Ог кӧ-а,— Ӧндрей кыпӧдӧс дӧрӧм подолсӧ, малалыштӧс нюрс-мунӧм кынӧмсӧ, мигнитӧс,— лекарство сэтӧс вайыштӧ, гуас ыджыд банка тыр, аскур вина дзедӧмабсь, сӧмын неуна и видлыштӧмабсь, а сӧсся меным, Бӧбыльлы, енмыс, тӧдалӧ, тшӧктӧма да кольӧмабсь. Сӧ пасибӧ налы, сӧ пасибӧ!

Ӧндрей ваяс пач костсӧс топыд пробкаа ыджыд жӧч бидон, мы-йын кодсюрӧ видзӧны карасин, кисьтас чашкаӧ:

— Видлы, ме талун эг на удит карта сайӧ котралӧгад...

Чашкаас, вӧлӧмкӧ, збыльысь ёнысь-ён самӧкур. Ӧзтан — лӧз биӧн ломалӧ, быттӧ спирт. Сӧдзи асылӧдз и бурдӧдӧма Ӧньӧс Опонь дядь, абу небось повзӧма вожтӧм гыжъя яйӧн пежасӧмысь.

Асывнас Макар Иван локтӧс силосуйтчанинас гажӧ юрӧн на. Казяласны йӧз, казалис артельса председатель. Ӧдва оз вештыны бригадирсьыд, ӧвсясны сӧмын сӧк, кор став тӧрытьясӧ висьталас. Шуасны мырддыны Ӧндрейлысь яйсӧ да бабаяс ӧлӧдасны. Мед пӧ нин, енмыс сетӧма да коньӧрсы сӧяс. А колӧ шуны, мый ӧткӧн олысь нывбабаяс пиысь унаӧн кысисны-синисны тӧв ув бадыс моз ён туша-рожаа, здоровеа жыннан моз бронгысь гӧлӧса Ӧндрей дорӧ, эз видзӧдны, мый сӧйӧ бӧбыль. Татшӧм сӧрни-басниыс оз, оз дай мӧдлас гуляйтны сиктын.

Медбӧръя звӧн

Шурик быттӧ ваӧ видзӧдӧма: милиционер Жижевлӧн тӧлкыс тырмис кыскавны сельсӧветӧ допрос вылӧ сӧмын миянӧс — кум дру-гӧс. Дерт, бӧрас ошкыштӧс жӧ-а. Не кӧ ми, чайтисны эськӧ, мый Ер-мак кытчӧк ачыс воши лы ни ку. Эз сет Жижев спокой и Бӧбыль Ӧньлы, весиг чижовкаын кык вой узтӧдӧс. Нывбабаяс жаладдза мыйта чӧскыд пӧжас, нӧк да рысь ваялисны решетка сайын мир вӧсна страдайтысьлы, лысьтисны-дӧзьӧритисны мӧссӧ, йӧлӧн чӧсмӧдлисны каньсӧ, весиг мыськисны да пелькӧдӧсны керкасӧ. Жыръясыс югдӧс-ны, кыпидмисны, джодж вольӧсъяс да вольпась бура пыркӧдӧсны. Гӧгӧр сӧстӧммис, кор пыркнитисны, гашкӧ, нэмӧвӧйся буссӧ.

Вичмыштӧс Жижевсянь и Макар Иванлы, но эз Ӧньлы мыйта. Вӧвлӧм партизанӧс чижовкаӧ йӧршитӧм йылысь милиционер и мӧв-пыштныс эз лысьт. Жижев корсысыс быттӧ тыртӧм кумын: мыжа-рессӧ сӧдзи и эз аддзы. Йӧзыс ропкисны Жижев да сылӧн районса начальникъяс вылӧ. А ми, кум друг, дзедим вермас лоны медся главнӧйторсӧ. Эг висьталӧй, мый кодкӧ узьлӧма тулыснас миян крепостьса землянкаын: ми ас костын шуим, мый делӧсӧ вайӧдам помӧдз асьным.

Ӧдӧй прӧйдитӧс тулыс, важӧн нин ыджыдалӧ гожӧм, заводитчис страда. Ми бать-мамкӧд ӧтлаын вуджавлӧм мӧдлапӧвса видзьяс вылӧ, кадыя да вутшкаинысь потшьяс вылын кыскалӧм нӧсилкаяс, ытшким, ӧтасим чӧвтысьяслы, кералӧм пыкӧдьяс, ньӧр, ваялӧм найӧс зорӧд дорӧ. Луньяс кывтисны Серӧ шорӧ веськалӧм кос корьяс моз.

Страдуйтӧгӧн некор вӧлӧ мӧвпыштлыны дурӧм-вильшасьӧм йы-лысь, весиг шоча аддзысьлӧм мукӧд грездьясса ныв да зонпосникӧд. Но выль качай дорын гажыс эз куслыв сӧр войӧдз. Видз вылысь воӧм бӧрын муртса сӧйыштам да котӧртам сэтчӧ. А сӧнӧ позис и качайт-чыны, и мачасыны, и карьясыны, и колльӧдны поп либӧ ёнмӧдны сӧнъя-стӧ да мускулъястӧ турник вылын, вермасыны ӧта-мӧдкӧд. Ёртьяс-кӧд аддзысьӧм бӧрын, дерт жӧ, ветлывлӧм зонкаяс и асланым крепостӧ. А бӧръя кадӧ, торӧн нин рытьясыс пемдыштӧм бӧрын, заводитӧм мойдчыны. Мудзам ворсны, пуксялам крепость дорӧ ӧзтӧм би-пур гӧгӧр да заводитам нӧдчыны-мойдчыны. Медся кужысьӧн вӧлӧ

сэн Мишель. Быдөн сылы видзодісны вомас да вермисны эськё пукавны шонді петтөдз, но Оверин мойдчёмсё орөдліс медінтереснойинас.

— Ставсё отпырйё көсьянный?— серавліс сійё.— Аски рыт кежлас нё мый кольё?

Дерт, Мишельы мойднытё вөлі кокныд: сійё ас ногыс висьтавліс гортса библиотекасьыс лыддём книгаяс. Уна книга веськавліс, дерт, и ме киё, но мукөд зонкаяс найёс эз лыддывлыны.

— Миян бипур вылын чай пузьөдлысьыд, тыдалё, вежёма ассьыс шойччан местасё,— кор колим ас кежын куим друг, шуис Оверин.— Повзис, тыдалё, миянысь. Коді узыліс, оліс тані, миян землянкаын өні, тыдалё, жыкруйтё сиктын...

— А кызди тэ өтнад узылін сэкитё вөрса землянкаас?— век на шензис Шурик.— Страксьыс эн и пов? Ме эськё эг лысьт, сё кристос, мед көть батёй кулис кучикёс... Страк... Кызди мөвпышта: вой, шуштём вөр, быдыама шыясыс. А тэ сәні өтнад...

Оверин немтор эз вочавидз, но чужём сертиыс төдчис, мый сэки өдвакө куньлёма войяснас синъяссё. Көть мед кызди эз пов войяснас крепостьын Оверин сэки, а ми и өні видзөдлывлім сы вылө герой вылө моз. Мый сёрнитны челюскинецъяс йылысь, найё миянсянь ылынёсь, а вот асланым геройным орччөн, поэё инмөдчывны сы дінө киён, варовитны.

Сикт узис. Рөмыдас өдва төдчисны воймём пу керкаяслөн мыгөръясыс, сөмын грезд кыр улын, шорсайса неыджыд мыльк вылын едждөдіс вичко. Сылөн купольяс костын друг дзувмунісны бияс.

— Паракод лэччө,— шуис Шурик.

— Судноясыс оз ветлыны косінті,— серөктіс Оверин.

Биясыс эз вөвны пароходлөн, найё дзувъялісны-вешъялісны өтарө-мөдарө ягдорса идралём нин видз весьтын. Пемыд, лөнь, небесаө зэвтөмаёсь руд кымөръяс, оз пөлышт төвру. Ми куимөн джыдж-видзам потшөс вылын, кытысянь тыдалё войлөн шуштөмкодь серпасыс. Кажитчис быттьөкө кодкө матыстчис да видзөдө и видзөдө зонкаяс мышкө кодзыд бугыльяссё лапниттөг. Сэки ещө мөдіс востымаьсны небесаыс, лун да рытывладорын вөсни кымөръяс пөвстті ыпмунліс быттьө чусыд чардыштём, югдыштіс и сиктыс, и юыс, и сы сайса ягыс. Востымасис поводной дыр. Ми вөрзьөдчытөг видзөдім руд небесаын ыпъялысь би вылө. Ог төд, кызди другьяслы, а меным лоис збыльысь шуштём.

— Ме, пөжалуй, муна гортё,— шөпнитіс Шурик.— Қынөмөй висьмис.

— Шурик, ёртөй,— торкис другсё Оверин.— Оз ков сетчыны страклы. Ноко, ме бөрся!

Здук мысти ми вөлім нин Вичкодорынёсь. Пономарев патераын биа на. Сійё сюся кывзіс Оверинёс, ошкыштіс миянёс, плавгис пельпом вылас френчсё да петіс картасайса амбаръяс дорё, кытысянь тыдалыны мөдлапөвса видз да яг. Но сәні нинөм нин эз вөв, а ывлаас пемыдыс ещө на сукмис.

— Аттьө тіяны!— шуис Пономарев.— Бара заводитчө, тыдалё. Ми кыйөдчыштам, а ті — гортад!

Аскинас сикт кузя ваё шыбитём из бөрын артмём гыяс моз паськалісны сёрнияс: войнас пө вөлёма знамение, пемдём мысти святой бияс петкөдлөмаёсь места, кытчө небесаыс воссьылём бөрын усьёма енлөн письмө. Сійё письмөсө вайөмаёсь мөдлапөлысь да өні пө ветлө кыысь киё. Гижөма гырысь печатной букваысөн, медым вермис лыддыны пөрысь и том.

Письмөыс тшөктө петны колхозысь став веритысьяслы, а коді оз

кывзысь мōдар югыдас мōдас сотчыны сир биа адын. Небеса воссы-
лигас пō Гортъяг чуркйō усъома ыджыд из, код вылын зарни крестō
гижōма тайō кывъяссō жō.

Страда эз на помась, медся пōсь кадас сикт бара шызис. Колхоз-
ысь петысьяс кōть ѓни и эз лоны, но кымынкō семья век жō мунисны
овны карō, кōть и зарни креста ыджыд изсō эз аддзы некод.

Сиктсаясōс ёнджыкасō чуймōдис эз тайō, а звōнар Пекалōн друг
кувсьомыс, кодлōн керка мōд джынъяс олис выль поп.

Карысь воисны неумын ён мужик да сыркйōдлисны-лэдзалисны
кōлбкōльняысь жыннъяссō, колисны сōмын ѓтиос — ичōтикōс; мед
шызьōдны йōзōс, лоас кō пōжар. Та водзвылын немōй Пека корōма
медбōрьяысь гажōдыштны прихожанаōс, кодī, вōлōмкō, бура кылō,
сōмын сёрнитнысō оз вермы. Тайō звōнсō помалис Пека «Камарин-
скōй» кодъ шыяс улō да тайōс вель дыр казътылисны.

Сэссия Пека прōститчас аслас жыннъяскōд, быдōнōс окалас:
найō ѓд нэм чōжыс вердисны-удисны, кōмōдисны-пасътōдисны, гажōдис-
ны и шогсѓдисны. Каяс гортас, рытнас ужнайтас да водас, асывнас
видзōдласны — кын.

Да, кымынōс аслас нэм чōжōн колльōдис Пека бōрья туйō, а вот
асъсō нуисны погост вылō звōнтōг.

ВЫЛЬ НОГА СВАДЬБА

Знамение йылысь сёрнияс да енсянь юбръяс эз лоны выль попōс
арестуйтōм бōрын. Нуисны сйōс турун пунктōм бōрын, кор заводитис-
ны идравны урожай. Муяс вылын шаркисны чарлаяс, таргисны лобо-
грейкаяс, сярōдчис сōмын на вайōм жнейка, код бōрысь йиасисны
нывъяс да бабаяс. А косъмōм сусланъясысь кольтаяссō ваялисны
ѓтувъя ыджыд гумла дорō, сёрмалисны. Тъōс вевт улын кузнеч Опонь
лōсьбōдис вōвъясōн вартан машина, кодōс вайисны неважōн жō. Окота
вōли видзōдлыны, кызди кутас уджавны татшōм дивōыс, ѓнōдз гумла
дорын ставсō вчōлисны ки помысь. Войдōр арся асылō сикт садъмыв-
лис вартōм гажа шыысь:

— Чупи-чапи, чупи-чапи, чупи-чап...

Чапъясōн топōдōмысла пу кодъ гумла вылын резисны рынышын
косътōм-шупōдōм кольтаяссъяс сюсō. А таво оз ков ни шупōдчыны,
ни гумлаяс весавны, вартас колхозлысь став няньсō машина. А уро-
жай артельын озыр: ѓтка олысьяс вежалисны сы вылō. Абу дивō: кол-
лективлы сетисны ыстōм кулакъяслысь, купечлысь, поп-дяклысь вына
муясō.

Чумалясысь сэни кыптисны сук. Ми — зонпосни кыскалīm кольта-
яссō гумла дорō, аддим бур урожайсō ас синмōн да радлīm. ѓднō-
кōлкаѓ доддялōм вōвъяс кысян станса челнокъяс моз жō котралисны
муяс вывсаянь гумла дорō да гумла дорсянь му вылō. Туйяс вылын
кыпōдчōмаѓс бус сюръяяс. Кольта кыскалысьяс, гожъялōмысла бес-
пиян кодъ съѓд зонпосни, сōмын горōдлисны ѓта-мōдыскōд паныда-
сигōн:

— Кымын суслан нин, Васька?

Некод эз кōйы кольчыны, быдōн зилис кыскыны унджык, та
вōсна доддясьлисны водз, лэдзасълисны шондī лэччōм бōрын. Но некод
эз элясьлы съѓкыд удж либō музъ вылō, миян сōмын чорыдджыкōсь
лоины мускулъясным, ёнмис-сѓвмис вир-яй, зумыдджыкōсь лоисны
сōнъяс. А рытъяснас бōрья кадō учительница Анна Александровна
бара мōдис чукѓртлыны матыс грездъясса велѓдчысьясōс репетицияс
вылō. Дасътīm интереснѓй программа. Ичѓтджык арлыда пионеръяс
ветлѓдлисны школадорса кушинтī стрѓйѓн да колип моз сьылисны:

Когда война-метелица
придет опять,—
должны уметь мы целиться,
уметь стрелять.

А сэссия юрөбтө уна ёсь гөлөс:

Ша-гай круче!
Цель-ся луч-ше!

Анна Александровна висьталіс: лөсьөдчам велөдчан во заводитчиг да урожайлөн празник кежлө. Отнас Мишель наяна нюмъевтіс та-тшөм кывъяс бөрас, быттьо сійө төдіс кутшөмкө гусятор. Тайө вөлөма збыль, төдмалім бөрынджык. Но Оверинлөн кывйіс чорыд томан са-йын, көть кызди эг зильөй ылөдны, мед висьталас ассьяс гусяторсө.
— Быдторлы — аслас кад,— сөмын и шуліс сійө.

И со карысь воём милиционеръяс арестуйтөмаөсь попөс. Юөрыс өти здукөн паськаліс сиктын. Сельсөвет дорө чукөрмисны уна йөз, көть луныс вөлі букыд да корсюрө зэрышталіс. Йөзыс пукалісны сельсөвет кильчө вылын, пөжарнөй сарайдорса потшөс тырөма чавканъяс моз гөлчитысь челядьөн. Пөчөяс да пөльөяс сулалісны корсюрө сявкнитлысь зэр улын, чөла чөвталісны пернапас. Туй вылын, завор сайын мурчкис-йирис моски бокысь дженъид турунсө телегаө доддьялөм вөв.

Мужикъяс гартісны нин нельөд либө витөд чигарка. Виччысисны. И со воссис еджыд краскауэн мавтөм өдзөс да югьялысь жө шпена тасмаөн съөд шынельсө коскөдыс зэвтөм молодеч кодь морт. Ставыс төдісны Жижевөс. Сійө пунктіс кисө наган кабур вылас, тешкодя вежыньтліс беринөсь чужөмсө да стрөга шуис:

— Эн мешайтчөй, гражданы! Сетөй туйсө, гражданы!

Сэссия пемьдсысь мыччысисны пөлян гум кодь гөгрөс сапөг гөленьяс, кузь пөдрасник да сы вылын паськыд руд шляпа. Сы улысь тыдовтчис съөд тош. Съөд тош вылас водзлань зымвидзис мусюр ыджда ныр. Тайө вөлі мян сиктса вель попным. Сы бөрысь, киас винтовкаа, петісны брезент плаща кык милиционер. Батюшкоөс да сійөс колльөдысьясөс аддзөм бөрын рикөстіс-горөдіс кутшөмкө пөч, кылісны лыддьөдлөм-бөрдөмъяс, скөрысь шуасьөмъяс. Йөз юр весттөд юрөбтісны молитвалөн кывъяс. Пөчөяс, нывбабаяс стенөн мөдісны водзө, кажитчис — вот-вот мырдьясны священникөс милиционеръяслысь. Ми голяясөс нөждөдөмөн вичысим, мый лөб водзө. Но сэки петкөдліс ассьяс сямсө Жижев. Сійө кыпөдіс рыжөй гөна ыджыд кырымсө йөзлань, быттьо мыджис сійөн найөс, сувтөдіс матыстчысь стенсө, да лөкысь кырыштіс чукөртчөм йөзөс синнас:

— Гражданы! Сулалөй места вылад! Сетөй туйсө, гражданы-ы! Эн мешайтөй нуны служба, гражданы-ы! Со наганыс, зарада!— шлопнитіс шуйга кинас веськыд бокас.

Тайө ланьтөдіс ыззылөмсө, йөз вешйыштісны, сетісны туй. Сэки поп сувтовкерис. Сы бөрын мунысь милиционеръяс зурасисны поплөн мышкө. Поп тайөс эз пункты пыдди. Паськыд сосьяснас мовкйөдлөмөн сійө пернапасаліс йөзөс да гым кодь гора гөлөснас горөдіс:

— Крестос терпитіс и мянлы тшөктіс! Терпитөй! Севышньөйяс ставсө аддзө. Мөдар югыдас судыс: козы — налево, овцы — направо.— Сэссия паськыда шавкнитіс подрасник пөляснас, чөв усис да пуксис телегаө. Отар-мөдарас пуксисны милиционеръяс. Кодкө батюшколы мыччис гортса пөжаса ноптор, кодкө зэрысь вевттис сійөс шоныд шальөн.

Попөс вузалөма Прокө Ольө, катыдпомса первой гусясьяссыс. Ошйысьөма кодлыкө тшөтшьяяс пиысь, мый батысь тшөктөма гижны печатнөй букваясөн «Енсянь письмөяс», а сылөн пө ыджыджык во-

Тимшерса вөръясын



Выль керкаясысь улича...



Талун ягын.




Медбур механизаторъясъсь ѳти С. Мастюгин.



Чѳскыд нянь пѳжалѳны А. Паршукѳва да О. Ужѳва.



Велѳдѳны французскѳй кыв.



Пөрөдчүсү Г. Паршуков.



Войнаса да уджывса ветеран М.А. Матюшев.



Воспитательница М. Игнатова аслас быдтасъяскөд.



Мича кепысь-чулки кыö Л. П. Паршукова.

Снимокъясыс В. Шульгинлөн.

кыс немой Пекакод унаыс вуджавломаясь пемыд рытьясө модлапөлө да дзувъялмоаясь Гортъягдорасын понарьясөн.

Со кодъяс, вёлмкө, вёчоны знаменитө. А Прокө Ольёлөн ба-тыс, Тьөсар Прокө — вичко старөста, поплөн веськыд кыс. Озыра олысыясыд гөльтө старөстанад оз бөрийны. А Прокө Ольёлөн керка-көрөминаыс уна жыръяса, чардака да весиг ыджыд балкона. Стенсө кышөма тьөскөн, краситөма. Вевтыс жөсьтысь. Тьөсар Прокөлы сет-лисны выль ним — подкулачник. Но мыйлакө ни сийөс, ни ыджыдджык писө — Витеньөс милиционеръяс эз босьтны. Тыдалө, гыжныс оз мөрчы. А вот поплы мездысыны эз удайтчы. Тадзи төлкүйтисны мужикъяс.

А Прокө Ольё эз петкөдчыв вежон кык: сэтшөма «велөдөма» ас-сыс радейтана чадсө вичко старөста. Төкөтьө пө ки-коксө абу чегъ-ялөма, бур, мый мамыс дитясө мездөма-мырддьөма звермөм верөс кысыс.

Вичко пөдласис. А локтан төвнас нин сэтчө воститисны кылөдчысы-яслы да пуръясысыяслы сёянн — столөвөй.

Бара сиктын лөнис, эз шөпкөдчыны ас костаныс бабаяс, эз вөйпны некодөс. Бөръя лоөмтор бөрын милиционер Жижевлөн доныс кып-тыштис весиг челяд пөвстын. Сикт кузя ветлөдлис тшапа, беринөсь чужөма гөгрөс сяр кодэ юрө кутис вылын. Онй сийө вөйюитис самөкур пусьяскөд, исасис-корсыыс, кодсюрөлысь мырддялис аппаратъяссө, жуглис найөс сельсөвет дорын. Аскурөн вузасысыясөс штрапуйталис. Пионеръяс отсасисны жө милиционерлы туясыны.

Нимкодьторйөн лоис, кор заводитис вартны машина. Квайт ён вөв бергөдлисны привод, кодлөн ыджыд чугун көлесаясыяны нюжалис паськыд брезент тасма машиналөн барабан шкивөдз. Содтөд векны-дик тасмаяс отсөгөн бергөдлисны и мукөд көлесаяс, Вартанінын өшалис пель чунөдан журган гор. Ота-мөдыдлы лоө горзыны пеляс. Машина дорын уджалысыяс вевттысысьөмаөсь кыз идзас бусөн. А вундөм йиа кольтаяссө барабанө сюялысь Опонь дядьлөн син ни пель оз ты-дав, сөмын югъялө консерв банкаысь вөчөм синъяссө видзан ыджыд өчкиыс.

— Жу-унь... жиу-у-унь... жи-и-и-унь!.. — йөз видзөдөны дивө машина вылө, кодэ кольтаяссө пөртө идзасө, кыдйө да зарни сюө. А Опонь дядэ оз вевъяс бөкө видзөдлыны, непөштө сувтлыны шойч-чыштны, өд он кө удит ас кадө мыччыны барабан горшө пазыйөм кольта, машина тшыг көин моз сикт тырнас омлөвтө, а кор гырк пытшкөсыс тыр, сәки мургө пөт кань моз: вот пө тадзи и колө. И сәки Опонь дядьлөн нимкодъысла горөдсыылө:

— Сад йөрын пө ныв гуляйтө, сэтчө зон волывлө...

— Добра-а тайө машинаыд, сөмын няръялө-вартө сөрөмсьыд няньсө, — ошкөны бабаяс да шензьөны пөчөяс.

Некод оз прөйдит таті мунігөн вартаніно кежавлытөг.

— Но и юр мортыдлөн, татшөм дивө вермөма лөсьөдны, — дивуйт-чөны йөз. — Му вылысь да машинаө, оз ков, майбыр, рыныш ни пес. Орччөн жө и төлөдчан машина. Оз ков лунтыр сой ортөдзыд шыблав-ны зырийөн жугъя сюсө, весавны төв вылын. Зарни рөма гумла вылысь сюсө сөмын ну колхозной складө, идзассө стөгйышт, а жугсө чукөрт пузьөдчыны төв кежлө скөтлы пөсь сёян. Немтор оз шыбитчы, ставыс мунө шомөсө-ворйө.

Кыпыд уджөн тырөм өти татшөм лунө гумла вылө локтис Вадим дядэ, а ськөд — Мишель. Кыкнанныслөн чужөмъясас нимкодэ чу-кыръяс. И йөзлы лоис нимкодэ, Гөрд Армияса настөящөй командирыд абу тшөкыда воысь морт. Вадим дядэ кытшовтис гумла вывти маши-на гөгөр. Чолөмасис быдөнкөд киөн. Машиналөн жуныгөм ори, йөз

чукортчисны кывзыштны гөрд командирөс. Пуксялісны эжа вылө. Локтисны татчө и сёрөм тэчысыяс да кольта кыскалысыяс.

Август помланын поводыяс сулаліс мича, енежыс вөлі гожся кодъ джуджыд да сөстөм. И шондыс пөжис поводнөя на. Пөсялөм йөз пыркөдчыштисны, пелькөдчыштисны, а Вадим дядь сёрнитигөн синсө эз вештывны сы вылысь, торйөн нин ичмоньяс да нывьяс, кодъяслы зэв ёна воис сёлөм вылас и мортыс, и сылөн мича формаыс. Унаён злісны гөститөдны Вадим дядьөс гортса пөжасөн, көдзыд ырөшөн. Мөдыс нинөмысь эз өтдортчы, сөйис и юис яндысьтөг, пөся аттьөалис гөститөдөмысь, йөзкөд гажөдчис, гылыда сералис. А вот мужкьяс — мөдарө: дзикөдз рөзөритисны Вадим дядьөс, кодлөн ыджыд папирөс пачкаыс ветлөдліс кыыс киө вөвлөм салдатгьяс пөвстын, а бөрсө командир киө воис тыртөг нин. Но сійө эз дөзмы таысь, гартыштіс орччөн пукалысь Макар көшельса ас быдтөм табакусь чигарка. Тшынасигмоз и муніс сёрниыс. Гөрд командир висьтавліс, мый вөчсьө мирын, странаын, а ачыс юасис да кывзис районуын, сиктын олөм-вылөм, колхозной делөяс йылысь висьгалөмьяс. Йөз торья төждөн юасисны, мый вөчсьө Дальной Востокын граница ёнмөдөм могоыс.

Мишель, көть пукаліс зонпосни пөвстын, эз вештыв синьяссө радейтана дядьыслөн чужөм да вом вылысь, гогйөдліс весиг юрнас, быттьө ачыс адзылөма, мый йылысь висьтавліс дядьыс. Сэсся мудера видзөдліс миян вылө да шуис, мый Анна Александровна тарыт бара нуөдө репетиция, медым петкөдлыны нин концертсө локтан шойччан лунө. Ми весиг эг эскөй:

— Рөгыд на дасьтысим да? — чуйми ме. — Яналам!

— Вьсьшөрө вензянныд, — өлөдіс миянөс Оверин, быттьө сёрнитчөма нин учительникакөд. — Кыдзи шуи — сідзи и лөб. Вот адзыланыд. Тшөтш и шензьөдантор на кывланныд...

Нөдкывйөн Мишельлөн сёрнитөмыс лои гөгөрвоанаён сөмын немын лун мысти, кор сиктын паськаліс юөр: Вадим дядь пө ыстылөма Анна Александровна ордө корасысыясөс. Тайө миянлы вөлі төв шөр төлын гымыштөм кодъ жө. Со, вөлөмкө, мый Оверинид дзөбөма миянысь. Но и Мишель, эз өд и висьтавлы та йылысь весиг аслас медся матысса другьясыслы да ёртгьясыслы — ни меным, ни Шуриклы. Первойсө өбидитчылім быдсөн, а сэсся кутім весиг ошкыны — Мишель абу Прокө Өлө, кывтө пинь саяс сяммө кутны.

Сы пыдди нывкаяс тайө юөрсө кузь бөжа катшаяс моз разөдісны быд пельөдз. Вадим дядь пө лөктөма сөмын сы вөсна, медым нуөдны Анна Александровнаөс, но мөдыс пыксьөма, тшөктөма, мед пө лоас ставыс бур йөзыслөн моз жө, сөмын пө сэки ме лоа тэнад гөтырөн.

Өтчуд репетиция бөрын ме колльөді гортас Ира Полинаөс. Гөжөмбыднад пөшти өтилаын мырсигад-уджалігад дугдім дузьявны өтамөд вылө, бөр мөдім кысыны ёрта-ёрт дорө. Восьлалам орччөн паськыд бор кузя Ираяслөн грездлань.

— Шуда жө миян учительницаным, военной сайө, командир сайө петө, — сувтыштіс Ира да пөсь кырымнас чабыртіс менсым киөс, а сэсся гораа шөпнитіс, лов шыыс воис чужөмбанөдз: — А тэ өд военной жө лоан... командирөн.

Ме сөмын шемөсмөмөн видзөдлі нывлөн чужөм вылас.

— Вунөдін? Анкетаад тай вөлі гижлөмыд кольөм во... Көсья пө лоны военнойөн, велөдча командирөдз.

Збыльысь, вөлі татшөмторйыс, кор ми классын гижим сочинение «Көдөн ме лоа» тема вылө.

— Сідзкө, тэ ногөн Оверин — аския писатель... Помнитсьө, Мишель тадзи гижліс, — серөкті ме.

— Ог төд,— ышловзис Ира.— Артист, пöжалуй, артмас-а... Но меным сьёлöм вылö вооны военнöйяс.

— Ира, а ме öд и таксаторöн кöсья лоны?— казьтыштi, кыдзи за-видьтылi командировкаö вольты таксаторьяслы.

Но Ира öлöдiс менö некымын кывйöн:

— Коланторьяс! Вöрсаö пöран найö уджысь. Ме бара на коддьöм вылад ог и видзöдлы. Аддзöмыд, кодьяслы вежавны! А ме, Миша, лоа врачöн... Лоа тэкöд орчöн, тэ военнöй, а ме — тiян частьса врач... Ой, Миша, этiян нö кодьяс?...— ныв индiс сусланьяс косттi мянлань матыстчысь кык вуджөр вылö.

Ме первойсö чайтi найöс Мишельöн да Шурикöн. Мися, кыйкья-лоны мян бöрся, но мыгöрьясыс, кöть и пемдö нин вöли, төдчис — верстьö йöзлөн. Ме тэрыба плавги нывлөн еджыд ковта вылö ассым пинжакöс да кыскыштi сийöс ки пöлöдыс суслан сайö. Недыр мысти вуджөрьяс матыстчисны. Найö быттö мыйкö корсьысисны сусланьяс пöвстын.

— ...Тувсов кöч моз еджыд паськöмсö вежис. Сюрис кö эськö,— скöралiс төдтöм дядьö.

Мöдыс мисьтöма ёрчыштiс:

— Сёр нин, бурджык мунам да пöкмелитчам.

Мöд гөлөссö ме кыськö кывлi, а кодлөн — төдны эг вермы.

«Колö эськö кыйöдчыштны тайö йöз бöрсяыс, кодöс найö корсьö-ны, да тайöс öд Иракöд он вöч... Шурик либö Мишель кö эськö вöли-ны öнi сы местаын»,— ас кежысь мöвпыштi ме.

Ираяс кильчö помын сёрнитчим некодлы не висьтавны та йылысь.

Падьяли и ачым: «Юöртны-ö та йылысь гирысьяслы? Öд вермас лоны, тайö ылыс грездса зоньяс мунiсны гортас... Да этша öмöй йöз велöдлöны сэтчö-татчö... Лөксö вöчöм тай немтор бöрья кадö эз кыс-сьыв. Но ачымöс такöдöмысь сьёлöмöй эз лөнь, телепит лои висьтавны гирысьяслы. И ме пыралi бригадир, вöвлöм партизан Макар Иван ордö.

— Та йылысь некодлы кыв ни джын,— öлöдiс бригадир.— Миян-лы колö быдторсьыс видзчысьны... Гумла да амбар видзны ковмас ыстыны крепыдджык йöзöс, поньясөн на,— Макар Иван төждысьöмөн гыжйыштiс юрсö да шуис:— Батыд мед кежалас ме дiнö.

Матыстчис школаö мунан лун да тшöтш и сийö рытыс, кор мян-лы ковмас петкöдлыны выль концерт. Клубын ставыс нин вöли дась. Ыджыд празник водзвылын моз залсö, дай мукöд вежöсьяссö мичмö-дiм ныв лыскөн, венөкьясөн, уна рöма бумага флагьясөн. А кутшö-ма вежсис Анна Александровна, лöбма быттö авьяджык, мичаджык. Сы гөгөр бобувьяс моз гартчисны нывьяс, вом вылас и видзöдiсны, оз-ö мыйкö тшöкты вöчны нöшта, мед клуб лоис мичаджык. Сöмын тай неуна жугыль лоис ставнымлы: мян наставничаным велöднысö сэся тани оз кут, свадьба бöрын найö мунöны Вадим дядь служитанiнö — Дальнöй Востокö.

Свадьба... Гажаа сийö мунлiс сиктад. Быдса вежон чöж кысьö кöлысьыс: первой корасьöны, бöрдöдчöны, а сэся воасны и медся гажа луньясыс — свадьба да пир, кысьö сур да вина, а пызаньяс чөгöны чöскыд пöжасысь, жаритöм да пражитöм, солалöм да юммö-дöмторьясысь. Сэки чöскыд вөлөгасысь мыйсюрö вичмылiс и челядь пай вылö. Но ми ныв да зонпосни медся радейтлiм сийö здуксö, кор локтöны жöник да невеста. Локтысьяс оз на тыдавны, а зыкыс кылö нин: нярьялö гудöк, юралöны-сьылöны том гөлөсьяс, зельöны-зильгö-ны, тильгöны, тельгöны, триньгöны, троньгöны мегырьясö öшлöм уна сикас көлөкөльчикьяс, дөлалöны лентаяс, ылысянь тыдалö дружка пельпомьяс вылын мича кузьчышьян. Ён да статя вöвьяслөн бурсысь-

ясыс да бѡжъясыс лѣтйьсѡны тѡв йылын, краситѡм да баситѡм теле-
гаа кора додьясын — вѡччѡм нывьяс да зонъяс. И друг тайѡ свадьба-
ыслы потшѡны туйсѡ, оз лѣзны мунны вичкоѡ. Туй потшысьяс корѡны
невеста вылѡ дон. Донъясьѡм бѡрын дружка сетіс туй потшысьяслы
водзвыв лѡсьѡдѡм ыргѡн да эзысь деньга, и свадьба бара тѡвзѡ водзѡ.
Эк, свадьба, свадьба, кутшѡма тѣнѡ радейтлісны йѡз, тшѡтш и сиктса
челядь! А позьѡ ѡмѡй шуны Вадим дядьлысь миян наставничакѡд гѡт-
расѡмсѡ свадьбаѡн, кодѡс ми сѣтшѡма виччысим. Ветлісны сельсѡве-
тѡ, гижысны. Сѣся найѡс нывпосни тыртісны боръясысь чукѡртѡм
дзоридзьясѡн. Бѡрынджык Анна Александровна кѡзяйка ордын юисны
чай. Вѡліны сѣні Вадим дядьлѡн рѡдвужыс, сылѡн тшѡтшъясыс, су-
седъяс, учительницаяс, комсомолецъяс, том йѡз да весиг ачыс — По-
номарев да дерт жѡ и ми, челядь.

А рытнас клубын, кытчѡ ѡдва тѡрисны йѡзыс, ми петкѡдлім гажа
концерт, кодѡс сним и велѡдчан во заводитчѡмлы, и колхозлѡн гожея-
арся уджъяс топалѡмлы, и выль семьялы. Тадзи муніс медводдза выль
нога свадьба, тадзи лѡи торйѡдчыны радейтана учительница Анна
Александровнакѡд.

Быд гезлѡн эм пом

Аски школаѡ. Талун медбѡръя лун олам ас кежысь. Вот повод-
дьяс лѣк, оз лѣз прѡяи ни ворсны, ни мачасыны, ни качайтчыны.
Енѣжті лѣзь турун пластъяс кодѡ тѡвзысьсѡ кымѡръясысь тшѡкыда ре-
зыштлѡ зѣр. Сійѡ нильзѡдїс туйяс, муяс да падмѡдїс картупель ке-
рысьясѡс, кодъяслы отсасим и ми. Тарыт изба-читальня ѡдзѡсын ѡша-
лѡ томан, избачыслѡн шойччан лун, он кывзышт радио, ни он лыддѡы
газетъяс да журналъяс. И мойдчынытѡ некѡн. Та ыджда араватѡ оз
лѣз весиг Бѡбыль Ѧнь, ывлаын дыр он жѡ ов: кѡдзыд и зѣрѡ. Зон-
посни дзугыльмисны, оз тѡдны, кѡні колльѡдны прѡст рытсѡ.

— Кайварышъяс! — кызди и пыр овлѡ, воис отсѡг вылѡ тѡлка, но
кузя мѡвпалыс Шурик. — Тѡрыт Митиперлѡн рынышыс ломтысис, а
талун налѡн вартис нин. Мунамѡй сѣтчѡ.

Челядь котыр ѡта-мѡднымкѡд ордысьѡмѡн гузъгим-котѡртім сѣтчѡ.

Сѣн бокин куткырвидзис тшын кѡра стрѡйба. Кавшасим нильѡг
туруна бокшаті гумла вылѡ, вѡсьтім рынышѡ кольтаяс сюялан розьсѡ
да ѡта-мѡд бѡрся ѡдзѡс дїнас матыстчывтѡг ѡшиньѡдыс и дзумгысим
шоньд рыныш пытшкѡ вылыс судтаас да пуксялім джоджас. Сынѡ-
дыс кос, шоньд, абу на весиг удитѡма кѡдзавны тѡрыт лунтыр да вой-
быд ломтѡм горйыс. Зѣр да кѡдзыд бѡрад — веськыд рай.

Заводитны мойдчыны корисны Мишельѡс. Сійѡ эз ыръянит, но
шуис:

— Чур, сѡмын ѡтиѡс. А сѣся мед кодкѡ мѡд...

И Мишель мѡдїс ас ногыс вежлалѡмѡн висѣтавны «Айвенго» ро-
ман. Ок, лѡсьыд татшѡминад мойдчынытѡ, са кодѡ шоньд пемыдас
немтор оз тыдав, сѡмын кылѡ Оверинлѡн гѡлѡсыс да кодсюрѡлѡн
видзчысьѡмѡн пошиктѡмыс. Кывзан Мишельѡс да быттьѡ сувтѡны син
водзѡ ловья серпасъяс, аддзан повтѡг тышкасысь геройсѡс. А Ми-
шельлѡн висѣталѡмъясыс нудѡны пыр водзѡ и водзѡ, тѡдмѡдѡны зѣв
важ кадѡ овлѡм вѡсьса сѡлѡмъяса войтыр-племялѡн обычайскѡд.

Кѡр помасис висѣталѡмыс, мѡдїсны корны Оверинѡс мойдны мый-
кѡ нѡшта, но сійѡ ассыс кывсѡ эз вудж. Гортѡ мунны вѡлі водз на.
Пѡвйѡн пѡдлыштѡм рыныш розьті быдлаын на тыдалісны сиктса бияс.

— Кайварышъяс, видла инѡсь ме, — вѡйысис Шурик. — Но менам
лѡѡ оз мойд, а збыльтѡр, вѡвлѡмтор, кодѡс висѣтавліс пѡчѡ...

— Но и мед, медтыкō интереснōй вōлі,— кывкōрталісны пельсō чoшкōдōмōн рынышыну пукалысьяс.

— Повзьōдланаджык да,— содтіс сэтчō вōсни гōлōс.

— Но кывзōй инō,— кызōктыштіс да заводитіс Шурик:— Оти сиктын шор бокин сулалōма зэв важ пывсян. Весиг кōзьяинсō оз помнитны коді вōлōма. Сійōн оз и разны... Коді нō йōзлōн стрōйбаō кутчысьяс да ещō и жугōдны бoсьтчас... Да сійō пывсянас пō кажитчō, вoйяснас пō петук чукōстытōдз сэні гажōдчō мутивōй. Коді пō оз мун пемдōм бōрас шорбокса пывсян дорті, сылы пō и шыбитō мутивōйыс кос корōсьōн. Да... Йōз пемдōм бōрын ылі кытшлалōны гажтōм местасō. Кōсійōмабсь нин попōс корны, мед вежōдас, да оз-ō энoвт стрōйбасō мутиыс, но сьōмнас абу артмōмабсь. Батюшкоыд, тōдōмысь, повзяс, оз эскы ен кылыдлōн вынлы да сы вōсна чегас мынтыны вермытōм дон.

Пемыдас кодкō мōдіс тільскыны-серавны:

— Сюсь вōлōма батюшкоыс.

— Да... а сиктас овлōма зэв ен зимōгор Ёгор. Матича кер шōрōдыс бoсьтлōма да кыпōдлывлōма. Кывлас йōз сёрниястō. Мыйōн пемдас, мōдōдчас шорбокса отка пывсян дорад. Да... воас сэтчō. Пемыд, сьōд пывсяныс одва тōдчō. Сэтшōм багатырōс и то стракыс дорас, бōрō ни водзō оз лысьт вōрзъыны, быттō измас места вылас... Да... И сєки дзуркнитас-восяяс пывсянлōн бубуля кодь сьōдасьōм одзōсыс...

Менам одва эз пот сьōлōмōй: буретш сєки, збылысь гораа дзуркнитіс-восяис улыс судтасъыс рыныш одзōс, кōні вōлі горйыс, пес да мукōдтор. Зонпосни весьōпōрисны.

— Нōрōвитыштам. Сиктыс мед лōньыштас, биясыс кусōны,— кыліс мужичōй гōлōс.

Тайō мортыслысь гōлōссō ме и кывлі неважōн, кор колльōді Ираōс гортас.

— Бура артмис,— водзō баткōдчис тōдса гōлōсаыс.— Оз мōд йōзсō полошуйтны, ставсō артельō кыскыны... Пом!

— Коліс эськō и Гранясō да эз веськав миян ки улō...

Сёрнитісны улыс судтаын, но кōть джодж пыр, гōлōсыс кыліс ясыда и ме тōді оти сёрнитысьсō — вичко старосталōн ыджыд пиыс — Прокō Витень. «А мōдыс, мōдыс коді, гōлōсыс тай тōдтōм?» — зілі тōдмавны мōд мортсō ме.

— А ми тэкōд, Камбалов, чорыда солалім кодскюрōлысь сатōкинсō. Нюжмасьны некор, вермасны адззыны татысь, менам Дарьюшлōн пывсян джоджувса гусьыс бoсьтам гoз-мōд бидон аскур да усйысям...

Синьсōй быттō вoсяисны: мōд бандитыс вōлі Сила Олбōксан, купечлōн зятъыс — Камбалов, коді пышйытōдзыс вузасьліс тестыслōн лавкаас.

— Кытчō оні сетчам? — недыр мысти юалис Камбалов.

— Ме нуōда. Миянōс корсьны Жижевыдлōн табакыс дубалō,— ошйысис старōста пи.— Бoсьтам аскур запас и Семō шордорса землянкаō. Кōні тай тестыдлысь артельōн мырддьōм Каркосō чергōдім.

— Йōзасьōм местаас?

— Йōй! Яйсō кōть и нуыштісны, важōн нин сєйисны некодлы висьтавтōг-эрдōдлытōг. Оні сэтчō весиг челядь оз мунны, арнад,— вензис Прокō Витень,— кōть кодкō и кыйōдчис, овсясны, гожōмбыд сэтчō эг волōй. Гōгōрвоōны и: кōйн оти местаас кык во дорвыв оз поздысь. А ми поздысям. Бōбōдам Жижев коддьōмōс... Узям, а аски — туйō...

— Мунам, сідзкō,— кывйō, кылō, сетчис Камбалов.— Бур эськō сєрōмас гōрд петук лэдзны...

— Йōй! — вомалис сійōс Прокō Витень.— Кык мужик, кывлі, видзōны, понъясōн. Видлы сибōдчыны, юрид кō абу жаль... Сєссия, шуи

тай, Дарьюш пывсянõ на колõ пыравны... Запастõг ог вõрзõй.

Здук мысти бандитъяс петисны ывлаõ да шы ни тõв, шышъяс моз кыйкъялгтыр йõръяс вомõн мõдõдчисны сиктлань. А весьпõртõдзяс повзылõм зонкаяс õдйõ тай усйисисны рынышысь кольта шõтан розьõдс, весиг вунõдисны пõдлавны сйõс да рази-пели усъкõдчисны гортаньс. Кутшõм нин мойдõм, бур мый ловйõн мынисны тайõ страксыс.

Ми, гырысьджык зонпосни ичõтъяссысь кольччим, шум кыпõдны Вадим дядьõс, Пономаревõс, Жижевõс, Макар Иванõс, менсым да Шуриклъсь батъяснымõс. А меным да Оверинлы зонъяс тшõктисны кыйõдчыны бандитъяс бõрся, не кольчыны наысь ни õти воськов. Муним шытõг, зев видзчысьõмõн. Восьлалим õта-мõд бõрся вуджõръяс моз. Дерт, жалитим, мый эг босьтõй пищаль да мянкõд эз вõв Газель пон. Воим бандит Витеньлõн пõдруга дõва Кирõ Дарья пывсян дорõ, сõмын удитим лажынтчыны потшõс бокõ, кызди сэтъяс петисны Камбалов да Витень.

— Менам Дарьюшyd пыр запаса,— ошйисис Витень.— Тайõ мянлы дыр тырмас. Вай, Камбалов, глõтнитыштам на туй вылõ.

— Кок йылад õшъян на?— скõрмис Камбалов.— Тэ, гашкõ, шома юрнад да гудыр синнад сэсса менõ Жижев ордас нубдан да?

— Шуан жõ!— дõзмис, тыдалõ, и Витень.— Мõдим, сидзкõ, õдйõджык, воам да места вылас юыштам сэни. Пономаревõс казътышта, кызди ме сылысь плещõ розьõд.

«Сидзкõ, Прокõ Витень лыйõма Пономаревлы!— рынышын да õни кывлõм сёрниис õтласисны менам вежõрын.— Тайõ ичõтик да омõлик Витеньыс, кыз шуасны, курõглы бõж улõдз, порсьлы лекйõдз немортыс!

Камбалов, дерт, еджыд кисõ эз няйтчõд, сõмын командуйтис. Тайõясõс оз позь лэдзны син улысь, кежасны туйсьыныс, оз узьмõдчыны мян землянкаõ — дзикõдз воштысясны да сэки Жижевдлõн и збылысь корссьõма».

Шõпнити та йылысь Мишельы. Сйõ гогнитис юрнас. Мõдõдчим бандитъяс бõрся. Дзебсясьõмысь да кысъясьõмысь брõд кõтасим. Со водзын сьõдõдны мõдис вõр. Бандитъяс эз мõдны веськыда вõртис, полисны, тыдалõ, вошõмысь, лэччисны шор сёнõ да вуджисны Гажа яглань. Тайõ и мянлы кивыв, муним гежõд вõра кос местати, кылим водзын мунысяслъсь кок шысõ.

Друг водзын мунысяслõн кок шыясыс лõнисны. Мишель, сюс пеля ёртõй кватитис менõ пельпомõд: сулав пõ. «Казялисны мянõс, либõ ас костаныс сёрнитчõны?»— вирдыштитис юрын мõвл.

Сэсса бара кылисны воськовъяс. Кõдкõ матыстчис мянлань.

Мишель босьтис менõ киõд да гусьõн-гусьõн кежыштим сён бокланьыс. Ланьтõдчим. Лов шы кутõмõн виччысям, мый лоас водзõ.

— Бур кõзьяин татшõмнад понсõ оз лэдз гортсыс,— нурбыльтис Витень мян весьтти увлань прõйдитигõн.— Кõдкõ мõдас кыйõдчыны? Жижев небось стынитõ пõлатяс. Но и кõч жõ Камбаловыс.

Витень сьõвзис да бõр мõдõдчис шор йывлань, кõни виччысис сйõс Сила Олюксанлõн вõвлõм зятъяс.

Миян крепость динõ матõ кодъ воõм бõрын бандитъяс дыр пукалисны да кывзисисны, сэсса ышка-пошка кыпõдчисны крут кыркõтш вылõ. Недыр мысти и ми тивксьõдим-кайим сэтчõ. Лыс стенõ вõчõм гуся розьõд видзõдлим крепостьпытшса му чомлань. Сьõлõм быдсõн личмунис, кор весьт пасъта õшиньõд пемыд ывлаõ кучкис би югõр, кулис, тыдалõ, õзтылисны истõг тув, бара õзйис да сэсса эз нин кус: ломзõдисны лампа. Ещõ недыр мысти вõсньыдик жõсьт трубаысь пуркнитис тшын, шочиника лэбзисны би киньяс.

— Гортас моз овмõдчисны мян чомйõ,— вашмунис Мишель.— Мед шонтысьõны, косътысьõны, сйõны-юõны. Могнымõс пõртим олõмõ.

Лэччам сиктö, а аскинас, лöz югуднас Жижев мужикъяскöд пальöдас уннысö.

Гырысьясöс аддим качай дорысь. Матыстчим на динö, висьталим, мый бандитъяс узьмöдчисны мяян чомйö. Тшöтш и Бöбыль Öньö накöд.

— Тшöтшкöрта ме шышъясыдлысь ки-коксö,— гымалис сылөн вына гөлöсыс. Öньöлөн пельпом вылас вöли паськыд дора лэчыд чер.— Кык сутки на вöсна Жижев чижовкаын мöритис. Висьтав пö, кодъяс вöвсö виинныд?

— Öндрей, кольчы, эн вöтчы,— кылис Вадим дядьлөн стрöг гөлöсыс,— сöмын мешайтчыны мöдан.

— Ог кө-а,— лöнджыка нин вочавидзис Öнь, но йöзысь эз кольчыс.

Тани вöлины ставөн, кодлы зонъяс юöртисны бандитъяслөн сиктö локтöм йылысь. Сöмын Бöбыль Öнь вескалöма кортöг, вöлöма куритчыштны Макар Иван ордö. Сэк жö сэтчö и пырас Шурик да висьта-лас бандитъяс йылысь. Со Öньöйд и көвъясьöма тшöтш, öруддьö на босьтöма да.

Бать мелиа малыштіс менö пельпомъясöд, плавгис көтасьöм пин-жак вылö шоныд шабурсö.

А рытнас вöлöма со мый. Пономарев ордö локтасны тöлкуйтны мяян Граня да Назар Паш Öльöксан, пуксясны пызан сайö. Недыр мысти косьыштасны-лыясны занавесывьса вуджөр сертиыс Пономаревлы, чайтасны, мый гортас сійö öтнас. Ранитасны пельпомас, но усьö да чайтасны лои кувтöдзис. Усйысясны, дерт. Сэки Öльöксан öдий вайöдас Рыжой Митрейöс, тшöктас доддявны медся тэрыб вöвсö да мяян Гранякöд тövзьöдасны-нуасны парторгöс кылöдчан рейдса больничаö. Артельса мужичöйяслы унджыкыслы бандитъяс йылысь юöрсö ваясны нин челядь. Со, ставсö, кодэс колö, чукöртöмаöс.

Шуисны, юдöмсö не вичысьны. Места вылö воём бöрын офицер Вадим дядь сувтöдис мужикъясöс крепость гөгөр, медым некоднан бандитыслы эз удайтчы пышйыны, а ачыс милиционер Жижевкöд кияныс наганъясөн веськөдчисны му чом дорö. Милиционер гусьöник дыр видзöдис ичöтик юзьöдöм öшиньö, а сэсся вынысь тракнитис öдзöс пыдди öшöдöм дöрасö да көсийс горöдны, мед бандитъяс вир кисьттöг сетчасны. Но сэтысь кылис шкоргöм шы.

Весьöпөрöм бандитъясöс шобигөн Прокö Витень ордысь сюри зептын новлан чепта эзысь часі. Петкöдлыны кө сійöс, тöдис эськö став сиктыс. Тайö часисö новліс коркö Назар Павел. Лои гөгөрвоана, кодъяс виисны Назар Павелöс. Пыр жö тöдис тайö часисö и Павеллөн пиыс Öльöксан. Сійö кельдöдис, уськөдчис Прокö Витень вылö да вына кабырнас косьöбтіс сылы пель бокас.

— Ни-а тэныд, вир юысь гад!— скöрысь горöдис Öльöксан.— Ни-а тэныд! Понлы — понлөн смерть!

Код тöдас, мый эськö вöчис бандитöс скöрмöм зон, но сійöс зырöдыштіс Вадим дядь.

— Сайкав, Павлövич, тэ öд комсомолец. Оз позь тадз, ас судөн,— öлöдис Вадим дядь, а сэсся лөгпырысь видзöдліс көрталöм кияса бандитъяс вылö да быттьö керыштіс, шуис:— Народлөн суд сетас бандитъяслы сійöс, мый найö корсисны...

Аскинас ми вöсьлалім школаö. Поводдяыс бөр мичаммöма. Арся енэжын кыпыда ворсöдчис шонді. Пуксьö югуд, мича лун.



Василий ЛОДЫГИН

Помасьтӧм зэр

Юль шӧрас другысь поводьяс висьмис,
А гашкӧ-й, босьтис йӧйталыштан ру.
Оз косьмы турун, курттӧгыс и сисьмӧ,
Дзик ытва нырӧн шуньгӧ быгъя ю.

Со берег дорын кымынялӧм пыжъяс,
Оз некод весиг чери кыйны пет.
Кӧть мыйта сэсся балябӧжтӧ гыжъяв,
Он нинӧм вӧч тай шондӧ петис мед.

Зэв эськӧ колӧ сийӧ енӧж шӧрас,
Мед этша вылӧ югзис вежон-мӧд,
Кӧть сэсся тӧлысь чӧж эз петав бӧрас,
Кӧть сэсся тӧлысь енӧж оліс сьӧд.

И вӧлі эськӧ лӧсьыд енӧж улын,
И гажа гожӧм локтис эськӧ бӧр.
А ӧні быттӧ висьӧ чужан муным,
Оз прӧста сийӧ кыз синваӧн бӧрд.

Шуда кад

И менам овлӧ сэтшӧм кадыс,
Кор быттӧ нинӧмыс оз ков,
Мед эськӧ олім инӧн-ладӧн
Да вӧліс сӧмын нянь да сов.

Мед сӧмын велӧдчисны челядь
Да кынӧм налӧн вӧлі пӧт.
Мед найӧ муныштисны тэлань;
А мыйӧн — ачым ме ог тӧд.

Баба гожӧм

И абу том, и абу пӧрысь,
А буретш — шулывласны йӧз:
Дзик быттӧ ывла зэрӧм бӧрын,
Кор шондӧ эм и енӧж лӧз.

Он шу ни ньӧжмыдӧн, ни чождӧн,
Абу кын ни абу яр:
Дзик быттӧ арнас баба гожӧм,
Кор буретш ыркыд, буретш жар.

Визув паныд

Визув олөмлөн зуркыд-скөр коськөд
 Талун катны эз тырмышт на вын.
 Но ме эска: ме лёкинсө босьта,
 Эг өд бөр косны татчөдзыс сын.
 Вына вабергач бергөдө пыжос,
 Кыскө лөп пиө, сувтла кө здук.
 Кыдз нө жеблунысь асьтө он мыжав,
 Кыдз нө юыслы лөгтө он юк.
 Коськлөн бузгөм пыр гөлөсьяс кыла:
 Ёртъяс водзынөсь кык-куим көдж,
 Сьөлөм ёнтө, мый наысь ме ылын,
 Мый ог вермы ме накөдыс тшөтш.

Ытшкөм

Зумыд киясын гөрбуш ворсө,
 Руа сынөдын: швич да швич.
 Колө помавны ластаторсө,
 Бара діавны медым видз.

Өні мудзөмыд быттьө вуні,
 И он ропкы, мый чеччин водз,
 Пёсьтө өвтышттөг мунан, мунан,
 Водө бөрсяньыд зарни лёдз.

Кыйсьөм

Сьөлөм кыскис ыркыд раскө,
 Шөйта бара тат.
 Талун вөрө босьті аекөд
 Фотоаппарат.
 Дзик быд воськов выльтор восьтө,
 Дзорга — лов оз шед.
 Со нин «мушка» вылө босьті
 Урөс, кыйны мед.

Сэсса сьөла жбыргис матө —
 Асланьө затвор..
 Сөмын лыйөм шысысь татөн
 Чөвлуныс оз ор.
 Сөстөм-югыд раскөд өткөн
 «Прөмышляйта» дыр.
 Менам кыйдөсөй — зверь-пөтка,
 Коді ловья пыр.

Владимир ЛЫТКИН чужліс 1958 воын Сыктывдін районса Вьльгорт сиктын. Шёр школа помалом бёрын служитіс армияын, Оні уджало шофёрон.

Владимир ЛЫТКИН

Кык висът Ок ті, мужикъяс!

Коданев Мишка, кызь өти арёса совхозной шофёр, ас вылас, кыз шуасны, видзодны оз вермы. И мыйысь!

Субөта рытө восьлаліс сійө клубысь, гажодчан-рытйысянінсянь, гортланьыс. А ывлаыс — ок лөсьыд!.. Небыдик лым ньөжйөнник усьө туй вылас, морөс тырнад кокниа лолавсьө, да и сідзи съөлөм вылас лөсьыд: шойччан лун аски!.. И тайо шуда здукө казяліс Мишка туй бокин сулалысь зонпосни чукөрысь асьыс дас куим арёса племянниксө, коді ыджыд морт моз, зэв лючки-ладно куритчис. Коданевөс сійө эз казав, мышкөн сулаліс да, а ас тшөтшьяясыс эз жө висътавыны. Гашкө, эз вевъявыны, а гашкө, и эз көсийны.

— Куритчам?— матыстчөм бёрын гораа юаліс Мишка.

— Ме?!— нем виччысьтөмысла эз төд, мый шунысө мөдыс.— Ме эг! Ме сөмын кыкысь кыскышти, видлыны көсийи...

— А мый? Эн пов меысь,— водзө мелиа нин сёрнитіс Мишка.— Вай өтлаын и куритчам. Позьө и по стопке, тэ өд, со, верстьө нин да!..

Детинка гөгөрвоис тешитчөмсө, гөрдөдіс (яндзим, буракө, лои), мыйкө нурбыльтіс вомгорулас, вешйис. Мишка аслас туйөд жө бара мөдөдчис, гортланьыс, но мышсяныыс гора гөлөс джөмдөдіс сійөс:

— Тэ нө мый? Детинкасө куритчыны велөдан?!

Миш бергөдчис. Латшкөсіник тушаа, но сирөд мыр кодь крепыд ар комына мужичөй сулаліс Коданев водзын да ёсь видзөдласнас бытьө көсийс розьодны сійөс.

— Эн сөр!— шөйбөвошөмөн дорйысис Миш,— өлөді на-а...

— Төда ме тэнө...— скөрысь шуис мужичөй и друг кватитіс Мишөс морөсөдыс.

«Мый нө тайо? Оз-ө кось көсий панны?»— дзикөдз шай-паймуніс Коданев. Эз сійө радейтлы тышкасыны, колө шуны. И эз сы понда, мый поліс. Миш зэв бура гөгөрвоис: косьын асьыд правлунтө он петкөдлы, а петкөдлан сөмын лөклунтө, скөртө.

Помнитө Миш, кыз сійө ёртыскөд, коркө дзоля дырйиыс на, вөтчис сикт кузя өти детинка бөрся. Детинкаыс эз сиктса вөв, посёлокыс лөктөма, а посёлоксяскөд найө ёна эз лөсявыны, пыр косясьлісны. Со и вөтчисны зонка бөрсяыс, виччысисны, кор улич выласгырысьяс оз лоны, медым пуж петкөдлыны, водзөс босьтны, велөдны посёлоксаөс налөн сиктөд ветлөдлөмысь. И со зонка коли өтнас. Мишка ёртыскөд кулакьяснысө чабыртөмөн матыстчисны сы дорө. Сэки детинкаыд садьтөг повзьөмысла зэв гораа, мисьтөма, беддён кучкөм пон моз, бөрддзис да уськөдчис мый вынсьыс пышйыны. Другыс Мишлөн чепөсьыліс вөтчыны, но Миша эз лэдз. Мед пө усйысяс. Та бёрын эз кут

Миша лѡсявны другыскѡд, ѡтдортчис сысы. И тышкасны шѡджыка кутіс, сѡмын сѡк, кор вывтї нин ѣна вѡлі колѡ ассыс правлунсѡ петкѡдлыны. А сѡсся и ачыс эз век кут стѡча гѡгѡрвоны, кор сїѡ збыльсыс прав, кор абу, и дзїкѡдз дугдїс тышкасны. Мустѡммис сылы весьшѡрѡ вир кїсьтѡмд...

И со талун Мишлы морѡсас шашаритчисны, велѡдан пѡ челядьѡс куритчыны.

— Ноко, ветлам керка саяс, ме ставсѡ висьтала тѡд!— скѡрыс шуасис мужїчѡй, Мишѡс морѡсѡдыс тракїнгтыр.

— Ме некытчѡ ог мун, лѡдз менѡ. Вай лѡчки сѡрнїтам да торїѡдчам бурсы,— ассыс жѡ зїлїс висьтавы Миш.

— Ак, сїдзи? Да?— мужик лѡкыс нетшыштїс Кѡданев юр вылыс шапкасѡ да шыбитїс кок улас. И сѡки Миш тѡдїс мужїчѡйсѡ, зятьыслыс другсѡ. А Миша эз радейтлы ни зятьсѡ ни сылыс другсѡ. Кѡть и пукавлывлїсны ѡти пызан сайын, но тыр-бур сѡрни на костын эз на пансыв. Зятьыс юны жѡ радейтѡ, гажмас и кутас сѡрны эмсѡ и абусѡ, а Мишка оз ю, и зятьыслыс кодалѡмсѡ оз лѡпты, пыр и мыйкѡ вома-лана шуас. Зыктѡг эз на торїѡдчывны. Дерт, кѡнкѡ, зятьыс сѡрис нин сы йлысыс аслас друглы быдторсѡ.

— Но, мый? Пїнытѡ разны тѡнсыд?— водзѡ збоялїс мужїчѡй.

— Лѡдз кїтѡ, ме тѡкѡд косясны ог кут!..

— Тѡ абу мужик!..— медбѡрын крапкис мужїчѡй да лѡдзис Миш-каѡс. Мишка немтор эз вѡчавїдз, бѡсьтїс шапкасѡ да мѡдѡдчис горт-ланьыс.

Кось эз лыб. Быттьѡкѡ и бур Мишкалы, но мыйкѡ вот абу жѡ лѡссыд лолыслы, бытшкѡ сѡлѡмсѡ. Мунїгмозыс вель пѡв став лѡѡмторсѡ вѡжѡр пырыс нуѡдїс Мишка и нѡшта нин гажтѡм сылы лои. Ѳд косясны, косясны вѡлі сылы колѡ, кватїтны мужїксѡ горшѡдыс да кабыртны лов петтѡдзис. Мыйлакѡ Мишка аддзѡ косялыс сѡмын ѡтар боксѡ, мїсьтѡмсѡ: доналѡм гѡрд чужѡмъяс, вир, лѡкыс сѡткѡм-маткѡм, тышкасысыс гѡгѡр жеръялыс йѡзѡс. И весїг нывъяс сѡтѡнї гѡгралѡны, косясьѡмсѡ вїдзѡдѡны. Тьфу! Но и ѡд асьтѡ дорїыны, ас вѡснаїд, мужик мортыдлы, колѡ жѡ кужны сулавны. Удж вылас тай кутїс жѡ казавны Мишка, мый весїг ськѡд ѡтлаын уджалыс зонъяс ѡтдортчѡны сысыс, оз пыдди пуктыны, серамвыс на лѡптылѡны син саяс, кѡть и Мишка лѡксѡ налы немтор оз вѡч, деньгаѡн на мездылѡ и быдтор. Гашкѡ, бара жѡ сы понда, мый косяснысѡ оз радейт?..

Шогѡн локтїс Миш гортас. Лѡня пѡрччысис, водїс, но унмовсны эз вермы. Асылѡдзис узьтѡм лои. Югдѡм бѡрын нин муртса суркмунлїс, но регыд и садьмис. Дыр куйлїс, мѡвпалїс, бергалїс дзуртыс крѡвать вылын, кузя ышлолалїс. Сѡсся звїрк чеччис. «Тырмас! Чѡрту!»— ас кежсыс скѡра шуасис Мишка, тѡрмасьѡм сорѡн пасьтасїгмоз.— Муна да косяся мужїкыскѡд! Бурмас, гашкѡ, сѡлѡмѡй!»

Здук-мѡд мысти сїѡй ѡдїѡ вѡсьлалїс сїктса уличатї, эскис думсыс, мый тѡрытъяс мужїкыскѡд кѡнкѡ аддзисяс. И аддзисис — пес поткѡдлїс мужїчѡйїд горт дорас.

— Эй, тѡ!— гѡраа шыасис сы дорѡ Миш.— Ноко, петав татчѡ! Тѡ мѡкѡд, помнїтан, сѡрнїтны кѡсїин? Сѡрнїтам!

Пес поткѡдлысьлѡн кїсьыс колуныд уси... Вїдзѡдїс Миш вылѡ, эз тѡд мый шуны, гѡгѡрвоис, кутшѡм мѡгѡн сы дорѡ локтїсны. Қоркѡ сѡсся сѡрнїныс чужис жѡ:

— Тѡ мый? Вунѡд вай тѡрытъясѡ... Ми жѡ тѡкѡд бур тѡдсаяс. Тѡнад чѡйлѡн верѡскѡд ѡтлаын пукавлывлам... Да и гѡстьясѡс ме виччыся талун...

Мишка эз тѡд, мый колѡ вѡчны. Аслыс первойѡн, ыджыд помкатѡг, эз жѡ вѡв ѡкота вуззысысны. Мый вѡчан? Бергѡдчис, мѡдѡдчис улича вывтї бѡр... А вїрыс пуѡ сѡлѡмас, лѡкыс пуѡ, бурмыны оз кѡсїы.

Магазин дорті мунігөн мужик чукорысь торійодчис ар кызь вита гдтдтм зон да потшис туйсё Мишлы:

— Друг! Водзосавлы пенсияодз руб?

— Руб?! Да ме тэн кыкөс сета!— став сійө найтыс, бөръя лунъясө пытшкөсас чукормөм скорыс-лөкыс Мишкалөн ылькнитіс ортсө и Мишка став сёлөмсяныыс лөсыштіс зонлы шуйга синмас...

Онi чукортчыласны мужикъяс куритчыны-сёрнитны өтлаө, Мишка сэн жö, ас морт быттö, пыдди пуктана. А паняс кö сёрни сёлөн тышкасьом йылысь, Миш кывзас-кывзас, сэсся гусьонмоз ышловзяс: «Эк, мужикъяс!..» да бергөдчас налы мышкөн...

Д о й

Олөм! Коді нö вöчöма сійөс татшөмөн, кодi сетöма олөмыслы уна пөлөс рөмсö. Пөртмасьöны найö. А мортлөн нö сёлөмас мый вöчсö, кор сійö мунö олөм туйöдыс? Думаыштлө-ö сійö, мыйла олө, бур вылө али лөк вылө?

...Коляөс ме помнита дзоля дырсянь на, кор мянөс, челядöс, повзөдлісны ёма бабаясөн, бубаясөн да мукөд пөлөс вөвлытөмторъяснас. Йöй Коляөн (син саяд сійөс ставөн сідзи и шулісны — Йöй Коля) мянөс эз повзөдлыны, ми асьным полім сыысь, көть и вөтлысьөмөн дөзмөдчылім. Школасыыс Коляөс вөтлөмаөсь, и, гашкө, та понда сы вылын вильшасьны медъёна радейтисны ичөт арлыда школьникъяс. Тешкодь налы: верстыö дядьö, а школаын абу велөдчöма. Кыдзи нö он котрав сы бөрся да дэльөдчы: «Колька дурак, курит табак!»

А Коля зөв рам, ветлөдлө сикт кузя, нюмъялө быдөнлы, чөлөмасьö кодкөд колö и оз ков, ки чургөдö төдмасьны: «Ме — Коля!» Морт, кодi оз төд Коляөс, шйөвошлө таысь, а Колялы мый, вашъялө сөмын. Онi сылы нелямын саяс нин. Сиктса балагуръяс радейтöны жö сы вылын шмонитны. Матыстчасны сы дорö да панöны сыкөд, вежөра морткөд моз, лючки сёрни, юксöны сёлөн олөм-вылөм йылысь, виччысьöны, кор поэяс Коля вылын гораа серөктыны. Коля мыйкö тышкасьмышкас висьталас, мужикъяс серөктасы да вунөдасыны сы йылысь.

Овлö, мый матыстчас сійö вина юысь мужикъяс дорö, мыччасны мужикъяс сылы «сизим грамм» да видзөдöны Колялысь юөмсö, сералöны, тешитчöны. А Коля зөв рад, мый сійөс эз вөтлыны да мыччисны на нöшта. «Сідзкö и сійö,— мөвпавсьö Колялы,— на костын абу бөръя морт». Шуасны сылы: «Ноко, Коля, ну кытчөкө тыртөм дозсö да саймөвт». Коля пыр дась, котөрөн-сорөн и нуас, и тешитчысьяс ошкöны сійөс: «Молодеч, Коля!»

Зөв ёна радейтö Коля автобусөн ветлыны, карö и быдлаө волö. Коляөс төдысь кондукторъяс билет сылысь оз корны, и Коля лыддьö найөс бур кондукторъясөн. Ме унаысь адззыла Коляөс автобус сувтанинын: сійö виччысьö бур кондуктора автобус. А сиктса пöрысь бабаяс жалитöны сійөс, пуксьөдöны автобусас аскөдныыс орччөн, кузя варовитөдöны, сэсся юасьöны: «Мый нö, Коля, он на гөтрась?» Мыйысь Коля зөв ёна яндысьö. Қоркө автобусын век жö сы йылысь вунөдöны, а Коля сюся кывзö карö картупель вузавны нуысь бабаяслысь сёрнисö. Карас воигөн нин Коля петö да зөв прамöй морт моз шуö: «Колö, дерт, Марья, картупельтö вузыштны, колö». Автобусын пукалысьяс бара аддзöны Коляөс, бара налы окота тешитчыштны сы вылын, панны сёрни, кутшөмөс позö панны сөмын Колякөд. Кор Коля петас автобусысь, кыськө өдзөс сайсяныыс кылö: «Йöй керкаө колö сійөс нуны, выжив бабөс моз».

Радейтö Коля и вичко празникъяс, торійөн нин троица, кор клад-

бище вылө локтöны йöз. Эм мыйкö сьöлөмтö вөрзьöдана сыын, мый гажа тулысын локтöны татчö найö, кодъяслөн бать-мамыс да пöль-пöчыс куйлöны тани. Волöны, медым казтьвны-вошйöдны, шогалыштны муын куйлысь матыс рöдвуж йылысь, гуяс лöсьöдыштны. Ветлöдлö сэки Коля йöз дорын, гуяс костöд, а мукöдыс и асьныс сийöс корöны: «Волы, Коля, казтьв». Коля казтьылö да водзö мунö.

Öтчыд, рöдвужкöд пукалыштöм бöрын, ме мөдöдчи шойна кузя, думышти аддзысьлыны важся ёртъяскöд. Медводдза паныдасьысь и индiс меным:

— Видзöдлы эсийö гу вылас. Сэни йöй Коля быдса концерт сетö!— да индiс кинас шойна пельöсын сулалысь йöз чукöр вылö. Ме матыстчи. Коля пукалис гу дорын, киас вина тыра кружка чабыртöмөн, да горзiс: «Ме — йöй! Ме öд йöй! Мыйла нö ме йöй?!» И бөрдзис. Ме ньöжйöникөн петi сералысь йöз чукöрысь, петi кладбище вылысь да тэрмасьöмөн мөдöдчи гортлань, а пельын чуналис: «Мыйла нö ме йöй? Мыйла?!»



Николай ТАРАБУКИН

Мый мен колö

Олöмас мен этшаник и колö,
Медым мамöс аддзывны быд во.
Медым сё во олас кызди олö,
Да мед некор выль война оз ло.

Олöмас мен этшаник и колö,
Мед эськö чой-воклы тырмас шуд.
Дзолядырся ёрт мед частö волö
Казтьывлыны нöрысьывса луд.

Олöмас мен этшаник и колö,
Медым эськö кодкö виччис пыр.
Медым эськö гажөн тырлас лолöй,
Эг кö нин ме аддзыв найöс дыр.

Олöмас мен этшаник и колö,
Челядь серам некор мед эз быр.
Кодi кутас овны, кодi олö,
Шондi налы нюмъялас мед пыр.



Дона гоб

ВИСЬТ

Василёк вөйысис батыскөд тшак вотны ветлыны. Өтнәсөн полис на мунны вөрө да эз на эськө-й путьмы. Өни жө тьовкнитльвліс пуяс костөд, кор паныдасьліс виж либө гөрд гоб. Шамыртліс ичөтик кияснас, лэптыштліс юрьсыс вылөджык да ошйысьөмпырысь горөдльвліс: — Бара со кутшөм ыджыд сюри. Сюс вөд менам синмыд, пыр н аддза!

Батыс дакайтис да шпынныліс. Ягыс, көни найө вотчөны, гулыд. Сынөдыс сөстөм, сир дукөн небыдика өвтө. А кок улын яла дзажакы-лө. Ставыс тайө кыпыдлун сьөлөм вылө вайө.

Мыйкө дыра кытшлалөм бөрын батя-пия мөдөдчисны гортланьыс. Мунөны вөляысь. Сувтышталөны. Батыс Василёкльысь корис пестерсө нуыштны, но мөдыс эз сет: ачым пө.

— Батьө, а Опонь пөль гу вылө жежалам?— мунігмоз юасьө зонка. И со сиктө вотөдз ая-пия кежисны шувгысь пашкыр туганьяса пожөмьяслань, кытчө важөнсянь гуасьлөмаөсь пөляысы на.

Опонь пөльлөн гуыс муртса эжмыны көсийө. Нэриник турун сиясыс копрасисны му улын куйлысьы...

...Опонь пөль гөтырыскөд овліс дзик ю дорын, сикт помас. Керкаыс сьлөн ас кодьыс жө пөрысь, нөровтчыштөма. Быттьө лөсьөдчөма лэччыны юас. Керка саяс заводитчис кыддза рас. Челядь чукөр сәни радейтисны ворсны. Луннас тані некод абу, челядь школаынөсь. Василёк эз на велөдчы да өтнас гуляйтө, өктө гылалөм кыз пу корьяс. Сәтөни коркө и паныдасисны найө, пөль да зонка.

— Висьтав, багатыр, кыззи тәнө шуөны?— меліа шыасис Опонь пөль.

Зонка чатөртчыліс да видзөдліс пөрысь мортлы пашкыр тошкас да муртса кывмөн вочавидзис:

— Василёк.

— Кынмин, буди, гуляйтігад, Василёк? Лок пыралам, пөсь чайөн шонтысям.

— Эг на кынмы,— пыкис зонка, көть эськө киясыс гулюлөн кодьөсь нин, гөрдөдөмаөсь.

— Лок, лок,— пөльө тап-тапкерис сөнөд кияснас зонкалы пельпомас.

Чай юигөн Василёклөн пызан сайысь сөмын еджыд юрыс тыдыштө.

Марья пөч ваяліс вуйөн мавтөм картупеля шаньгаяс.

— Сөйышт, пиук, сөйышт,— буралө.

Кисьтис чайсө лөз дора мица чашкаө. Матысталіс сакарнича, чөдья вареннө. Бергаліс, быттьө медся дона гөсть дорын.

А Опонь пөль пукаліс пачводз дорын кияссө пидзөс вылө пуктөмөн да шоныда видзөдльвліс детинка вылө.

Кыкнанныслы любө Василёклөн на дорө пыралөмысь. Гашкө, сы

вѡсна, мый налѡн некод эз вѡв. Олісны гозъя челядтѡг. Ёнмыс пѡ, тѣ-далѡ, сідз шулѡма миянлы овны,— норасьлас вѡлі йѡзлы Марья пѡч.

— Оз сѣсся ков,— петіс пызан сайысь Василѣк.

— Сѣйышт на, сѣйышт,— лывкѣдліс Марья пѡч.

Но Василѣк кышаліс нин пальтосѡ. Ѳдзѡс вугѣ кутчысис.

— Пасибѡ, гортѡ муна.

— Видзѡдтѡ, ичѡтик, а пасибѡ гѡгѡрвоис шуны,— шензыштіс Опонь пѡль.— Водзлань гуляйт, коркѡ тѣа-меа тшак вотны ветлам.

— Тшак вотны? Миян эм пестерѣд,— радпырыс вочавидзис зонка да котѡртіс гортас.

Мѡд лун асывнас садъмис сѣк, кор гортас некод нин эз вѡв. Удж вылѡ мунѡмаѡсь, а ыджыд мамыс, тыдалѡ, суседъясас петѡма.

«Вунѡді юавнысѡ, а гашкѡ, дедушыс талун мунас вѡрас?»— дум вылас Василѣклы уси тѡрытъя сѣрныс. Шурк-шарк пасьтасис, кайліс сараяс пестерла да котѡрѡнмоз лѣччис кильчѡ поскѡдыс. Тѣрмасѡ. Пестерыс ыджыд, коклябѡрас вачкылѡ.

Марья пѡч аддзис да кыкнан кинас бокъясас швач керис. Кутіс верѡсѡ видны:

— Пѡрысь выжив, тешитчан кага вылас.

Опонь дед, дерт, эз виччысь, мый зонка мѡд асывнас жѡ пестерѡн лѣктас. Мыжаѡн асьсѡ лыддис, чуйдіс да. Эз ѡд висьтав, кор мунасны вотчынысѡ. Ружтігтырїи лѣччис паччѡрысь, босьтіс пестерсѡ:

— Ок, пиук, зѣв ыджыд тѣныд тайѡ пестерыс. Тырас кѡ он вермы новлѡдлынысѡ.— Сѣсся казяліс зонкалысь жугыльчѡмсѡ да содтіс:— Эн шогсы. Тѣкѡд ми выльѡс, ичѡтджыкѡс кыам. А тшактѡ ѡні вотны сѣр нин. Со кынмѡма муыс, лым регыд усѡ. Ѳні тшакыд оз нин быдмы. Абу нин кад...

— Кор нѡ кадыс лѡѡ?

— А вот пестертѡ кыам, тѡвсѡ коллялам дай быдмыны мѡдасны гожѡмнас. Зѣрышталас да.

Опонь пѡль петаліс жытнікѡ. Вайис мездорас сѡмѡд тубрас.

— Кѡтѡдыштам пѡсь ваѡн, мед нудзмас, и аскисянь жѡ босьтчам уджѡ.

Василѣк пѡшти быд лун кутіс волювлыны пѡльѡ дорѡ. Сїйѡ тшѡтш отсасѡ пестерсѡ кыны. То пуртсѡ пѡльлы мыччас, то сѡмѡдсѡ, а ачыс сюся кызѡ пѡльѡлысь вотчѡм йылысь висьтасѡмсѡ. А медся ѣна Василѣклы кажитчѡ пѡльлѡн война вылас ветлѡм-мунѡм йылысь казътылѡмъясыс. Пѡльѡ и медальяс петкѡдліс.

— Тайѡс мыйысь сетісны, тайѡс?

— Ѳтисѡ — Ленинград дорїѡмысь, мѡдыс — Варшаваѡс мездѡмысь...

Опонь пѡльѡс ѣна кызѡдіс. Война вылас ранитчѡмыс да кынмалѡмыс пѡ ѡгласѡмаѡсь. Юктѡдас пѡчѡ Опонь пѡльѡс лекарствоѡн, а ачыс стѡкансѡ пачводзѡ нуигмос сін доръяссѡ чышъян помнас косѡдыштас. Василѣк казялас да тшѡтш лѡѡ сылы жаль висьысь Опонь пѡль.

Эштіс пестер кыѡмыс лымъя кадѡ нин. Ичѡтик, пелькиник, кокныдик. Любѡ сы вылѡ и видзѡдлыны и киад босьтны. Ачыс и вѡзйысьсѡ мыш сайѡ.

Кызкѡ тѡдлытѡг воис тулыс. Кушмисны лымйысь муяс да видзьяс. Гажмис ывла выв. Василѣк ас коддѡмъясыскѡд котраліс, ворсис ывлаын, гортас сѣйыштны сѡмын и пыралас. Тайѡ уличыввса гажнас зонка вунѡдіс видзѡдлывлыны дедушѡ.

А сѣсся виччысьтѡг кывсис: Опонь пѡль пѡ кувсьѡма...


...Опонь пѡль гу вылын Василѣк ыджыд морт моз ышловзис, лѣдзис пельпомъяс сайсыс пестерсѡ, перйис сѣтысь медся ыджыд да мича дона гоб да пунктіс сїйѡс гу вылѡ:

— Тайѡ тѣныд, дедушѡй.

Александр Михайлович Юзыкaйн чужліс 1929 воын. Помавліс Марійскай педагогическай институт, сзэсся Высшай літэратурнай курсъяс.

Гижысьлөн петавлісны «Отдортөмъяс», «Ош гу», «Коръя вөр», «Эльян» романъяс. Найбе вуджөдөма роч кыв вылө. Оні писатель гижө «Заповедник» роман, дасътө мари йöзлысь эпос.

А. Юзыкaйн мари кыв вылын петысь «Ончыко» журналса главнай редактор. Сійö Марійскай АССР-са культураын заслуженнай уджалысь.



Александр Юзыкaйн



КУИМ ЧОЙ

Асыввывса марияслөн мойд

Сэн, көн вöрыс помасьö,
Асья кыа ломасьö,
Ичöт грездын, помланьыс
Оліс ичмонь томиник.
Енмыс сійöс кыліс-ö?
Сетіс куим нылукöс.
Лунъяс, войяс кывтісны,
Быдмисны тай нывъясыс.
Мамлы уджыс вичмывлö —
Киясö оз личöдлы...

Грездыс и став ывлаыс
Любуйтчö том нывъясөн.
Ылі грездысь, матысь-ö
Локталöны сватъясы!

Мед жö ставсö ен видзас!
Первой нылыс медмича.
Челдырвийөн шуöны,
Кöсаясыс муöдыс.
Уйö вабд, сьялкöдчö.
Ачыс дзик русалка кодь.

Удырас — мөд нылукыс,
Морöсъясыс вылынöсь.
Путшкө, шöрт оз орöдлы,
Частö съывны горöдлö.

Коймөд нывлөн — Изийлөн
Киясыс зэв визулöсь.
Ставнас муно мамланьыс —
Мелілуннас, рамлуннас.

Лунъяс, войяс кывтісны,
Свадьба вывсьыс нывъястö
Бокö, ылі муясö
Жöникъясныс нуисны.


Сю да проса вöдитіг
Куим ар нин прöйдитіс.
Шогсьö мамныс,
нывъясыс
Вошисны, оз кывсыны.

Тöv ныр тьöс кө вөрзёдлас —
Пыр нин пышйö öдзöслань.
Кузьöсь узьтөм войясыд,
Мыйысь татшөм дойясыс?

Помтөм-дортөм степьясөд,
Пöрысь мамныс стөглöдлö.
Оз тай пов, коть ылалас,
Пыді вөрөдз пыралас.
Оз пов синсö перйöмысь,

Оз пов лютöй зверьясысь.
 Друг сэсь аддзö урпиöс,
 Корö сийöс бур вöчны:
 — Урпи, менö кылан-ö?
 Корсь вай дона нывьясöс.
 Дыр-ö, регыд ола ме?
 Дзедны кöть мед волосны.

Урпи чож да эбöса,
 Пуясь пуб лэбö со.
 Уна зверь кöть сэтöни,
 Быдөн туйсö сетöны.
 Гöра вуджö весьтасөн,
 Бöжсö вывлань лэптöма!
 Доймöны кок пыдöсьяс...
 Зарни двореч тыдовтчис.
 Пруд сы водзын шыльквидзö,
 Эзысь ваөн ылькйöдлö.
 Челдырвий сэн сялькöдчö,
 Уялö русалка кодь.



Строшничаяс *-ныланъяс
 Гажöдöны-сьылöны.
 Сылысь зарни кöсасö
 Кутöны, оз кöтась мед.
 Урпи кутис корны сэк,

Со кыз панис сёрнисö:
 — Челдырвий, вай котöртам
 Аслад чужан гортöдзыд.
 Мамыд бөрья лун олö,
 Гашкö, ловйөн суам на.

— Ок тэ, ичöt урпиöй,
 Аттьö вайöм юöрсьыд.
 Васьыс петны понда кö,
 Сотас лунся шондыс,
 Чорыд лоö лысьöмöй,
 Тадзи вöчны лысьта мöй?
 Урпи, бөр тэ лэбышт вай,
 Метөг мамöс дзебыштöй.
 Урпи скöрмис, тиралö,
 Нывбабаöс йирас кöть.
 Котралö пруд дорöдыс
 И став вынсьыс горöдис:
 — Тшапөн лоин, нолы тэ,
 Ло жö нурса олысьөн!
 Гым-нбöv кучкис, ыркмунис
 Муыс, ваыс сыркмунис.
 Мича прудыс ур водзын
 Пырысь-пыр жö нурсялис.
 Сэсья урпи кылис сэк
 Нурсыыс «ква-ква» сьылысьöс.

Урпи водзö лэбö со,
 Эм на, майбыр, эбöсыс.
 Уна зверь кöть сэтöни;
 Быдөн туйсö сетöны.
 Гöра вуджö весьтасөн,
 Бöжсö вывлань лэптöма.
 Доймöны кок пыдöсьяс...
 Эзысь двореч тыдовтчис.
 Урпи весиг падмылис,
 Адзис, мича сад быдмö.
 Сэни нывьяс сьылöны,
 Печкöны да кыöны.
 Шöвкъяс гөгöр öшлöма,
 Быд пу вылын прöшвияс.
 Орчөн кылö: дорöны
 Исергаяс, кольчаяс.
 Орсөн кучкас — шедлан кö —
 Удырас сэн ветлöдлö.
 Урпи кутис корны сэк,
 Со кыз панис сёрнисö:
 — Удырас, вай котöртам
 Аслад чужан гортöдзыд.
 Мамыд бөрья лун олö,
 Гашкö, ловйөн суам на.
 — Ок тэ, урпи, донаöй,
 Шөгся, шөгся ёна ме,
 Но ог вермы муннысö,
 Тöждыс-уджыс уна зэв.
 Трöшничаяс, дышьясыд,

* Строшница — слуга (Улыс Эжа ног).

Метөг ставон пышъясны.
Урпи, бөр тэ лэбышт вай,
Метөг мамбс дзебыштй.

Урпи пулань вирдыштіс,
Чардби весътас дзирдыштіс,
Шуис, бытъё керыштіс:
— Лоны тэныд чераньбн!

Муртса урпи вешйис сэсь,
Гөгөр чераньвезъясис...

Урпи водзё лэбё со,
Эм на, майбыр, эбёсыс.
Уна зверь коть сэтёні,
Бидён туйсё сетёны.
Гёра вуджё весътасён,
Бёжсё вывлань лэптёма.
Муртса лэччис му вылө,
Паныд керка сулалө.
Урпи пырис жыр пытшкө,
Көзяйкаыс джодж чышкө.
Кияс сылөн визулөсь,
Пыр и төдіс Изийбс.
Тадзи шуө ур сылы:
— Чойяссыд ло бурджыкөн,
Өдйө мунам-котортам
Чужанінад, гортөдзыд.
Мамыд бөръя лун олө,
Гашкө, ловйөн суам на.

Шогыс аньбс нюкыртіс,
Көм-пась өдйө чукөртіс.


Копыр муөдз сетісны,
Ылі туйө петісны...
Уна вояс өдйө тай
Сійб кадсянь прөйдитіс.
Өнөдз, быд бур вөзйөмөн,
Изий олө йөз дорын.
Коркө ачюд, эштан кө,
Волю тайб грездөдзыс,
И тэ уна кывлан сэн
Изий нима ныв йывсьыс,
Аддзылан сэк вөр дорысь
Изий дзоридз дзордзалөм.

Челдырвийыс,— шуасны,—
Олө век лягушаөн.
«Ква-ква»,— горзө войясын,
Корө мамсө, чойяссө,
Удырас пө,— кывсьө жө,—
Олө везъяс кысьөмөн,
Но оз вермы везъяссыс
Некор сійб мездысьны.

Вермас лоны, кодъяскө
Оз эскыны мойдъяслы.
Сюркнялөй пель саяныд,
Эм и сэн бур велөдөм:
Мам-батътө кө вунөдан,
Шогыс асьтө суөдас.

Сьөлөм сетан — бурлунтө
Некор йөз оз вунөдны.
Морт моз овны сямман кө —
Қолян йөзлөн паметьбө.

*Комидіс Н. ШУКИН.
Серпасаліс С. КОЗЛОВ.*



Көр видзан овмөсын

Ижма рөдтө уналаысь позьö аддзыны. Миян шуоны: «Кöни эм көр, сэтысь и корсь изьватасöс». Ветлöй Ловозерö, Ненецкöй автономнöй округö, вуджавлöй Урал сайö — быдлаысь найöс позьö паныдавыны, весиг Камчаткаысь. И тайö сы вöсна, мый ижмаладорса йöзöс важысянь тöдöны, кызси збыль повтöм да сяма көр видзсыясöс. Весиг Ненецкöй автономнöй округын унджык көр видзсыясыс сёрнитöны комйөн — миянладорысь жö петöм йöз. Öд тöдса, ненецъяс важысянь медавлöмаöсь ижмасаясöс видзны ассыныс көръяссö.

Эм Усть-Цильма районын Окунево. Сэни сiдз жö олöны медясö найö, кодъяслөн дедъясыс да бабъясыс, батыясыс да мамъясыс волöмаöсь татчö Ижма бердса сиктъясысь. Первой найö сэни тöвйöдисны көр стадаяс, а эсёя и овмöдисны. Чужис выль сикт. Местаясыс зэв нин бурöсь: вөръясас уна зверь-пöтка, юясас да тыясас чöскыд чери. А медясö, дерт, сiйö, мый көр нитшыкыс тырмымөн и небыд, кузь да сөкъя.

Вот сiдзи и артмис, мый Усть-Цильмаын и районса сиктъясас олöны медясö рочъяс, а Окуневоын — комияс. Сэк жö колö пасйыны, мый сöмын тайö сиктса колхозыс и видзис көръясöс водзджыксö. А бöрынджык, кор вöли котыртöма көр видзан «Ижемскöй» совхоз, Окуневоса көр стадаяс сетисны сылы. Дерт, вуджисны совхозö и көр видзсыяс — Рочевъяс, Терентьевъяс, Филипповъяс.

Филипп Андреевич Рочев — «Ижемскöй» совхозлөн Бакурса көр видзан отделениеыс мöд бригадаса бригадир. Батысь, Андрей Мартынович, чужлöма Ижмаын, а мамыс, Александра Алексеевна — Бакурын. А öни ставныс найö — окуневосаяс. Ф. А. Рочевлөн бри-

гадаын пастукъясөн уджалöны сылөн кык пи — Николай да Фёдор, старшöй пастукнас отделениеын — бригадир гöтырлөн вок Феофан Яковлевич Чупров. Ещö öти пастук — Феофан Яковлевич гöтырлөн вок Василий Алексеевич Валяев. Чумработническаяс — бригадирлөн да старшöй пастуклөн гöтыръясыс Екатерина Яковлевна Рочева да Светлана Александровна Чупрова.

Уджалö коллектив бригаднöй подряд серти, а стöчджыка кө шуны, семейнöй подряд серти. Совхозкöд быд во кырмавасö көръясöс дөзёритöм да государстволы йа сдйтöм кузя договор. И уджсö таdzi котыртöмыс сетö ыджыд пöльза. Бригадирлы вöли сетöма Юрий Гагарин нима вымпел. Звезднöй городокö ветлис сыла бригадирлөн пиыс Николай. Кык во чöж нин бригадалы сетсö «Коми АССР-са көр видзсыс медбур бригада» ним. Бригадирсö кыкысь наградитлисны ВДНХ-лөн зарни медальсөн, а дас öтиöд пятилеткаын бура уджалöмысь — Дружба народов орденөн.

Медым петкöдлыны, кызси уджалö бригада, вайöдам некымын лыдпас. Воддза воын пастукъяс дзоньвидаöн гождисны гырысь көръяслысь 99,5 процентсö, быд сё важенкалысь босьтисны 93 теляөн. Быд сё көр вылö сдйтисны 33,6 центнер йа, а совхоз шөркөдя вузалö 17,5 центнерөн. Тайö стадаас важенкаясыс ай көръяссыс тöдчымөн унджыкөн — 58 процент (совхоз пасьта шөркөдя — 50,4 процент). Быд пастук вылö көр йаисö сдйтöма вонас 74 центнер. Сöмын Ф. А. Рочевлөн бригада дас öтиöд пятилетка воясö сетис совхозлы миллион джын шайт гөгөр прибыль. А тайö пятилеткалөн медводдза воö пастукъяс шуисны тыртны кык вося план.

Ме унаысь вöлі тайö бригадаас. И төвнас, кор көръяс йирсьöны Окуневоын, и гоёмнас, кор найö тундраынсь, море берег дорсянь неылынсь. Кажитчö, ставыс муно сідз жö, кызди и мукод бригадаясын. Унаысь юасьлі Филипп Андреевичлысь, кызди найö шедöдöны татшöм ыджыд вермöмъяссь. Но сійö уна сёрнитны оз радей: «Видзöд ачыл,— шуас.— Тэ öд абу нин яндо миян уджас». Менам чайтöм серти колö стöча водзвын артавны, коні йирсьöдчыны, кызди гоёммын, сідзи и төлын, да кужöмөн котыртны пемöсьяслысь йирсьöмсö, видзны стадаын унджык энть көрöс. Сэки и пемöсьяслөн лыдыс содö, и найö лöбны көрымаджыкось.

Кывзан Филипп Андреевичöс да мөвпыштан: налөн уджын некутшöм гусатор и абу. Но тайö сöмын кажитчö. А збыль вылас бригадир аслас нэмнас көръяс дорын комын сайö во ветлігас чукöртис зэв ыджыд опыт.

Гоёмнаст пастукъяс зилöны йирсьöдны ассыныс стаданысö разнöй местаын да и уджалöнысö выль ногөн, сідз шусяна вахтöвöй методөн. Ыджыд чумыс налөн база пыдди. Пастукъяс, кодыас пегöны дöзбөритны көръясöс, босьтöны дадювъяс вылö ичöтджык чум. Сійöс öйдöджык сувтöднысö, öйдöджык и разны. Вежон тайö чумас олö öти смена, а сэсся сійöс вежö мöд.

Төвнас стадасö юкöны кык-куим гурт вылö, медым бара жö көръясыс этшаджык ветлöдлісны да унджык адзисены сёянсö. Медясö öнi ветлöны стадаас «Буранъясөн», а сідзкö доддялан көръяс тайö кадас йирсьöны.

Торъя уна тöждлуныс сюрö пастукъяслы пиöдчигөн. Откымын энть көръяс, медясö томъясыс, чужтасны телясöс, а сэсся вунöдöны на йылысь, эновтöны. Сэки пастуклы колö күтны көр мамсö да вайöдны сійöс теля дорас. Та бöрын көр мамыас сэсся оз нин вунöдны теля йывсыныс. Тайö кадас быкъясöс йирсьöдöны торйөн, медым найö эз дойдны выльбн чужöмаясöс.

Бөръя кадö тöдчымөн чинісны да тшыкисны пöскöтинаяс. Та вöсна көр видзсыяс оз вермыны содтыны пемöсьяслысь юр лыдсö. Тундраса көр нитша веркöсыс ичöтмö воысь-во: гелогоразведчикъяс сэтсысь восьтöны нефть да

газ перьян выль местаяс. Эм-ö татысь кутшöмкö петан туй? Опытнöй көр видзсысь, сэтшöм, кызди Ф. А. Рочев, шуö:

— Эм. Öти-кö, колö содтыны энть көръяслысь юр лыдсö. Странаса бур овмöсьясын стадаясас 60 да унджык процент найö. Позьö тадзи жö адззыны кольчöмсыс петан туйсö и миян овмöсьясын. Сэсся колöны унджык «Буран» машинаяс. Нинöмла весьшөрö песны көръяссь. Техниканас ветлöмыс сувтö донтöмджык. Тундраса пöскöтинаяс кө чинöны, колö унджык йирсьöдны көръясöс вöра местаясын. Миян совхозса Сизябскöй отделениеысь П. В. Каневлөн бригада йирсьöдö пемöсьясöс весиг Ухтинскöй районса вöра пöскöтинаяс вылын и пыр сдایتö государственволы уна яй. Колö тöждысьны и сы вöсна, медым этшаджык көръяс веськалісны ускөтттьö улö. Öд сöмын воддза воын лои воштöма овмöсын кык тысячаысь унджык пемöсöс. А Филипп Андреевич бригадаын сöмын 34 көрöс. Вот и артыштöй: кызь нельнан стадаас кө вöлі тадз жö, позис эськö содтöд вузавны государственволы 100 сайö тонна көр яй.

Да, тундраын унатор бригадир сайын. Öд сэнi он котöртлы сельсöветö, он кор пырысь-пыр отсöг вылö ветеринарöс. Бригадир и уджсö котыртö, сійö жö аслас коллективас и властысь. Но Филипп Андреевичлысь некор он кывлы лөк кыв, кужö сійö матыстчыны быд морт дінö, эскöдны сійöс, веськөдны, сорсылас кö, бур туй вылö. Немын во нин бригадаас эз торкавлыны удж дисциплина. Сэнi öти тöждысö став вöснаыс, ставөн — öти вöсна.

Көр видзсысь, дерт жö, кутас уджавны бурджыка, тöдö кө сійö, мый сылөн гортас, сиктын ставыс лючки-ладнö. Тундраса пастукъяслөн челядыс — 70 морт олöны школаясса интернатъясын государство тшöт весьтö.

Рочевъяслы сідзжö оз ков на вöсна повны. Окуневоын налөн выль ыджыд керка, коні олöны бригадирлөн батымамыс. Накöд тшöтш и пастукъяслөн внукъяс Егор да Маша. Велöдчöны школаын. Регыд лөө новоселье и Николайлөн да Фёдорлөн. Найö гöтрасисны, а выль семьялы и керкаыс выль лөө.

Бур сьёлёма, ыджыд вежёра

В. В. Юхнинлы 80 арёс тырём кузя

Тавося январь 12-өд лунё тырис эськё 80 арёс бур сьёлёма да ыджыд вежёра коми гижысь Василий Васильевич Юхнинлы.

Ок нин тайё «эськёяс»! Мыйла пыр тадзи: морт кёсий на уджавны, сьлөн унатор на эштөдтём, а висьом топодё сійёс. И некедз оз лэдз. Унатор на кёсийлыс вёчны Василий Юхнин, унатор йылысь гижны, а медся ыджыд кёсиймыс — эштөдны «Пожёмъяс шувгёны» романсё — «Алэй лента» романлысь мөд книга.

Ми вөлим Василий Васильевич ордын кулан луннас — 1960 вося ноябрь 23 лунё. Висьысьлөн крөвать дёнын пукалим куймён: Яков Митрофанович Рочев, Геннадий Александрович Федоров да ме. Василий Васильевич жалитис өтитор: эз удайтчы эштөдны «Пожёмъяс шувгёны» роман вылын уджсё.

— Зэв лышкада ми кызкё кадтё видзлим... — сёрнитис надзёник Василий Васильевич, крөвать вылас куйлиг. — Оз и уна ков меным... Во джын сёмын. Эштөдй эськё... Петкөдлі, кызди артмис олёмныс менам геройяслөн — Илья Ошлаповлөн, Вералён... Оз удайтчы, тыдалё...

Мый дыра кё пукалыштём бёрын ме муні, Василий Васильевичлөн киё инмөдчылём бёрын. Кылі — чуньясыс көдзыдөсь.

Яков Митрофанович другыслөн ки вылын и кувсьёма сійё рыгнас Василий Васильевич.

Өні и Яков Митрофанович абу ловъя. Эз жё кузь нэма ло олёмыс... Унатор вермисны эськё сетны коми литературалы тайё талантливой кык мортыс, кузьджык кё налөн лои олёмныс... Но олөмыд мортыдлөн абу ас саяс. Сымын ёнджыка сідзкё колё видзны кадтё, мед удитны вёчны унджык.

* * *

Василий Васильевичлөн олёмыс көть и лои дженъыд, век жё вермис да вёчис ыджыдтор — востіс паськыд өдзёс коми прозалы. Талантливой киён гижём «Алэй лента» романыс сетіс төдны уна народъяслы: коми йөвлөн эмөсь жё таланта романистьяс, кызди эмөсь музыкантъяс, художникъяс, артистьяс.

Казьтыла, кызди Василий Юхнин 1960 воын сёрнитис Саранскын РСФСР-са писательяс союз правление секретариатлөн заседание вылын, көні сёрниыс муніс финно-угорской народъяслөн литература водзё сөвмөдём йылысь. Василий Юхнин сідз жё выступитис сәні, сёрнитис романъяс гижысь авторъяслөн мастерство йылысь, сы йылысь, мый колё стрөглун гижөдъяс донъялөмын, көть кутшөм кыв вылын сійёс гижёма. Абуөсь пö народъяслөн вынтём да гөль кывъяс. Эмөсь вынтём гижысьяс...

Менам паметын быттё син водзын Василий Юхнин: неыджыд латшкөс тушаа гөгрөсіник чужёма, сьодоват юрсиа. Сьлөн вөлі синмө шыбитчана вежөр, кодй төдчис чужём вылас, петкөдчис лабутной да тэрмасьтём сёрниас. Ме ог помнит сылысь гөлөс кыпөдлём ни скбралём. Ог помнит, мед сійё кодкөдкө веньзёвліс крепыдджыка, гөлөсө кыпөдліс. Весиг кор нин лои төдчана гижысь-

өн, ээ тшапитчыв некор аснас. Пыр вөлі прөстөй, быдөн повтөг сибөдчылісны сы дінө. И ачыс сибавліс йөз дінө.

В. Юхнин чужлөма Занулье сиктын. Батыс ичөтысяныыс велөдлөма писө уджавны асланыс овмөсын, тшөктывлөма пыр отсасыны. Быдмыштас да лоө ай-мамыслы отсасысьсөн; батыскөд вөлөн кыскалө груз Кебрабдз, волювлө Сыктывкарөдз да Мурашөдз. Кор Занульеын котыртчас медводдза комсомольскөй ячейка, том йөз бөрьясны сійөс секретарөн. Сідзкө, пыдди пуктылісны ёртнысө, эскисны сылы. Тадзикөн комсомолец Вася Юхнин сиктын лон уважайтана мортөн. Быдмыштіс да кутіс ветлыны вөравны — кыйны прөмыс да пөтка, лэдзліс сортовка кер, тулысьясын — вөр кылөдліс.

Өти дум вөлі юрас сиктса том зонлөн, комсомольскөй юрнуөдысьлөн — заводитны велөдчыны. Колі ыджыдджык грамота. Та вöсна том морт первой ветліс Сыктывкарө велөдчыны совпартшколаб, а сы бөрын пырис курсьяс вылө, мед веськавны учителясьөс велөдан институтө, коді пө, кывсис, регыд вөссьяс Сыктывкарын.

Сыктывкарса пединститут вөссис 1932 вося январь 1-өд лунө. Василий Юхнинлөн көсйөмыс збыльмис — сійө лон студентөн педагогическөй институтын.

Василий Юхнин медводдза гижөдьяс «Ударник» журнал лист бокьяс вылын йөзөдліс 1931 воын. Тайө вөлі ичөтик кывбур «Аскиа колхозниклы». Сэки Юхнинлы вөлі 24 арөс. Бөрнджык аслас казтылөмьясын писатель висьтавлывліс, мый велөдчыны вөтөдз сійө эз думыштлывы на йылысь, кодьяс гижөны книгагяссө, мый сійө лоө «автор» кывйыс. Унджык книгагяс лыддигад синьясыс заводитісны вөссьыны унатор вылө. Коркө сэсья киас веськаліс «Ударник» журнал. Төдмаліс: книгагястө вөлөм гижөны и Сыктывкарын олысьяс — писателяс, арлыдаяс и томьяс. «А мый? Ме кө заводитла жө?» — воис юрас дум. Кутіс коми гижөдьястө лыддыны унджык. Збоймөдчис да гижис нейджыд кывбур. Сылысь примитісны гижөдсө. Тшөктісны водзө гижны.

Ме сэки уджалі нин «Ударник» журнал редакцияын, но Луздор Васылысь (тадзи том автор гижисс первой гижөдьяс улас) сэкса чужөмбансө ог помнит. Сійө жө 1931 воын том гижысьлөн вөлі йөзөдөма медводдза висьт «Ас костса тыш». Коми журнал редакцияө карын велөдчысь том йөз пөвстысь гижөдьястө вайлісны унабн — совпартшколаын да педучилищцын велөдчысьяс, пединститутса студентьяс. Но помнита, кызди Василий Юхнин смелмөдчөма гижны «Веськыд туйөд» повесть да пыртіс сійөс редакцияө. Гижөдыс вөр лэдзысьяс йылысь. Сэні төдчис нин том гижысьлөн ыджыд сям, аслас киподтуй. Ставнас повестьыс вөлі эштөдтөм на, но ми заводитім сетны журнал лист бокьяс вылын некымын номерын. Бөрнджык том гижысь водзө ёна уджаліс аслас повесть вылын да некымын во мысти сійө петіс торъя книгабн. Гижөдыс шусис «Дінгёльса вөрпункт». Сійөс өнөдз лыддөны коми книга радейтысьяс. Гижөдыс сы йылысь, кызди коми яг-пармаө локтөны машинаяс, кызди вежсьө вөр лэдзысьяслөн уджыс, кызди быдмөны да вежсьөны и асьныс вөр лэдзысьяс.

Институтын велөдчөм бөрүн Василий Юхнин заводитіс уджавны «Вөрлэдзысь» газет редакцияын, кызди сэки шусыліс өнія «Югыд туй». Сэні уджалігөн том гижысь вермис паськыджыка төдмавны вөр лэдзысьяслысь уджсө, ветлывлыны уналаө вөр лэдзысьяс дінө. Тадзи коми гижысьяс радьясө сувтіс выль, таланта велөдчөм морт.

Менам паметын пөшта өтитор. Институтас велөдчигөн на Василий Юхнин «Ударник» журнал редакцияө пыртіс выль бура ыджыд висьт. Ог нин помнит висьтысьлысь нимсө. Но помнита: висьтыс коми вөралысьяс йылысь. Стөдчжыка кө шуны — ош кыйөм йылысь. Сы йылысь, кызди збой вөралысьяс вёны ошкөс аслас гусыс. Висьтыс менө шызьбөдіс мича гижан сямнас, мича коми кывлөн, бура адзөм да казялөм художественной детальсөн. Зэв воис гижөдыс сьбөлөм вылө. Ме ногөн кө, ачыс Василий Юхнин вөлі рад ошкөмыслы.

— Локтан номерын жө сетам висьттө, — шуи ме. — Бур висьтысьяс мян оз тырмыны.

— Вот мый ме шуа висът йывсысь,— висъталіс бõрынджык Юхнин,— та йылысь ме некодлы на эг висътавлы... Думыштї ыджыд гижõд. Ог на тõд, мый артмас. Тайõ висътыс, верма шуны, пырас сійõ ыджыд гижõдас. Ог на лысьт шуны, мый менам артмас. Но ёна думайта роман йылысь. Кодкõ õд коми романсõ кутас жõ гижны... Вот помала велõдчõм, кута уджавны, гижны роман...

Ош кыйысыяс йылысь висътõ ми сетім журнал лист бокъяс вылын, кызди торъя висът. Но тайõ висътõ бõрынджык аддзи «Алõй лента» романысь. Сідзкõ, Василий Юхнин сэки нин думайтис коми роман йылысь, кодõс бõрынджык и гижис.

1932 вося арын Илья Пыстин менõ корис уджавны Москваõ партиздатõ, кõни лэдзисны коми книгаяс — К. Маркслысь да В. И. Ленинлысь õткымын гижõдъяс, общественно-политическõй литература. Сыктывкарса типография сэки вõли эõtтик, гырысьджык книгаяс да нõшта гырысьджык тиражъясõн печатайтны из вермы. Та вõсна õткымын гырысьджык коми книгаяс печатайт-сисны Москваын, «Центриздатны». Ме муні Москваõ, уджалі сэни недыр, сёся висъми да бõр вои Сыктывкарõ. Василий Юхнин уджаліс «Вõрлэдзысь» газет редакцияын. «Ударник» журнал лист бокъяс вылын печатайтсис сылõн «Алõй лента». 1941 воын, Великõй Отечественнõй война заводитчытõдз на, «Алõй лента» роман петіс торъя книгаõн.

Коми художественнõй литература озырмис медводдза коми романõн. Сэтысь ме аддзи и ош кыйõм йылысь глава, кодõс коркõ лэдзлім журнал лист бокъяс вылын.

* * *

1945 вося арын ме демобилизуйтчи Сõветскõй Армия радъясысь. Октябрь тõлысьын бõръя пароходõн вои гортõ — Сыктывкарõ. Туйыс вõли кузь. Помни-та, кызди Баренцево море дорысь американскõй тральщик вылын первой вай-исны Мурманскõ. Сёсянь кõрт туй кузя Котласõдз, а сёсянь «Бородино» вай-õдіс гортõдз.

Заводит уджавны «За новый Север» газет редакцияын. Матысмис ыджыд празник — Великõй Октябрлы 28 во тырõм. Редакция медводдза мирнõй ыджыд празникылы сисе газетлысь номер. Меным сідз жõ сетісны задание — дасътыны материал салдат йылысь, кодї гортас воис фронт вылысь морõс вылас орденъясõн да медальясõн. Сэки татшõм морттõ дыр корсьны эз ковмы.

Кызкõ õтчыд улича кузя мунігõн паныдаси Василий Васильевич Юхнин-кõд. Пõрысьмыштõма, кызкõ бытъõкõ копыртчыштõма. И чужõм вылас омõлик.

— Чолõмала гортад воёмõн, Иван Васильевич!— нюжõдіс кисõ Василий Васильевич.— Қывлі воём йывсыд. Чайтї, мыся, пыралас важ другъяссõ аддзõдлыны...

— Нинõмõн на пыравнысõ, Василий Васильевич!— вочавидзи ме Юхнин-лысь кисõ кутліг.— Кор мыйкõ гижа, сэки и пырала. Роч газетлы со мате-риалъяс дасътї праздничнõй номерõ.

— Гижõдтõгыд пырав, сёрни эм ыджыд!— шуис Юхнин.— Журнал кутам лэдзны вель восянь. Нимсõ бõрийм нин, «Войвыв кодзувõн» кутас шусъыны. Партиялõн обкомын нимсõ вынсьõдісны. Редакторнас лоõ Илья Иванович Пыстин. Ті õд, буракõ, сыкõд другъяс вõвлінныд. Партия обкомын пропаганда да агитация отделõн веськõдлõ Иван Рассыхаев. Коми журнал йывсыд ёна тõждысõ. Сійõн и õдйõ решитісны обкомад... Нюжõдчытõг, позьõ шуны...

Да, тайõ вõли вельтор. Та йылысь ме эг на кывльв. Дерт, зэв бур, мый сэтшõм õдйõ война помасьõм бõрын шунсны лэдзны коми журнал. Война воясад сійõ эз петавльв.

Журнал петõм йылысь звõнитліс меным и Илья Пыстин.

Ме ёна эг нюжõдчы: аддзи кад пыравны Юхнин дінõ уджаланінас. Война воясõ сійõ вõлі коми писательяслõн отделениены веськõдлысьõн, тõждысис гижысыслõн семьяс вõсна, отсаліс налы, мый вермис.

Война кадõ Василий Юхнин гижис да лэдзліс торъя книгагõн пьеса-мойд «Зарни кыв», «Герой йылысь сказ» да «Сõветскõй Союзса Герой Николай Оп-

леснин» очерк. Война воясё, армияс слүжитигөн поэт Иван Вавилин лэдзис кык поэтической сборник — 1942 воын «Ни өти шаг бөрө» да 1944 воын «Фронтвөй стихотворенияс». Тайё негырыс книгаясыс артмисны В. Юхнин отсөгөн жё. Тайё жё воясас Н. Дьяконов да С. Ермолин өтвыльыс гижисны «Домна Каликова» героической драма, кодөс сувтөдис коми театр. Петис сийö и торъя книгаөн.

Ачыс Василий Васильевич чукөртис материал выль роман вылө.

— Тайё лоö мяян войвыв йылыс роман,— висьталис аддзыслигөн Юхнин. — Кыдзи тундра вежö чужөмбансö, кыдзи войвывылыс мупытшса озырлунсö сөветскöй йөз сувтөдöны асланыс служба вылө. Воркутаас ме гоз-мөдыс вöлинин. Унатор аддзыли аслам синмөн, уна йөзкөд сёрниті. Прөстөй йөзкөд и начальникъяскөд. Дерт, геройясыс гижөдас лооны комияс и рочьяс. Öтлаын өд уджалöны. Сидзкө, гижөдыс лоö и народьяслөн дружба йылыс. Нимыс гижөдыслөн, тыдалö, лоö «Тундраса бияс». Биясыд тундраад öнi збылыс уна — öзйöны гөгөр...

Юхнин норасис: врачьяс сылыс признайтисны туберкулез. Коркө пö том дырйи тувсалигөн ёна кынмавлі да, тыдалö, сийö кадсяныс. А война воясад лечитчыны вын ни кад эз вөв.

— Прамöя лечитчыны, тыдалö, ковмас,— висьталис,— гашкө, весиг удж вылыс мездөдчвыны. Колö на прамөйджыка «Алөй лента» вылө видзөддыны, мөд юкөнсö гижны. Колö выль роман вылас уджавны, уна вын сы вылө сетны.. — Но — кута надейтчыны!.. Гашкө висьöмыс дзикөдз оз личкы... Медся водз, мый эськө кöсий — творческой удж вылө петавны... Ставсьыс мездөдчвыны! Став вын гижөдъяслы сетны! — шуис, а эссея ланьтыштис да содтис: — Кутам надейтчыны бур вылө! Главнөйыс — уджавны да уджавны! Висьöмлы сетчыны оз позь.

В. Юхнин петис творческой удж вылө.

«Тундраса бияс» романы сийö сетис кызь во. «Алөй ленталы» гижис мөд юкөн. «Тундраса бияс» романсö смелмөдчис петкөдны Москваын обсуждайтөм вылө, көнi гижөдсө ошкисны, шуисны коланаөн. Таыс кындзи В. Юхнин гижö «Бианюр» повесть, кык гырыс пьеса, йөзөдис посни пьесааяс, очеркьяс да вель уна публицистической статьяяс. Висьöм вылас видзөдтөг, асьö жалиттөг зияя уджалис, тэрмасис унджык вöчны.

Но висьöмыс век жö босьтис асьыс — 53 арөсөн Василий Васильевич кувсис.

1967 вося январын Василий Юхнинлөн чужан сиктас — Занульеын паськыда пасийсны асланыс земляк, писатель-коммунист В. В. Юхнинлыс-чужан лунсяныс 60 во тырөм. Сиктса клубын вöли торжественнөй рыт. Занульесааяс казтылисны асьыныс гижысбөс, сылыс книгаяссö. Бур кыв висьталисны сыыс, мый писатель аслам сьöм вылө нбөбис да пöдаритис колхозлы пилорамы.

— Тайё вöли зев ыджыд козин,— казтылисны колхозникьяс.— Василий Васильевич төдис, кутшөм пöдарки мянлы, стрөитчысыяслы, нбөбны. Öд тысьсястө асьным пилитлім ки помыс. Стрөйбасяс сиктын өдйөджык да кокниджыка мөдисны кыпавны, брусусь. Пасибö Василий Васильевичлы. Не сöмын гижөм книгаяссыс, но и пилорамаясь...

Тайё казтылан рыт вылас карыс волісны дона гөстьяс — коми гижысыяс. Помнита, кутшөм пöся сёрнитис рыт вылас Василий Васильевичлөн другыс — Яков Митрофанович Рочев.

Ме вöли жö рыт вылас. Помнита: Яков Митрофанович висьталис сы йылыс, кыдзи занульеса зон кыптис ыджыд писательбөдз, лои коми народлөн славаөн.

* * *

Василий Васильевич Юхнин кулөмсянь коли 26 во. Тайё каднас коми хужественнөй литература ёна кыптис, кутис нимавны Яков Рочевлөн, Геннадий

Федоровлөн выльгырысь гижодъясөн. Быдмисны да сөвмисны сэкса том гижысьяс, кодъяслысь ми лыддям талун сёлём вөрзёдысь романъяс да повестьяс. Тайо Петр Шахов, Геннадий Юшков, Иван Торопов да мукодъяс. Вөлі ко ловъя Василий Юхнин, дерт жё, нимкодь лои сылы. Кужліс В. Юхнин радлыны том гижысьяслөн гижодъяс вылө.

Колис нин мато комын во писатель куломсянь, но онөдз на сылысь гижодъясё абу чукортөма да лэдзөма. Кад нин эськө вөлі некымын тома гижод чукор лэдзны.

Шуны ко веськыда, то и став творческөй наследиесё ыджыд коми гижысьлысь абу на жё тырвийо исследуйтөма. Гижөма сөмын обзорной статьяяс. Некутшөм монографическөй удж абу жё. И одвакө кодкө литературоведъяс пиысь уджалө тайо тема вылас. Йөршитөма В. В. Юхнинлысь творчествосё и куйм тома «Коми литературалөн историяын». Оз жё позь научной исследованиеын шуны и тадзи: «Сосредотачивая основное внимание на событиях, В. Юхнин, как и другие коми писатели 30-х годов, меньше места уделяет изображению внутреннего мира отдельного человека».

А событиеяс пырыс ко писательыс мортсё петкөдлө? Мен чайтсьо, тайо художественной литература омөля гөгөрвоысь мортлөн кывъяс, а абу исследование!

Но со тай тадзи на талун донъялөны коми гижысьяслысь произведениеяссө мян критикъяс. Та йылысь висьталө и татшөмтор: неважөн критикъяс мыжалісны Г. Федоровс, «Востым» романсө донъялігөн, сыысь, мый быттёкө писатель гижис роман-гипотеза! Но абу омөй быд гижысьлөн произведениеын сылөн аслас гипотеза, кодтөг художественной творчество оз вермы лоны! Романыд өд художественной произведение, а абу научной трактат. Жаль, мян онөдз на тадзи донъялөны и Василий Юхнинлысь творчествосө.

Висьтасьӧ Мӧдей Паш

ВИСЬТ

— Сідз, пиянъяс. Ме ас пайысь куимысь жӧ быттьӧ гӧтрасьлі да сідз эг и веськав прамӧй гӧтыр вылӧ. Первойысьсӧ... А сэки ме вӧр пӧрӧді, олі вӧр участокса общӧйын. Воа вӧлі удж вылысь — вир тшыг, а столӧвӧйыс сӧмын час мысти на воссяс. Мунан сэтчӧ да тӧнӧ бура али мый примитасны? Пон моз зырӧдасны вердысьясыд, быттьӧ найӧ тшыгӧсь, а абу ме.

Ӧтчыд шыд босьті, а паньыс кудъяс ни ӧти эз вӧв. Қори. Мыськытӧм пӧ, шуӧ Нюра, сӧян сета-лысьыс. Ичӧтыс пӧ тай эм, кыкӧс босьт дай, ӧтар-мӧдар киад, ӧлав колӧкӧ. А нянь шӧрӧмсӧ нӧ, юалі, тэ али мый пондан вом дорам кутны. Гашкӧ, сунис йылӧ йиркас ӧшӧда, вом дорам лэдза? Сӧсся чай меным мыччис. Мый нӧ, юалі, чайыс гудыр, чуньтӧ али мый стӧканас вӧйтлін? Шыдыд тай татшӧм сыла эз вӧв. Нюраыс менӧ терпитны оз вермы, коркӧ стряпукаӧн шуи да. Бур вылӧ на ӧд шуисӧ, мися, бур рыт, стряпука. Кывсӧ, тыдалӧ, эз гӧгӧрво, лӧк кывйӧн чайтіс. Кутшӧм нӧ, шуӧ, ме тӧныд страпука лои, каллян ныр! Со ӧд, нырӧдз сӧсся кутчысис, асьыс нырсӧ оз аддзы-а, беринӧсь нырсӧ.

Да-а, другӧ, гӧтыртӧгыд лӧк овны, абу кампет. Комын витӧ нин тыртӧгӧн. Ичӧт кага тай во тыртӧдзыс кӧ, йӧйнас на, кокӧн кӧ оз мӧд, сӧсся сяммас да, повны велалас да, дыр на седуналас. Менам сідзи жӧ артмис, гӧтрасьӧм серти кӧ. Томнам, йӧйнам, аслым пӧв эг корсь-а, ӧні быттьӧ и сьӧкыд нин тайӧс вӧчны. Ӧні сӧсся и видзӧд быд Нюраыслысь шыд тасьті мыччӧм.

А сӧсся, кыз думышти, мый нэ-

мӧс ковмас общӧйын овны да казеннӧй вольпась вылын узьлыны, пыр жӧ и окога лои кӧть сійӧ жӧ Нюраыс дорӧ мунны корасьны. Но и коралі ме сійӧс, муніс. Сӧсся ми ас сиктаным мунім овны. Ме кыз быттьӧ принятӧйӧ пыри Нюраыс дорӧ. Мам на вӧлі сылӧн. Сӧк эз на вӧв пӧрысь. Приданнӧй пыдди батьӧ меным ялавич кукань сетіс. Но тӧянлы висьтавны оз ков, кутшӧм сійӧ олӧмыс принятӧяс. Кӧзьяиныс — тьӧща. Кыдзи сійӧ шуас, сы ног мед и вӧлі. Паметнӧ, кӧвдумсӧ век вӧлі ульӧс пӧжалас, да ме сӧмын доръяссӧ и сӧйи. Мый нӧ, шуӧ ӧтчыд, дорсӧ сӧмын сӧян, шӧрсӧ ме али мый тэ пыдди кута няклявны. Менам, йӧй мортлӧн, и шусис паньд. Мися, Василиса Ивановна, тӧян кык пинь вом пыткад сӧмын кольӧма да сы вӧсна и уль няньнас менӧ вердланьыд. Ӧтчыд тай, шуа, эн на сорсьылӧй блин зятъыдлы пӧжавны. О-о, мый лоис менам тьӧщакӧд, пуксаинас кутіс чеччавны. Қирк-турк вӧчис пызан вылысь шогмытӧм тупӧсьяссӧ. Та бӧрын и пӧлӧсмис сӧсся менам принятӧяд олӧмыс. Тулысладорсӧ мама-нылаыс тшӧктісны начкыны ялавичсӧ. Яйыс бырис да-й вӧтлісны. Лӧччӧді пыжӧ мӧс кусӧ да гор-тӧ кывті.

Мӧдысь гӧтрасьлі батьӧ кулӧм бӧрын. Но, сэтшӧм бабакӧд, дерт, позис овны. Сямӧн кӧть фигураӧн — я тебе дам! Ачыс неыджыд тушаа, сьӧдов юрсиа. Некыті абу гринсты-грансты. Первой войсӧ весиг матыстчыны эг лысьт — мися, корас кӧ, сэки вӧлись. Сідзкӧ шуны, нывкаыс ме сайӧ дзик патера понда зырӧдіс. Уджалис библиоте-каын, а юр тӧрмӧн поз эз вермыны

корсьны. Менам өд, ачылд төдан, пятистенка мама-пиа вылө. Мам веськыда шуис: тагысь пө көзьяйка-ос эн виччысь. Пыштыяс. Сидз эськө и лоис да. Уджыс менам колхозной, кызд тай шуласны. Вон өтчыд гортö силос кыскалөм бөрүн. Эг на вевъяв вылыс паськөмөс пөрчыны, матыстчис ме дорö: «Павел, кутшөм нө тайö дук тэ пыртін керкаас?» Силос дук, шуа. Кутшөм силос, юалö, кодөс тай мөсьясыс сөйöны? Фу, шуö, кутшөм гадость сөйöны. Не кө тайö гадостьыс, думайта, кытысь эськө йөвсө сөйин. Кор муяс вылө куйөд пондiм петкөдны, менам гөтыр дзикөдз жугыльмис, столөвөйын пондiс сөйны. Отчыд вон удж вылысь да аддзи гижөдторсө. Извенит пө, Павел, ог вермы сэсся тани.

Коймөдысь гөтрасьлөмсö ачым ог помнит. Садыми өти асылö. Сой пөлөй позялөма, кодiкө юрсө пуктөма сой вылам да. Думайта, абу гортын али мый. Видзöда вывлань — йиркыс и, плака пөвъясас увъясыс и, пельбсын черань везйис и — ставыс төдса. Гортын, сидзкө. Бергөдi юрөс орччөн куйлысьлань — Микол Сандра вөлөма. Öдйөджык чеччи, мам дорö петi. Мый нө, юалi, тайос тэ ме дорö лэдзин, да-й орччөн на водөма? Ме петалiккостi мед дукус эз вөв! Төдам татшөм Сандраяссө — куштасны, ни өти борд тувөй некытчө оз кольны. Асьтö на бөрындык гортсыд вөтласны.

Со тадзи и артмис, бур мортöй. Бабаяс вылад менам некутшөм надея абу. Көть кутшөм боксянь эн матыстчы, некытiсянь бурног оз тыдавны. Кутшөм сийö, мый юрас кутö — пемыд вөр. Кыдзкө-мыйкө өтнам нин олан мусюрсө воськовта. Сэсся өд, гашкө, и ачым сэтшөмөдджык, ме абу өна окоч бабаяс дорад.

Челядь? Эз, эн эз сетлы. Да и мый наысь төлкыс? Быдтан-быдтан, а найö жö сьöвзясны юр пыдөсад... Кулан да весиг дзевнысö оз волыны. Төда ме сэтшөм челядьсө. Со Лука Öртшөм гозъя пи быдтöны... Юр вундысь лөв, оз морт. Пыралi неважөн Öртшөмыс

дорö, мяся, абу-ө сылөн нигрол неуна. Баба-внука сөмын вөлины гортаныс. И кыкнанныс джодж кузяыс ки выланыс ветлөдлөны панласьөмөн. Мед нин зонмыс, да өд бабыс трикоасьөма да, прөсти господи, сийö жö вөчө. Ме сэтшөма чуйми, мый нигрол ни автол эг сяммы юавны. Сэсся менө аддзисны сой костыныс да сувтисны кок йыланасы. Извинитöй пө, шуис Дарьяяс. Юрик пө менө быд лун тадзи тренируйтö. Мед пө ог кыз...

Но и мый, семья ни челядь кө абу? Красуйтча да ола өтнам. Вөрö петавла, ва вылө лэччывла. Зверь-пөткаыс меным воча локтö: ог на вевъяв лыйны, а чукчыс нин кок улö шняпкыяс. Мыйла кулөм? Лыя жö, дерт. Сэтшөм менам сөрни ногыс. Кольөм тулысө уткасө кыйли — куим пельса яйсө солавли. Рөдвуж менам ыджыд. Öтили да мөдлы сетали. Утка лыйны ме ичтö юө пыра да медводз корся лэбан визьсө. Сэсся керъясысь бона нюжөда өтар берегсянныс мөдөдзые, мед лыйөмаясыс эз кылавны. Югдiгас найö и пондасны лэбны. Кор пемыд на, лыя лэбан шыас. Кывла сөмын ваас бузнитчөмсö. Югдас да дуплетөн понда кыстыны уткаяссө. Мед киссьöны — бонаысь водзö оз кывтны. Отчыд пукала — зэв ыджыд стая кылөдчө. Вөзьяс и гордаяс, и көрөгъяс — ставныс өтлаө чукөртчөмны, быдөн ас ногыс горзө-шыалө. Думайта, мый вөчны. Öти дуплет лэдза — мед нин гоздас кымын ваас водö, öстальнөйыс лэбзясны. Дзик ва дорас кольөм вося зорөд пиньяс сулалөны, дас кымын пинь. Öтка пуляөн кызд тай зымөбтi кузяла, пинь йивъяссө быттьö ытшкис. Найö өдөбаөн ваас лэбисны, чож стая вылас. Ок, мыйтаос сэки нөшалiс пинь йивъяснас. Быдлаө сям колö, со этийö мед уджалiс. Кылан өд, сэни абу тыртөм.

Коркө тожö койт вылын. Мыр вылын пукала, югдөмсö виччыся. Со өти тэтшкыны кутiс, улын, муас койтö, матынджык и матынджык кылö. Сэсся адзыны пондi койтысьсө, но ог лысьт видзөдны, сөмын синбөжнам кыйкнитлывла.

Чукчыыс веськыда ме дорё локтё-
потлясьё, бёжсё карті колода моз
паськөдöма. Дзик öд кок улöдз
локтыс. Кватиті бёжöдыс дай юрсö
и петшкылты.

Бара öд он верит... но тэ и морт.
Збылы но. Мый нö нинöм он сөй,
чай сöмын ырскан. Тшаксö видлы.
Кöть и дуксьыштöма, а позьö на
сөйны. Кильки банка со восьтöма
и. Ме тэныд висьтала — дозмөр-
тар кыйны колö бур пон. Менам
вöліс öти. Кыдз нин сэтшöмьяссö
шуöны? Но, кузь гöна тай, кепыс
пöлысь абу и ыджыд. Лаз бöжын
вöрас новлöдлі. Пудель кö-а. Но
вот, велöді ме сійöс дозмөр да тар
увтны. Локтас пу улас, кöні пöт-
каыс пукалö, да заводитас ассыс
концертсö: и бөр кок вылас сувт-
лас-ветлöдлыштас, быгласьö быд-
сяма ногыс. Ачыс век тьвгö, менö
корö. Первойсö аддзи татшöм кон-
цертсö да весиг кыдз вылас пука-
лысь тар йывсьыс вунöдлі. А та-
рыс тьöвгö пон вылас, юрсö öшö-
дöма да, весиг дуллыс киссьö. Та-
тшöм ылөгсö кинад жö кöть и
босьт. Уна пöтка ми ськөд кыйлім-
вöравлім, да торксис понйыс, дуг-
діс дозмöрсö увтны. А делöыс сідз
вöлі. Увтис öтчыд пöрысь чукчийс.
Ме матыстчи да лыйи. Усис, пон-
йыс вылысас шыбитчис. Дозмöрыс-
лы вöлöм абу смертöдзыс лöбма.
Бордьяснас швач-швач, кыпöдчис.
Ачым вомöс паськөді да видзöда.
Понйöс öд, думайта, лэбзьöдіс.

Сійö эськö шыбитчöма чукчи вы-
лысьсыс, да чорыдинö юрнас весь-
калöма. Но лэччигчöж на лаз бö-
жам увтис да эргис.

Ошкөд паныдасьлі-ö? Öтчыд кö
сöмын-а. Но ошсö сійöс ог вунöд.
Зэв на том вöлі, пастукалі колхоз-
ын. Помнита, лэччöда мөсьясöс ю
дорö, лыа вылас, мед ыркöдчöны.
Налы лөсьыд и меным бур. Ружье-
öс пельпом вылö öшöді да мөдöд-
чи матигөгöрса гөпьясысь чöжпи-
янсö öктыны. Тэ некор эн видлы
чöжпи яйсö? Мый нö юмов кö. Дас
кымынöс пуктан гырничад — шыд-
тö вöчас. Но вот, куим котыр жу-
гöді да, мися, бөр колö мунны
мөсьяс дінас. Друг кодикö ружök-
тіс öтчыд дай мөдысь, равöстліс
лөк ногөн и. Абу-ö кöть, думайта,
мөс вöйöма нуйтас. Муні, а зэв
ыджыд ош кайöма вожа пуö дай
сидбöма кык вож костас. Тьтчö ни
татчö. Зарадыс абу, уткапияныслы
ставсö пöлялі. Öдийöджык сөсся
лэччылі берег дорö, сөті пурьясь-
ысьяслысь трос пом да рази сэт-
тысь öти нарпöv. Сійөн и доми ош-
сö сьыліöдыс пу дінас, сөсся не-
кытчö он пышйы.

Тиянöс карсясöс, ставыс тайö
шензьöдö, а мян быттьö сідзи и
колö. Быдторйыс овлö вөр-васö ке-
лöдлігөн. Мый? Мунан сөсся? Пу-
кав, нöшта байтыштам. Но либö и
мөдысь коркö пырав... Ачым тэр-
мася жö, магазинас пö мойва пыр-
тöмаось да öчередьö колö мунны.

Адрес редакции: 167610, г. Сыктывкар, Дом печати, комн. 26.

Телефоны редакции: 2-47-52 (гл. редактор), 2-51-52 (отв. секретарь).
Сдано в набор 15.12.86. Подписано к печати 09.01.87. Ц00308. Формат 70×108^{1/16}.
Печать высокая. Усл. печ. л. 4,9+0,08; усл. кр.-отт. 5,425; учетно-изд. л. 4,46+0,3 вкл.
Тираж 4956 экз. Заказ № 11757. Цена 30 коп.

Республиканская типография Государственного комитета Коми АССР по делам
издательств, полиграфии и книжной торговли. 167610. г. Сыктывкар, ул. Перво-
майская, 70.



Кыпид-гажа Виль во дырйи.

Снимайтiс Ю. Осетров.

30 кӧп.

Индекс 73069



Печора йывса сус пуяс.

Снимайтис В. Ячменев.